

**VETUS ET NOVA
PHILOSOPHIA
MORALIS:
OPUSCULUM
HUMANARUM...**

Johann Christoph Fugmann





Ex Bibliotheca
majori Coll. Rom.
Societ. Jesu

14-15-I-14

Lib. L. d.

44
f
4

44
3
4

Maclean's
Longman & Co.

1716. an. cartino.

THE JOURNAL OF THE
ROYAL ANTHROPOLOGICAL INSTITUTE

Vol. 1. 1871.

VETUS ET NOVA
PHILOSOPHIA
MORALIS:

Opusculum

Humanarum Literarum Cultoribus
haud fortè injucundum.

AUCTORE

JO. CHRISTOPHORO

Gugmann.



WITTEBERGÆ,

Literis & Impensis JOHANNIS WILCKII.
ANNO M DC LXXIX.

THE NATIONAL
ANTHROPOLOGICAL ARCHIVES

Smithsonian Institution
Washington, D.C.

CHRISTOPHER
COLUMBUS

10/14/24



U.S. DEPARTMENT OF THE INTERIOR
BUREAU OF LAND MANAGEMENT

SYNEDRII SUMMI ECCLESIASTICI
PRÆSIDI,

ILLUSTRISSIMO DOMINO

DN. CAROLO, LIB. BARONI
à FRIESEN,

IN RÖTHA, COTTA, GESCHWITZA DYNASTÆ, SERENISS.
AC POTENTISS. ELECTORIS SAXONIÆ IN SANCTIO-
RE CONSILIO SENATORI ET COMITI EMINEN-
TISSIMO &c. &c.

DOMINO MEO GRATIOSISSIMO;

NEC NON

CONSILIARIIS GRAVISSIMIS,

VIRIS MAGNIFICIS

DN. MARTINO GEIERO,

SERENISS. ELECTORI SAX. A CONCIONIBUS AULICIS
PRIMARIIS ET CONFESSIONIBUS SACRIS,

DN. JOHAN: ANDREÆ LUCIO,

ECCLESIAE AD D. CRUCIS, QUÆ DRESDÆ EST, PASTORI
ET VICINARUM SUPERINTENDENTI,

THEOLOGIS SUMMIS;

DN. ADAMO CHRISTOPH: JACOBI,

DN. JOHANNI GEORGIO NICOLAI,

JCTIS NOBILISSIMIS,

DOMINIS, PATRONIS, PROMOTORIBUS

ET EVERGETIS MAXIMIS,

FELICITATEM!

ILLUSTRISIME DOMINE,
MAGNIFICI VIRI;

SI VOBIS eô nomine, hoc
quicquid est scriptionis,
dicarem, quo omnes sapi-
entiae cultores reverenti-
am exhibent, diligentemq; cultum tri-
buunt, nihil aliud agerem, quam quod
consuetudo ac usus efflagitat. Sum-
ma enim Vestra prudentia atque
doctrina, quam omnis orbis admira-
tur, hoc proprium sibi vendicat, ut
scriptis illam celebrare, atq; ad poste-
ros propagare, allaborent omnes, qui-
bus mens indita ad rectè sentiendum.

Sed

Sed propior est causa, quæ me huc impulit. VOS, PATRIÆ PATER, JOHANNES GEORGIUS SECUNDUS, GLORIOSISSIMUS PRINCEPS, ad regendas res Ecclesiasticas, ad tuendas Academias constituit, ut Vestrâ auctoritate atq; jussu omnia administrantur. Et verò in alma Leucori, jucundo illo Musarum loco per aliquot annos, multis beneficiis Vestris affectus, vixi. Pietatis igitur officium esse duxi, aliquod eruditionis specimen edere, atq; præscriptione Nominum Vestrorum, quibus magna inest veneratio, & observantia, porro gratiam conciliare. Est Philosophia Moralis ex veteribus Scriptoribus eruta, alio ordine digesta, atq; ad præ-

lens

sens tempus accommodata. Sternit
Aristoteles fundamenta, quibus alia
deinde inniuntur. Mihi enim in Mora-
libus omnem laudem tulisse Stagirites
videtur, quem sequi sana ratio jubet.
Hæc Philosophia, quoniam mores ho-
minum perficit, honestatem persequi,
turpitudinem fugere, atque ex conscien-
tia & recta ratione agere docet, non in-
commodè ita vocari videtur. Multo
præstantior illâ parte, quæ in nuda con-
templatione consistit, nihil ad vitam
instituendam adjumenti afferens. Vos,
ILLUSTRISSE DOMINE, PATRO-
NI MAXIMI, comiter quæso accipite
hoc reverentiæ atque cultus specimen,
neque de mea diligentia dubitate: cer-
tum

tum enim est, si non meliora, attamen
uberiora subsecutura. Addo muneri
votum: **DEUS VOS SERENIS-
SIMO ELECTORI** inter tot immi-
nentia mala conservet, atq; omni felici-
tate, quam omnes boni precantur, au-
geat!

VESTER,

*ILLUSTRISSE DOMIME,
MAGNIFICI VIRI,*

Wittebergæ d. XXV, Febr.
a. d. 1608 LXXVIII.

perperuus famulus
atq; cliens

JO. CHRISTOPHORUS Zugmann



Lectori Benivolo S. P.

Offero Tibi Philosophiam Moralem ex veteribus Scriptoribus Aristotele, Epicuro, Cicerone, adornatam. Non diffiteor uberio-rem suscipi laborem, atq; eadem ratione aliorum Philosopho-
rum sententias pertractari posse, sed jam allegatos pro instituto meo
ita in publica luce repræsentare sufficiat. Est Aristoteles primus inter
omnes, quiq; omni laude superior. Epicurus vulgò infamatus, sancta
suggerit præcepta. Miror cujusdam inscitiam, qui à nemine hujus Phi-
losophi sententias publicatas esse asseribat, cum Gassendi doctissimus
labor notus esse debuisset. In compendium ego totam doctrinam rede-
gi, & quod Gassendus omisit, judicium addidi. Cicerò Stoicum se præbet,
& hoc bene cognitò, facile erit Stoicorum Philosophiam dijudicare.
Et verò in his antiquis præstantissimisq; Philosophis explicandis non
abstinui novis atq; recentibus exemplis, quæ hodiernam vivendi consue-
tudinem, hominumq; virtutes & vitia sistunt: nonnunquam Respubli-
cas ac Principum regimen pervagatur oratio. An enim Philosophus in-
struet tantum privatos homines: imo quoniam imperantium exemplo
vel ad honestatem, vel ad turpitudinem invitantur subditi, non vulgari-
ter hic laborandum. Vir clarissimus Dn. SCHELGVIGIUS Gedanen-
sis Gymnasii Professor, qui quondam in hac alma Leucorea omne litera-
rum genus magnò applausu docuit, in quadam epistola ad me transmissa
tale format judicium: *Aristotelem quasi redivivum, pallium mutasse &
nostre ætatis habitum assumsisse videri.* Adjeci ultimò locò Moralia, quæ
in usitatis libris Ethicis minimè conspiciuntur, usum tamen in vita huma-
na uberrimum habent. Hæc nova est Philosophia Moralis. Hic iterum
plura, si animus fuisset, potuissent cumulari. Cæterum exercendis
Commilitonibus unum alterumq; non ignobile argumentum impo-
sterum propositurus sum. Confido enim ingenio florentissimos Juvenes,
uti hætenus factum, ita porro in publicandis Disputationibus mihi
operam duros; inprimis cum nullum exercitium utilius excogitari
queat, quàm ubi ad promptè respondendum, ad promptè objiciendum
excitantur animi, & publicis speciminibus calcar studiorum habent.

Vale Lector benivole.

ARISTOTELE

ARISTO.



ARISTOTELIS PHILOSOPHIA

MORALIS.

CAPUT I.

Aristotelis Laus.



Miraculum naturæ, & omnis sapientiæ fons non immeritò audit Aristoteles: in illum quicquid artium, quicquid doctrinæ humanæ reperitur, cumulatissimè congesta natura. Hinc nescio cujus imprudentiæ, vel stultitiæ potius accusandi, qui præteritò fonte, rivulos sectari malunt, atquæ ex aliis scriptoribus, quàm ex Aristotele sapientiam haurire. Satis argumenti hoc ipsum est, illos ad nullam solidam doctrinam pervenire, inidoneos esse ad æstimandum rei literariæ decus. An enim, quos in Scholis, quos in Academiis deprehendis summos viros, atquæ eminere vides, ab Aristotelis lectione diligenti cessare putas? Inò fundamentum doctrinæ suæ in tanto doctore ponunt, quò præstantior ob stupendas ingenii dotes nullus exitit. Fuit tempus, quò ex suo ingenio tantum philosophabantur homines, inanes distinctiones, divisiones fingentes, subtiles vel obscuras potius definitiones formantes, ut nequæ ipsi intelligerent, quid vellent, nedum aliis cogitata animi patefacerent, aut scriptis sententias suas declararent: illis profligatis ineptiis, in antiquum statum, i. e. in pristinam dignitatem restitutus est Aristoteles. Caput

A

enim

enim adhuc inter omnes Philosophorum sectas felicissimè extollit Peripatetica : inusitata sunt nomina Epicurea, Stoica, & Academica. Si hinc inde novi suborti, vel suboriuntur doctores, per illorum obtrectiones nihil detrahitur verisimis laudibus Aristotelis. Sed cum tota Philosophia cognitione digna, nec ulla ejus pars relinqvenda ac deferenda sit : tamen nullus præstantior in eà locus est, nec magis necessarius, quàm de honestate & turpitudine, deqve hominum vita & moribus. Quod si enim non benè colitur societas hominum, neqve debita præstantur officia, aut tecum ipse rectè non vives, in aqua pones fundamenta cæterarum disciplinarum. Hac verò in Philosophiæ parte, quæ ad practicam, ut vulgò dicitur, spectat, atqve à nobis jam tractanda est, divinum se exhibet doctorem Aristoteles, ut & inchoando, & absolvendo morum doctrinam, immortale atqve supra omnem invidiam positum nomen consequeretur.

CAPUT II.

De libris Aristotelis Moralibus.

Fin. l. 5. c. 5.

Offerunt sese inter libros Aristotelis Morales, primum illi, quos ad Nicomachum filium scripsit, inde Nicomachii dicti, atq; ob amplitudinem & perfectionem doctrinæ primò locò collocati. Et verò non ab antiquis solum scriptoribus, verum etiam recentioribus dubitatum, an hoc opus Aristoteli, an filiotribuendum sit. Cicero filium Nicomachum auctorem facit: *Quare teneamus, inqviens, Aristotelem, & ejus filium Nicomachum, cujus accuratè scripti de moribus libri, dicuntur illi quidem, esse Aristotelis, sed non video, cur non potuerit patri similis esse filius.* Sed dum nullas suæ sententiæ adducit rationes, non videmus, cur meræ auctoritati fides tribuenda sit. Persvasi autem sumus parùm rectè evoluisse Ciceronem illa scripta; quæ enim de virtutibus hîc, atq; de tota morum doctrina disputantur, parùm conveniunt cum principis oratoris, & Stoici philosophi præceptis.

Idem

Idem sentire *Diogenes Laërtius* videtur, qui *Nicomachum* *Vita Eudoxi.* Aristotelis filium in *Ethicis* scribere ait, quod *Eudoxus* in voluptate summum bonum collocarit. Hoc verò de voluptate etiam assertitur in libris *Nicomachiis*. An forsan proprium laborem, 17. c. 13. atque studium præstiterit *Nicomachus*, alii judicent.

Inter recentiores eminet *Fr. Patricius*, qui eandem tuetur *Discuss. Perip. l. 1. c. 4.* opinionem. Inprimis notandum, quod ille ad suæ assertionis rationem unum cum alio locum confert, examinans an pugna detur atque dissensus. Quando enim *Aristoteles* dicit : Διότι τὸ 101. τοῦ ἀντιπαιονθὸς πῶς ἐστι πῶς ὁ ἀντιπαιονθὸς ἐστὶν ὡς πῶς ὁ ἀντιπαιονθὸς : Quare æquale mutuum tuetur civitates, quemadmodum in libris de Moribus dictum est prius, colligit ex *Nicomachiis* libris prorsus contrariam sententiam, & quidem ex his verbis : Τὸ ἀντιπαιονθὸς ὡς ἐστὶν ὡς ἐστὶν, ὅτι τὸ ἀντιπαιονθὸς ὡς ἐστὶν ὡς ἐστὶν : Mutua sive reciproca perpesio neq. ad id jus, quod in distributi. ne bonorum versatur, neq. ad id, quod ad emendationem factorum valet, accommodari potest. At nulla pugna inter allegatos locos. In civitate enim, quoniam cives sunt inter se inæquales, non observanda est omnimoda æqualitas, cum adesse debeat propter inæquales quædam inæqualitas; nihilominus quando omnia secundum vel proportionem geometricam, vel arithmetica dispensantur, resultat inde æqualitas, quod est τὸ ἀντιπαιονθὸς ὡς ἐστὶν ὡς ἐστὶν : Contra in *Nicomachiis* libris Pythagorica talio vituperatur, non æqualitas secundum quandam proportionem. Ubi igitur diversus verborum sensus atque acceptio, ibi nulla oppositio locum habere potest. Postea in examen locus ille venit : Ἀλλὰ τὸ μακάριον ἐστὶν ἐν αὐτοῖς ὅτι. καὶ γὰρ τὸ μακάριον ἐστὶν ἐν αὐτοῖς ὅτι. Veruntamen, quod beatum est, in contrariis manet. Hoc enim definitum est in disputationibus de Moribus : Ubi enim in libris *Nicomachicis* mentio fit, quod beatitudo in contrariis subsistat? Nulla attento lectori patebit oppositio : In proximè antecedentibus disputavit *Aristoteles*, à bono viro paupertatem & morbum, aliasq; res adversas rectè magnoque animò ferri; inde colligens beatitudinem in contrariis, id est,

in divitiis, in bona valetudine, & secunda fortuna consistere. Nemo enim nisi planè expers Philosophiæ Aristotelicæ à summi boni possessione excludet corporis, & fortunæ bona. Quòd verò scribit Patricius, valdè inconveniens esse Nicomacho puerulo dicere tam copiosæ & exactæ eruditionis librum, nihil planè probat. Optimum enim paterni affectus specimen est, tale opus relinquere filio, quòd morum rectitudini atqve honestati informandæ inserviat.

Quapropter concludimus his rationibus: Si Politicam conscripsit Aristoteles, utiqve & auctor librorum Nicomachiorum existit, dum sæpius illos allegat: prius satis constat, ergò de posteriori nullum remanet dubium: Si vetustissimi Græci interpretes non alium, quàm Aristotelem auctorem agnoscunt, videt quilibet, quantum hinc auctoritatis accedat. Hoc ipsum evincit etiam illa singularis methodus, tamqve anxia rem certissimis argumentis probandi cura, cum antea nulla Ethica systematicè conscripta reperitur. Porro quando rejicitur Platonis Idea de summo bono, & ardua dicitur disquisitionis: *Διὰ τὸ φίλος ἀνθρώπου ἀγαθόν τὸ εἶναι*: Propterea quòd homines nobis amicissimi ideas introduxerunt; faciliè judicare licet, hæc Aristotelis, non Nicomachi esse verba.

*Comment.
in Ethic.
Arist. Pra-
fat.*

Sequuntur Magna Moralia, quæ injuriâ temporis decerpta & mutilata habemus: sæpius negligitur accurata illa Aristotelis methodus, verba & phrasæ non benè cohærent. Prout igitur nunc apparent, vix Aristotelis esse, res ipsa loquitur. Dubitet verò aliquis non immeritò cum *Petro Victorio* cur libri illi magni videntur, cum minimè respondeant numero reliquorum, propeve ad ipsum accedant, & de rebus ipsis, quas attingunt, brevius, concisusq; præcipiant.

Restat opus librorum, quorum index est *Ἡθικὰ Εὐδημεια*, quia ad Eudemum illud missum est. Fuit Eudemus hic natione Cyprius, qui Athenas venit, ad Platonisqve amicitiam se applicavit, cum domo exularet, unde etiam familiaritatem Aristotelis consecutus est, cum & ipse studiis sapientiæ delectaretur, familiarisq; foret

foret omnium, qui scholam Platonis frequentabant: neq; tamen coleret solum honesti otii studia, & quietis, verum etiam militiæ ac belli: nam cum Athenis multum Evdemos vixisset, benevolentiam quoq; adeptus est Dionis Syracusani, qui Dionysio suspectus, illic vivebat, & inceptam amicitiam in Sicilia cum Platone recolbat, unde factum fuit, ut opera Evdemi Dion uteretur in cogenda clam manu militum ad Dionysium ex injusto illo regno exigendum. Illi verò libri ad Evdemonem scripti, prout hodiè habentur, vix ad Aristotelem tanquam auctorem referendi sunt. Magna conspicitur *Περίων* dissimilitudo, magna occurrit sententiarum diversitas, tot prostant loci corrupti, ut certus sensus elici planè nequeat. Neq; tamen simpliciter ita colligendum: hodie manci sunt libri, injuriâ temporis tantoperè deperditi, ut vix auctorem Aristotelem referant, ergò non habent Aristotelem auctorem. Imò unus idemq; scriptor diversò in diversis libris sæpius utitur dicendi charactere. Et verò quia antiquitas non minus Magna Moralia, quam Evdemonios ex Nicomachiis corrigere atq; supplere voluit, ergò sunt Aristotelis. Non aliter sentit, *Joannes Bernardus Felicianus* excellenter de his literis meritus vir, qui utroiq; Aristotelem auctorem nominat. *In his*, inquit, *quæ ad mores attinent, ad eò elaboravit, (Aristoteles) ut non unum opus, sed tria ea de re sibi scribenda censuerit: Unum quod Magna Moralia ob id fortasse inscripsit, quod summatim ac generatim de moribus duobus libris pertractat: alterum, quod quia ad Evdemonem scriptum fuit, Evdemonia Moralia appellavit, in quo latius rem eandem octo libris persecutus est: tertium decem libris distinctum. Habes viri gravissimi gravissimum testimonium.*

*Dedicati-
on. in opus
Aristot.*

CAPUT III.

De Commentatoribus in opus Nicomachium Aristotelis. Laudatus de novo Aristoteles.

Multum juvat in omni studio cognitos habere auctores, & qui præ aliis auctoritatem obtinere videntur. Hæc vice persequemur illos, qui nostro instituto inserviunt.

Andronicus Rhodius optimus censetur paraphrastes. Elegantissima est versio, quam cum Græco textu elegantissimæ Latinitatis scriptor edidit *Daniel Heinsius*. Sed de auctore dubitatur, cum in Msc. nullum extet nomen, & si unus forsân codex expressum, alter mutilatum exhibeat, inde tamen nihil certi concludere licet, cum librariorum imperitia satis nota sit: imò jam laudato Heinsio in altera editione Olympiodorum potius, quam Andronicum appellare placuit. Huic paraphrasi adjunctus est libellus *de Animi Affectionibus* sub ejusdem Andronici nomine, & Anonymus de virtutibus & vitiis, operâ *Davidis Hoeschelii*.

*Ep. ad Dn.
Racheliū.*

Eustratius, Aspasius, Micbaël Ephesus in Latinum versi à doctissimo *Feliciano*, cujus propositum habetur in Epistola dedicatoria ad *Alexandrum Farnesium S. R. E. Cardinalem*. Testimoniò egregiò illos dignatur celeberrimus *Dn. Conringius*, adjunctò simul gravi judiciò, quando ait: *Hi tres citra controversiam non sennè in postremis sunt censendi. Video tamen, perquam adhuc esse difficile definitu, quid nam hujus operis ab hoc, vel illo, vel isto sit profectum, etiam ipsismet antiquis exemplaribus ea in re non satis inter se convenientibus.* Fuit hætenus exemplarium defectus, de novo igitur edi curavit hos scriptores *Dn. Rachelius* in nova *Hollatorum Academia Juris Naturæ & gentium Professor clarissimus*.

Averroës, aliis *Ibno-Rasidus* dictus, prolixum edidit commentarium, à paucis equeidem in pretio habetur: sed si Arabica lingua lectori cognita foret, vel versio meliore veste induta conspiceretur, non sine magna utilitate ex prudentum, eruditorumq; virorum judicio adhiberetur.

Albertus Magnus, Episcopus Ratisbonensis libros XVI. Philosophiæ Moralis conscripsit, eâ ingenii felicitate, ut bene Aristotelem explicuisse videatur.

Thomas Aquinas, aliàs *Angelicus* dictus, multâ subtilitate ad mentem Aristotelis scripsit Philosophiam Moralem. Quod verò dolendum in officinis vix comparari potest, sed Summâ contenti sumus oportet, quâ cum aliis operibus summam publicavit Cosmus Alamannius Parisiis 1640.

De his duobus postremis tale est iudicium *Gabrielis Naudæ*: *Minus paulò, quàm ceteri inquinatè locuti sunt, iudiciò verò, doctrinâ, subtilitate, supra morem & fatum sui seculi excellunt.* Bibliog. Polit.

Gualterius Burley, Anglus, in hos quidem libros commentatus est, sed vix recedit ab Alberto Magno, & Thoma Aquinate.

Joannes Argyropylus, Byzantius, prælectiones habuit, atqve simul interpretationem addidit: sed ipse nihil edidit in publicam lucem.

Donatus Acciajolus, Florentinus, hujus Argyropyli discipulus, atqve postea præclarus suò tempore philosophus. Iniquè de eo iudicat *Gabriel Naudæus*, ac si præceptoris prælectiones non absq; manifesto plagii crimine sibi vendicasset. Fatetur Acciajolus, ut ingenuus homo, per quem profecerit, & ipse suò studiò quædam amplificavit, quædam immutavit, Græca in Latinum vertit sermonem, ut opus Acciajoli nomen jure suò præferat. l. c.

Chrysostomus Javellus, Canapucius annotandus est, de quo ita sentit Magnificus Dn. D. *Qvenstedt*: *Philosophus in primis suæ ætatis eruditissimus, qui omnes fere philosophiæ partes egregiè illustravit.* Dialog. Illustr. vir.

Jacobus Faber, Stapulensis, rudior adhuc & nondum plenè maturus perhibetur, à *Gabriel Naudæo*, qui tamen ab aliis scriptoribus laudari solet: certè à diligentia, studiò atq; labore commendandus auctor. l. c.

Antonius Montecatinus, Ferrariensis, in præfatione ad Politicos Aristotelis libros mentionem facit commentarii Nicomachii. Qui commentarius sine dubio inter ineditos est referendus, atq; dum ille vir, tantum se præstitit in doctrina Politica, ingenii vim ubiq; ostendens, non diutius bono publico subtrahendus esset. Phi-

Philippus Melanthon, communis totius Germaniæ præceptor quondam dictus, hic non prætereundus est. In libr. I. II. III. IV. V. confecit commentationem, quò successu faciliè æstimare licet, quoniam à tali ingenio nihil nisi summum & perfectum elaboratur. Mirum quare studiosa juventus non sedulo hujus viri scripta evolvat.

Dionysius Lambinus, magni ingenii vir, & quondam Lutiæ Parisiorum Professor clarissimus, tam de aliis, quàm de his studiis excellentissimè meritus est.

Joachimus Camerarius decus illud Lipsiense accuratissimè explicatione multum laboris suscepit, primi & secundi libri versio deest, & sola habetur commentatio. Forfan causa est, quòd ultimam manum non admoverit operi, dum illud post obitum editum est.

Petrus Victorius luculentà atqve amplissimà formà edidit commentationem, idem institutum obtinens, ut textum accuratissimè explicet. Sed magnò lectoris adjumento ab aliis scriptoribus libros in capita intersecatos vides, hic nihil tale reperitur.

M. Antonius Muretus in omni doctrina summus vir, reliquit opus ad hoc institutum elegantissimum, quod periisset, nisi Andreas Schottus ex sparsis schediasmatis, quorum multa ipsius Mureti manu exarata erant, collegisset, thesauriq; loco conservasset. In librum quintum præcipuum adhibuit laborem, quem & interpretatus est Latinè & doctissimam addidit commentationem.

Antonius Riccobonus, Patavii diu humanarum literarum Professor, versionem, & commentationem publicavit, quæ suà laude nunquam destituuntur.

Zuingerus prolixas edidit tabulas cum commentatione, novas afferens capitum divisiones. Sed ni fallimur, melius est antiquum morem hac in parte retinere, quàm novitate confundere lectorem.

Samuel Heilandus, & *Theophilus Golius*, ille in Tübingensi, hic in Argentoratensi Academia quondam Professores, quæstiones &

re-

Philosophia Moralis.

responsiones breves ita tractarunt, ut neq; verbis, neq; rebus ipsis insit obscuritas & intelligendi difficultas. Sed nescio, quomodo attentus cupidusq; lector semper aliquid desideret.

Joannes Magirus exhibet *Analyfin* horum librorum, non sine magna lectoris utilitate & jucunditate, dum facilitati ubiq; studet.

Jacobus Schegkius insignis *Peripateticus*, & quantum præstiterit, vel solum indicat nomen.

Hubertus Giphanius est ille in *Ethicam Aristotelis* scriptor, qui valde commendari solet.

Dicit *Grotius* se in opere de *Jure Belli & Pacis* conficiendo testimoniis Philosophorum usum fuisse. Uti res ipsa probat magnò studio evoluit *Aristotelem* & commentatores, inprimis doctissimam commentationem *Michaëlis Ephesii*, cujus verba alio in loco longà serie enarrat. Ridiculi igitur sunt, qui laudant *Grotium*, vituperant *Aristotelem*, cum *Aristoteles* *Grotio* vel maximo argumento fuerit. Sed abeant illi nasutuli, atq; prius rem literariam ex dignitate æstimare discant, quàm suò immaturò judicio omnis doctrinæ & sapientiæ architecto iniqui sint.

Proleg.

*Flor. Spart.
ad Jua Just.
tit. de Jus-
sit. & Jur.*

CAPUT IV.

De libris Aristotelis Moraliibus, illos esse acroamaticos.

Hic quæri solet, an libri *Nicomachii acroamatîci*, an exoterici sint. *Cicero* discrimen explicat his verbis: *Duo genera librorum sunt, unum populariter scriptum, quod iis, quos appellabant: alterum limatius, quod in commentariis reliquerunt.* Per illud limatius genus intelligit illud, quod acroamaticum nos vocamus. Primum enim, quantum fieri potest, diligentia conscribendum est: deinde firmis rationibus demonstrationibusq; utendum,

dum, ut veritas constet, & adstruatur. Ex opposito exotericum genus erit popolare, sine studio, & ex dialecticis tantum rationibus confectum.

l. 20. c. 5. *Gellius* adhuc aliud discrimen affert, quod ad acroamaticum genus nemo admittus fuerit, nisi cujus ingenium & eruditionis elementa, atque in discendo studium laborque exploratus fuisset; tempus etiam matutinum acroamaticis libris destinatum fuisse. Sed exotérico generi interfuisse juvenes sine delectu, & matutinò quidem tempore.

Jam per se patet, libros Nicomachios ad acroamaticos spectare. Accurata in illis conspicitur methodus, eà probandi viâ proceditur, quæ non dialectica, sed demonstrativa vocatur. Et si quæ occurrunt dialecticæ probationes, non tamen inde tollenda potior denominatio. Et forsân illæ probabiles rationes à vetustissimis Philosophis insertæ, ut qualibuscunque Aristotelis potius verbis, quàm alienis doctrinam moralem adimplerent. Difficile autem intellectu hos esse libros animadvertet, qui tot sententias, tot explicationes de una eademque re perspexerit, vel ipse accuratiori studiò legendos ad manus sumserit.

CAPUT V.

De Summo Bono.

Summum bonum seu summa felicitas pro ultimo fine in actionibus nostris ponitur, ille finis longè præstantissimus est, quò obtento, multà lætitiâ animus perfunditur. Ita enim sedulitas hominum comparata est, ut semper ob certum aliquem finem opereatur, qui finis dum bonus est, sponte sequitur, illi ut ultimum constituere summum bonum.

Inest hominì & anima sensitiva, & anima rationalis, cumque hæc longè præstantissima sit, domicilium quoque constituit summi boni. Neque verò appetitus sensitivus à summi boni possessione planè

planè excluditur, sed dum sese submittit superioris imperio, particeps simul redditur.

Illud ultimum bonorum non cuilibet tribuimus homini, verùm illi, qui prudentiâ valet. Qui in Rep. dignitate pollet, in eo magis est conspicuum. Requiritur præterea hic facultates, divitiæ, requiritur amicorum copia, splendor nominis, atq; ut virtus rectè observetur, prudentia adsit oportet. In cæteris hominibus dari umbras & imagines summi boni faciliè conceditur. Et quis in plebejo homine ponere vellet ultimum bonorum: ubi enim nulla prudentia, ibi nobilissimus ejus effectus esse nequit.

Ex diversitate autem vitæ diversa oritur de beatitudine sententia. Plebeji homines & ineptissimi quique arripiunt voluptatem multâ jucunditate ad sensus affluentem, hinc gulæ, libidini indulgere, exoptatissima res censetur. Neque tamen omni ratione destituuntur. Quoniam enim alios dignitate conspicuos, & in aulis viventes, tali vitæ genere delectari vident, præclare agere sibi videntur, si eorum mores imitentur.

Sunt homines, qui honorem nominant, felicitatis apicem, se consecutos opinantes, modò in honore ac dignitate sint. Sed frui honoribus in tua potestate minime situm est, cumque hodie emineas, cras dejiciaris, & honorem non per se, verùm ob virtutis opinionem expetas, facile patet, quòd beatitudo, quæ proprium ac stabile bonum dicit, in honore ponenda non sit.

Neque in ipsa virtute tanquam habitu, sed potius in actione consistit. An ille enim felix dicendus, qui per omnem vitam desidiosus, qui omnibus infortuniis opprimatur?

Sunt, qui rerum contemplationem & cognitionem summum bonum esse censent. Verum enim verò in vita humana multò anteferendus est, qui prudentiam sectatur, quam qui de rebus abstrusissimis, de terra atque cælo solus secum meditatur, ac multas demonstrationes de utriusque magnitudine, & qualitate elicet. Certè homine dignius est honestatem tueri, quam dulcia ejusmodi somnia ex nudis speculationibus concipere, vel etiam rerum veritatem explorare.

Divitiæ autem pro summo bono haberi minimè possunt. Sunt illæ optima instrumenta vitæ degendæ, quibus nos conservare, aliisq; prodesse valeamus: Sed dum ita expetuntur ob usum tantum vitæ humanæ, faciliè cernitur, quantum operè distent à laudatissima denominatione.

Quidnam igitur tandem erit ultimum bonorum? Sunt honestæ actiones ex prudentiæ vi susceptæ: perdurant illæ in homine, non faciliè transeunt. Quòd si adversa accidunt, prudentia eò modò ferre docet, ut nihil à vitæ integritate ac morum pulchritudine deflexum esse videatur.

CAPUT VI.

De Virtutibus & Vitiis.

Media quæ ad summum bonum ducunt, sunt virtutes, honestæ, pulchræ, atq; laudabiles actiones. Hoc enim in loco non sufficit cogitationem suscipere, quomodò summum bonum acquiratur, sed omne decus in eò consistit, ut secundum virtutem agatur.

Virtus omnis habitum refert, qui efficit, ut homo in suis actionibus promptus sit, atq; inde laudem reportet. Hæc enim est natura laudabilis habitus, ut omnem errorem tollat, atq; quod rectum ac perfectum sit, ostendat. Ita Iustus ex prudentiæ suæ habitu novit, quid iustum, quid iniustum, exinde promptus est in rebus dijudicandis, circumstantiis perpendendis, ut iustitia observetur. Præstantissimus habitus est, per virtutem nostram indigatus; hinc non solum promptum reddit hominem in actionibus, verum etiam præstantissimum effectum, id est, summum bonum producit.

In virtute latet mediocritas, ab excessu atq; defectu tanquam vitiis abhorrens. Medium illud rationis intelligitur, quò vir prudens affectus moderatur, & omnes actiones ita instituit, ut ne quid peccet. Ex medio illo rationis faciliè perspicitur, cui, & quomodò irascendum, quæ voluptates appetendæ, quæ fugiendæ, quomodò in alios liberalis sis, ne tibi ipsi deesse videaris. Et sic in reliquis.

Cuili-

Quilibet virtuti opponuntur duo vitia, excessus atq; defectus. Sic iustitiæ est medium retinere in distribuendis opibus, uni plus dare, alteri minus, quàm par erat, in vitiis ponuntur; ubi excessus atq; defectus facillè se produnt.

Qui affectus atq; actiones nullum medium admittunt, vel ipsò nomine pravitatẽ indigentes, hoc loco removendæ sunt. Ita nemo prudens deliberabit, quomodo in malevolentia, impudentia, in furto, adulterio medium obtineatur.

Qui verò unam habet virtutem ceteras omnes habet. Positò enim verò prudentiæ habitu, ponantur necesse est omnes virtutes, quas moderatur prudentia. Contrà positò unico vitiò, subsequuntur necessariò omnia vitia.

CAPUT VII.

De Principiis actionum humanarum.

OMnis actio moralis debet esse voluntaria, id est, ex voluntate suscepta, quæ enim te invitò, aut etiã præter omnem sensum accidit, huc non spectat. Dicitur aliàs spontanea actio, voce eò sensu extensâ, ut homini tantum competat. In causis cognoscendis, dum vel præmia decernenda, vel supplicia constituenda, actiones ex suis principiis dijudicandæ sunt. Facillè igitur patet hujus doctrinæ necessitas, & quàm nullò modò ab illis, qui coram tribunali sedent, prætereunda sit.

Si quid invitè actum & in specie per violentiam fuerit, facillè excusatur illa actio, neq; tibi imputatur. Sit servus à domino suo cum pecunia missus ad emendum equum, circumveniat a prædonibus, eripiat illi pecunia: nulla est iusta causa domino accusandi servum.

Alia tunc est ratio, quando in sese actio quidem violenta, sub certa tamen conditione est voluntaria. Sint duo Principes inter se bellum gerentes, unus eorum valdè opprimatur, ut ad pacem componendam respicere cogatur; concedit ergò

alteri in præmium victoriæ aliquot civitates, & ditiones, ne bellum diutius ducendò, planè evertat Remp. suam. Sine dubio est violenta actio, tantum illi largiri, à quo magnas injurias accepisti, est simul etiam voluntaria, dum à voluntate tua omne agendi institutum proficiscitur. Imo quoniam omnis actionis finem tempus mensurat, talis non censetur violenta, sed voluntaria actio.

Violentæ actioni apponitur illa, quæ per ignorantiam talis censetur, quam subsequi debet dolor. Puta si venator hominem inter frutices latitantem pro fera interficiat, non facturus, si scivisset, esse hominem. Dictum verò subsequi actionem hanc debere dolorem, quò absente non invita actio vocatur, sed ad differentiam non-spontanea. Cæterum cum ab externis tantum, non internis actibus judicet magistratus, aliquis in foro civili excusare facile se potest, etiamsi per ignorantiam aliquid non actum fuerit.

Neq; verò omnis ignorantia excusationem meretur. Hinc fari suspendendò nihil proderit illa excusatio: se nescivisse rem alienam esse eripiendam.

Antequàm verò aliquid agatur, consultatione opus est. De fine autem nulla suscipitur consultatio. Quis enim quæreret, an Rex Galliarum de victoriis, de tot præstantissimis ditionibus suam potestatem redigendis consulter, cum potius consultatio habeatur de mediis, quib; ad exemplum Alexandri M. sese ostentare possit.

In rebus gravibus ne tuo judicio nimium confidas, alii simul in consilium adhibendi. Hinc Principibus sunt consiliarii, bene suò munere fungentes, si ex prudentia, atq; cordato animo suggerunt rationes, quibus certior fiat Princeps, quomodo vel institutum perficiendum, vel intermittendum. Post consultationem sequitur electio, ut hoc vel illud eligas. Est igitur illarum rerum, quæ sub tua potestate sunt. Si splendidum te exhibere velles, tecumq; constituisses, huic centum, alteri mille imperiales donare, nihilq; haberes in ære, ridiculus merito esses.

Cap.

CAPUT VIII.

De Fortitudine.

Fortitudo ut præstantissima virtus jure suo primò ponitur locò. Versatur illa circa res terribiles, quæ interitum vitæ afferunt, atq; in bello conspicitur potissimum. Vir enim fortis pro patriæ salute mortem oppetere honestissimum & jucundissimum ducit.

Æstimata illa virtus est semper suâ dignitate, atq; felicissimum fuit medium commutandi fortem, ac relicta ignobilitate, nobilissimum assumendi nomen. Hinc promanarunt insignia, quæ Germanis Germani Proceres antiquitus constituerunt. In primis Henricus Auceps fuit occupatus in insignibus conferendis, & in virtute fortitudine ornanda extollendaq;. Habet talem virum AUGUSTISSIMUS IMPERATOR LEOPOLDUS à tenui initio, ad summum pervenientem, Comitisq; nomine insignem. Eminent & hodie talis vir, quem POTENTISSIMUS ELECTOR BRANDENBURGICUS ob prudentiam, artemq; militarem, & fortitudinem summam tantoperè exexit, ut splendidissimum habeat nomen, omnem ducens exercitum. *Qui* parentes hodie belli gloriâ præstant, quoniam tantoperè se æstimari vident, filios vix aliò laudis genere excellere volunt, qui & ipsi ob præmia proposita prompti sunt ad arma capienda, & militiam inendum.

Fortitudo equidem in bello atq; inter arma in primis conspicitur; aliis tamen modis etiam sese ostendit, imò ubicunq; mors vel periculum vitæ immineat, ibi locum invenit fortitudo. Sit qui ad sedandos civium turbidos & seditiosos animos, orationem, nullò stipatus agmine, habeat, animadvertat improborum minas; intrepidò autem animò, veritatem, & quæ salutaria publico statui sint, omni neglectò periculò prædicet, eam tantum ob causam, ut honestè agat, ut patriam conserveat, hic ex numero fortium

fortium virorum minimè excludendus est. Quod enim in bello aliquis præstat, ut mortem non reformidet, ut pericula quævis sustineat, idem illud facit in civitate, iniquos civium motus, prout jam explicatum, opprimens.

Peccat uterq; contra fortitudinem, & qui majorem, quàm decet, in rebus formidolosis animum sumit, & qui ab omni periculo, quod etiam ipsa honestas imponit, sustinendo abhorret. Prior facta sua grandi sermone effert, antequàm hostem videt, de victoria, de præda gloriatur, exiguo numero vel magnos copias aggredditur, in ipso autem periculo atq; pugna animum dimittit. At posterior ad omne bellum, propter metum, quò percutitur idoneus est. Huc spectat ille, qui alterum quærebat, ubi cor sedem suam haberet, & cum certior esset factus, respondebat, se planè animosum esse virum, eodem enim motu totum corpus, quò cor moveri.

Vides etiam, quàm sæpius sine ratione ad insperatam timiditatem redigantur milites. Dum semel infelicitè pugnarunt, modo de hoste audiant, statim effugiunt, neminiq; ignotum est, quàm sæpe exigua manus magnas copias metu atq; timore occupatas deleverit. Præsens tempus satis indicat, quàm rectè hæc dicta sint.

Contra vir fortis omnia ex prudenti ratione agit, & quando ad arma deveniunt, acris est animò, moritur libenter, dum modo publica stet salus.

Sunt qui nomen fortitudinis gerunt, à vera autem fortitudine multum absunt. Fortes dicuntur cives, qui præmii spe & pœnæ metu pericula subeunt. Ita ex constitutis legibus erga Regem & Remp. tenetur adversus Regis & Reip. hostes Polonica Nobilitas. Fortes etiam dicuntur etiam si hosti ex lucri spe sese adjungant, prout de nonnullis ex civibus nostris, Gallorum arma sectantibus constat. Annon idem sentiendum de illis, qui metus causâ sub strenuo Imperatore pugnant, pericula sustinentes, hostiq; magnò conamine insistentes? Severa enim solet esse disciplina militaris,

qui

qvi locum relinquit, mandatum superioris non accuratè observat, in vitæ incidit periculum.

Sunt qvi ex armorum tractatione fortes appellantur, dum multis velitationibus, & præliis optimò successu interfuerunt, ex sui corporis robore, ac ut unò verbò explicemus, belli peritià se victoriam consecuturos opinantes. Sed reverà fortes non esse inde constat, quòd periculum animadvertentes majus esse, quàm ut possit exsuperari, fugam adornant.

Qvi irà accensi, in pericula ruunt, illi vindictæ cupiditate excitulati sunt. His similesexistunt, qvi irà imperu in monomachias prolabantur. Tristissimum verò casum Academia Lipsiensis in Generosissimi Juvenis, *Dn. Jacobi Friderici Maydelit* nefandà inter- necione d. 15. Feb. vidit. Hæc Leucoris funestum etiam vidit specta- culum in florentissimo, politissimoq; Juvene *Dn. Johan. Garmers, Hamb.* sub hominum oculis, in hac ipsà doctrinæ, & pietatis sede, gladiò interemtò. Tristem diem 17. Aprilis, quò non nisi læta ad- esse debent, appellabit splendida Familia: tristiorẽ horam, quæ claudendis vespertinò tempore portis imminabat, unicò ictu vitam eripientem; tristissimum verò casum semper lugebit.

Fiduciam nonnulli concipiunt, quòd & sapius feliciter pu- gnarunt; hinc primò imperu magnà alacritate aggrediuntur ho- stem, sed si superior ille fuerit, statim aufugiant.

Pessimi censendi, qvi adolescentes, juvenes externà specie jucundà ad bellum ineundum inducuntur, cognitò autem peri- culò, illud omnibus modis detestantur. Hòc tempore multos vides, hincinde fugientes, ut belli periculò liberentur.

CAPUT IX.

De Temperantia.

TEMPERANTIA moderatur voluptates corporis: illæ, quæ animum spectant voluptates; hic loci non attenduntur. Neq; enim

intemperanseris, ex proprio vocis sensu, honores vel studii doctrinam appetendò, ut ex tua dignitate, & eruditione aliquando delectationem capias. Sed versatur temperantia circa voluptates, mediocritatem in gustu, atq; tactu observans.

Vix autem in gustu peccari posse videtur, quoniam gustus propriè de saporibus judicat, ut illi faciunt, qui vina explorant, & obsonia condiunt. Intemperantes verò non saporum delectatione, sed perceptione ducuntur, quam totam efficit tactus. Hinc aliquis obsoniorum gurgis ac heluo gruis collò longius optavit: ob hanc etiam causam tactus ita ampliandus est, ut sub se comprehendat gustum, & significet contactum corporeum, quò illi res jungitur.

Ex quibus colligitur, duplices esse hominis cupiditates, alias communes & naturales, alias proprias & ascitas. Communes cupiditates excitant, ut aliquis alimenta appetat, jam humidum, jam siccum, ut appetat conjugium, si est floridà ætate. Propriæ sunt, quæ ex pravis moribus atq; vana opinione, & propriis vitiis proveniunt. In his habetur excessus defectusq;.

Nulla capitalior pestis est, quam intemperantia atq; supra omnem modum corporis voluptas. Hinc ebriositas, hinc stupra, & adulteria nascuntur. Nihil homini à Deo mente præstabilius concessum est; huic autem divino muneri ac dono nihil magis adversatur, quam illa intemperantia. Certè qui illi indulget, omnem rationis sensum amittit & bestia similior, quam homini videtur. An rationem vel prudentiam adhibebit, qui ad voluptatem tantum sese accommodat, ad eamq; omni fertur impetu? Sanè homo non re ipsa, sed nomine videtur.

Magno dedecori Germanis est, per potandi artem consequi auctoritatem, & haud rarò magnos honores. Sed graviore vitio adhuc laborant Itali, qui sodomiam laudant, qui potestatem illius exercendæ facere solent. Gallorum venereum exercitium, indeq; derivatus morbus, proprium peperit nomen. Sed multa de his talibus facere verba, non permittit reverentia lectoris.

Qui modum deserunt in voluptate, vix inveniuntur, quæ causa est, ut peculiari nomine destituantur. Ex superstitionis vanitate abstinere quidem à carnis esu Monachi nonnulli, atque omnibus matrimonium usque veneris interdictum est, aliqui claustris suis ita detinentur, ut egredi nunquam liceat, ad spectumque sequioris sexus hac ratione prohibeantur. Hoc ipsum etiam de virginibus quibusdam in monasteriis degentibus constat, quæ per totam vitam, dum semel se sanctitati & singulari pietati, vel potius impiissimæ superstitioni devoverunt, ita detinentur, ut neque ipsum Confessionarium videre unquam possint, ne forsitan ad spectum alieno lædatur cultus divinus. Sed peccatne in defectu temperantiæ utens delicatissimis ciborum generibus, etiam si carnem non edat? Deficitne ille, qui magnâ vi & violentiâ detentus, vel etiam pœnæ metu à voluptatibus arceatur, ad quas magnâ dulcedine, multis illecebris excitatur? In Moralibus unicè spectanda voluntas. Atqui illi homines voluptatis illecebras sentiunt, illisque agitantur: ergo pro stupidis ac si omnem negligerent voluptatem, habendi minime sunt. Ita enim non concludendum: Rem veneream exercere non potes, ergo etiam non vis exercere. Quæ verò est sanctitas, quæ pieras, omnes ejicere ex monasterio lapides in quibus pedes, virgo habitu juvenis incedens, posuerit?

*CAPUT X.**De liberalitate & Magnificentiâ.*

Virtus, quæ moderamen observat circa divitias, vocatur liberalitas. Nomine divitiarum non solum venit pecunia, verum etiam omnia fortunæ bona. Hinc igitur pertinent omnium generum monetæ, quæ argento inprimis & aurum exhibentur, quamquam si nostram Rempublicam hodie respicias, non tam argentum, quam cuprum dicendum est. An fiat ex ratione

status, ut pecunia ad alendum militem, & ad instrumenta bellica comparanda, suppetat, alii judicent. Huc etiam annumerantur vestitus, cibus, potus, rerum possessiones: Liberalis certè est, qui denudatum hominem veste induit, qui illi cibum & potum suppetitat, qui inter amicos vel ad usumfructum agros distribuit, vel plenum concedit dominium. Unico verbo ut rem explicemus, huc spectat nunus, atq; ea omnia, quæ nummò æstimari solent.

In duabus partibus consistit liberalitas & in dando, & in accipiendo. De priori nullum est dubium, in posteriori difficultas quædam esse videtur. Nuperrimè acriter inter bonos disputabatur, quomodo aliquis accipiendo posset esse liberalis. Ex una parte dicebatur, qui honestè accipit, decenti modò, & à quibus decet, illum accipiendo liberalem esse: exempli gratiâ, si illustri vir dono alicui daret centum thaleros, non tantum solum, verum etiam accipientem centum thaleros liberalem vocandum. Ab altera parte negabatur, hoc sensu in accipiendo posse aliquem liberalem dici, atq; prorsus aliò modò explicabatur, ut liberalis esset, qui hoc casu redderet pecuniam. Verum enim verò quomodo aliquis dandò posset liberalitatem exercere, si non adesset liberaliter accipiens? Nonne virtus quælibet cum sibi oppositis vitiis circa unam eandemq; rem versatur? Quis autem dubitat inhonestè accipiendo avarum excedere, prodigum in accipiendo deficere? Nonne igitur sequitur, honestè accipiendo aliquem liberalem esse? Interim non negamus, haud rarò pecuniam reddendò honestatem observari. Sit tenuis fortunæ homo, qui opulenti cujusdam hominis labores & operas majore pecuniâ, quàm ratio contractûs postulat, compensare velit; opulentus verò renuat pecuniam illam, quæ gratis ultra debitum offertur, accipere. Quid jam de hoc dicendum? Justus potius, quàm liberalis est. Justitia enim vult, ut suum cuiq; tribuatur, ergo justus non plus vult accipere, quàm illam pecuniam, quæ operæ, ratione contractûs, respondeat.

Pulchrius verò est dare, quàm accipere. Vides quàm felicissimum indigentium sit refugium, qui liberaliter conferunt beneficia, quantoperè laudetur, quanta illi habeatur gratia: offert qui accipit, sua studia, officia, inserviendiq; promittit, promittit preces ad Deum indefessas, ut benefactori, ac posteris ejus omnia prosperè cedant, ut vel centies Deus collata beneficia remunerare velit. Nihil tale de accipiente dicere licet, fungitur ille suo munere sine omni labore satis feliciter accipiendò eò modò, quò decet.

Sunt qui videntur libérales, re ipsa autem non sunt, imò impii potius. Galliarum Regis pecuniaria magna est largitio, ut corumpat Principes, Principumq; Consiliarios; sed ni fallimur, illa liberalitas cum magna impietate conjuncta est. Multæ sine justa causa igne & ferrò devastantur urbes & civitates, pecunia, & quæ alia mobilia bona hosti cedunt, publicò ærariò exhaustò, civium, subditorumq; opes diminuuntur, diripiuntur: Ergo impietas, non liberalitas est ejusmodi largitio.

Etiam si autem valdè familiare sit vitium avaritia, & ferine omnes paratiores ad accipiendum, quàm dandum existant; senibus tamen peculiariter illud adscribitur. Vident se corporis robore infirmos, inidoneos ad rem comparandam, hinc vel obolum ter manu vertunt, & custodire, quàm rebus necessariis impendere malunt. Adhuc vitiosiores, si ex aliorum damno lucrum quærere præsumunt.

Liberalitati affinis est magnificentia, nisi quod hæc, ut nomen indicat, non quasvis facultates & opes sibi vendicat, sed magnas & quæ magnum virum decent.

Virtute magnificentia summoperè laudandus POTENTISSIMUS ELECTOR SAXONIÆ, PATRIÆ PATER & CLEMENTISSIMUS, & BENIGNISSIMUS. Ostenditur illa in eruditorum ordine extollendo, & religione oppressis, exulantibus, magnificentissimè elargiendo: In conservandam pacem, & tranquillitatem, quanti sumtus impendantur, totus orbis loquitur: Legati Princi-

pū vel ex remotissimis terris advenientes de prædicare necesse habent illam magnificentiam, quæ efficit, ut & apud externos in verum veri Dei cultum erigantur templa. O singularem Principem & Dei beneficiò ac munere datum! Præclarū illud palatium, in quo habitatur, pleniq; dignitatis quotidie redditur: Hoc exemplum, hoc laudabile Principis factum imitantur illustres & summi viri, ipsi ædificantes & extruentes domos, sumtus, qui magnificentiâ digni sunt, impendunt. Certè Dresda urbs, Electoralis sedes ob splendorem ædium marmorea tota, ut ita loquamur, esse videtur.

Magnificentia opponitur luxuria & sordities. Concipe aliquem, qui in res indignas & modò incongruò sumtus conferat magnos, luxuriosum habebis: Finge, qui operibus magnis splendidos detrahat sumtus, sordidum invenies.

CAPUT XI.

De Magnanimitate & Modestia.

Magnanimitas, ut nomen fati indicat, exiles atq; exiguas res despiciit, illas sub ambitu suo habens, quæ magnæ sunt. Nul- lum autem externorum bonorum melius atq; præstantius est, quàm honor seu dignitas: Non enim inconveniens est dicere, alium opes & facultates appetere, alium summi ducis imperium, propter honorem. Quare specialiter circa honorem versatur magnanimitas.

Complectitur hæc virtus omnes alias virtutes, modò observetur, quòd ea vult sustinere, quæ aliis admirationi sint. Itaq; mortem præ fuga eligit magnanimus vir, in beneficio conferendo magnificum se exhibet, lubentius dare, quàm accipere solet, melius esse judicans, ut alii sibi obligati sint, quàm ut ipse aliis obligatus sit: hanc ob causam etiam accepta beneficia majore mensurâ red- dere studet.

Præterea magnanimus neq; rebus secundis ninuūm lætatur,
neq;

neq; adversis animum amittit: injuriæ faciliè obliviscitur, ex vestitu, ex habitu, gestuq; corporis, & consimilibus aliis ornatum sibi quærit.

Obtinet quidem ex vitio temporum, ut qui possidet opes, qui nobili locò natus, facillimum ad summos perveniendi honores habeat viam: Sed si verum dicendum, sola virtus honores meretur. Quod si verò divitiæ, & nobilitas generis, & propria virtus in aliquo conjunguntur, ille omnibus admirationi est, in illum omnes conjiciunt oculos, reverentiam suam, quoties occasio fert, exhibentes.

Peccat in excessu superbia, in defectu pusillanimitas. Quantoperè verò Principibus noceat aperta superbia, id suo exemplo docet Julius Cæsar, prima potius fundamenta Monarchici statûs ponens, quàm ut ipse esset Monarcha; dum enim superbum Dictatoris nomen asserit, se valdè odiosum Populo Romano fecit, posteaq; in curia tribus & viginti vulneribus ad terram datus est. Forsan utroq; vitio laboravit Wallensteinus ex partibus Cæsareis administrans militiam: Jam enim planè recusabat præfecturam Cæsarei belli, jam receptam majore, quàm conveniebat vi, exercebat: imò tanta postea moliebatur, ut crimen læsæ Majestatis incurreret. Multi subscribebant Duces, sed res ad aulam deveniebat, atq; celeri mediâ opus esse statuebatur: Quapropter Lesleus, Scorus natione, cui negotium conceditum, Egeram proficiscitur, Duces se vinò & epulis ingurgitantes, occidebat, ipsum Wallensteinium cum ex lecto prætumultu exiliisset hasta (Germanicâ lingvâ *Partesan*) percutiebat.

Quomodò magnificentia à liberalitate distinguitur, eadem etiam ratione magnanimitas à modestia distinctionem accipit. Magnanimitas enim circa magnos, modestia circa tenues honores versatur.

Modestia, eò modò, quò decet, expetit, vel fugit honores. Itaq; modestus, dum ex conscientia testimonio idoneus est, qui hoc vel illud munus consequatur, Reip. administratoribus se offert

fert: si verò imparem se sentit, vel delatum etiam honorem decenter recusat.

Vituperatur ambitiosus. Sunt qui Doctoris titulò ornati hinc inde domum redeunt, de doctrina parùm solliciti, contenti satis novò honore. Sed nolumus in præsentia, quæ calamus suggerit, scribere. Vitiò autem non caret, novos titulos quærere, atq; tam ambitiosos, ut cum munere vix conveniant. Prudentes contra non ex nudo nomine, sed ex rei veritate æstimant dignitatem.

Porro non laudatur, qui abjectò est animò, honorem, quem optimè meretur, rejiciens. Sit qui rerum Theologicarum accuratam habeat notitiam, ejusmodi muneri præsit, quod Doctoris nomine dignum censetur, prætendat verò ingenii tenuitatem, ille nimium amat modestiam.

CAPUT XII.

De Mansuetudine.

Quæ ira mediocritatem observat virtus, vocatur mansuetudo, quoniam ex nativo sensu ad defectum aliquantulum inclinatur vox, tamen usus sermonis laudatam mediocritatem indigitat.

Non jucundò semper potest aliquis esse vultu; quando gravis nobis accidit molestia, irascendum est, sed ita, ne peccetur contra mansuetudinem. Quis enim patriæ proditori, quis parricidæ, quis amicorum nostrorum inimico non irascendum putet?

Multum differunt ira atq; iracundia. Illa est affectus atq; motus: Hæc propensio ad iram. Sicut ebrius vocatur, qui nimium potu est repletus, ebriosus verò, qui ad ebrietatem propensus, etiamsi actu non sit ebrius: ita iratus appellatur, qui actu ipsò irascitur, iracundus autem, qui ad iram inclinatur, licet actu ira absit. Adde, quòd ira in se spectata, neq; laudanda, neq; vituperanda sit; contra iracundia ex natura sua vitium involvat.

Ultrà,

Ultrà, quàm decet, progreditur iracundus, id quod fit triplici ratione: Primum excandescentiâ, quando citò irascitur, citò verò placabilis existit: Deinde acerbitate, quando tardè ad iram excitatur, excitatus verò iram fovet, attamen placabilis existit: Tertiò atrocitate seu sævitiâ, quando gravissimè irascitur, nec nisi per atrocem vindictam placabilis redditur. Excandescencia sanguineis, acerbitas cholerico-melancholicis, atrocitas cholericis competere videtur.

Deficit à mediocritate, qui omninò non irascitur, licet iustissima adsit irascendi causa: hinc oritur vitium lentitudo.

CAPUT XIII.

De Virtutibus Homileticis: Humanitate, Veritate, Urbanitate.

UT aliis rectè placeas in vitæ quotidianæ consuetudine, in sermonibus & actionibus seriis, docet virtus humanitas.

Atque dum humanus vir neminem sine iusta causa offendere vult, non negligit personarum respectum. Quòd si cum superioribus conversatur, sua officia, sua servitia offert; si cum æqualibus, familiaritate se insinuat; si cum inferioribus, popularitatem cum temperamento gravitatis miscet. Ita aliter cum noto aliter cum ignoto conversandum esse putat.

Sunt qui in omnibus rebus placere student, cum negantibus negant, cum affirmantibus affirmant, atque dum ita ad alterius voluntatem se planè accommodant, blandi vocantur; quòd si utilitatem simul, uti parasi spectant, adulatorem, assentatorem vocantur.

Contrà morosi in omni re adverfantur, in contendendo pugnaces ac pertinaces sunt: Illud genus hominum vel levissimò verbulo offenditur, & ad rixas, jurgia, verbera descendit.

D

Circa

Circa verum observandum virtus occupata est, quæ dicitur veritas. Non autem in verbis solum apparet, sed etiam in factis. Ergo veritatis amator ita se gerit, ne veritatem offendant.

Arrogans ea, quæ non habet, aut plus, quam decet & convenit, sibi tribuit. Sic aliquis omnibus opibus denudatus, vivatque pauperrimus, multa verò loquatur de suis divitiis, quas possideat; hic non immerito in arrogantium numero ponitur.

Sæpe fit, ut avaritia, vel etiam superbia concreascit cum arrogantia. Ita medici circumforanei lucri causâ de se inania jactant: Ita nonnulli suas ingenii dotes ad majorem gloriam consequendam, ultra quam decet, deprædicant. Arrogans autem in se spectatus, neque superbus, neque avarus est, sed tantummodò delectatur suis mendaciis.

Disimulans omnia sua bona diminuit: si satis eruditus & præstans literis est, se ignorantem profitetur.

Nonnunquam verò in disimulatione concurrunt jactantia. Sit veterator, qui disimulet sua bona aperta satis atque manifesta: hæc dum disimulat, ea etiam sibi arrogare videtur, quæ non habet.

Urbanitas in jocando modum observat. Non seriis semper & gravibus animus intentus esse debet, sed quandoque jucunditate afficiendus, ut homo vel loquatur vel audiat jucunda.

Omnia in honestate atque decore ponit urbanus, animadvertens cum quibus in consociatione vivat, & pro temporis ratione, omnia instituens.

Sunt autem nonnulli, qui modum excedunt, scurræ appellati, id unicè agentes, ut risum moveant, etiam si honestas negligatur.

Contrà modum deserunt, qui rustici nominantur, neque joculari, neque jocos aliorum honestos placidè excipere idonei. Quòd si Gallus cum Hispano conversetur, vix ille hunc rusticitatis vitio eximet.

*CAPUT XIV.**De justitia, & Jure.*

Duplex est justitia, una universalis, omnem comprehendens virtutem, atq; ad socios in vita civili dirigens; altera particularis, quæ rectè distribuere, rectè commutare docet. Hinc duplex statuitur justitia particularis, alia distributiva, alia commutativa.

Ex respectu personarum, atq; proportionem Geometricam dispensat justitia distributiva. Sit Duci belli, sit Legato, sit Chiliarcho, & Centurioni salarium constituendum, ex personarum merito atq; dignitate cuilibet conferendum. Sit ad belli onus sustinendum ex privatorum bonis magna pecuniarum summa colligenda, nonne, quod quis plus in bonis, præsertim in immobilibus habet, eo plus contribuere teneretur?

Sine respectu personarum ex proportionem Arithmetica rei reddere æqualem nititur justitia commutativa. Sit Tityrus ovium pastor, sit Melibæus subulcus, oves atq; fues inter se commutantes: subsumitur ex proportionem: sicut se habent quinque ad unum; ita se habent oves ad fues. Ergo Tityrus in commutationem quinque oves, Melibæus unum suum dare debet.

Sed quomodo res rei redditur æqualis ex proportionem Arithmetica, dum ex rerum æstimatione commutatio instituitur? Respondetur, distinguendum esse inter æquationem, atq; æstimationem rerum: Illic proportio Arithmetica, hic Geometrica obtinet; & quando jam semel de pretio rei constat, justa est commutatio, dum uterque tantum accipit, quantum dat.

Ex justitia commutativa etiam poenæ irrogantur; & si pecuniaria satisfactio ob gravitatem delicti locum non habet, corpori poena est infligenda. Sit Antonius, committat ex suscepto consilio, destinatoque animo homicidium, in scelere deprehendatur, atq; comprehendatur, offerat pretium pro expiando scelere;

Magistratus recusabit accipere pecuniam, sanguinem sanguine expiandum censens.

Justitiæ opponitur injustitia, tam quoad excessum, quam defectum, atq; in una actione utrumq; vitium latet. Sit, ut sub exemplo loquamur, distributor aliquis, dum uni plus bonorum, quam conveniat, elargitur, alteri minus det, necesse est.

Justitiam circumscribit jus. Quod enim juri responder est justum, quod non cum illo convenit, injustum statuitur.

Dividitur jus in Politicum atq; Oeconomicum. Illud simpliciter ita vocatur: hoc secundum quandam similitudinem. Copulat enim jus Politicum homines perfectos, & quæ civis civi præstare debeat officia, docet; quomodo etiam cum peregrino conversandum, & quantum illi debeatur, inculcat. Sed Oeconomicum jus conjungit homines inæquales; cum paterfamilias cæteris personis tanquam caput membris suis præsit.

Jus Politicum autem aliud Naturale est, aliud Legitimum. Naturale dicitur, quod ubiq; gentium eandem vim obtinet, non quod ita vel decretum sit, vel non decretum. Ita ubiq; honestè vivendum est, nemo lædendus, suum cuiq; tribuendum. Hoc igitur immutabile prorsus statuitur, & licet protervia hominum illud corrumpat, nunquam tamen ex injusto facto, justum fiet. Legitimum vocatur, quod ab initio hoc an illò modo fiat, nihil refert; cum verò constitutum fuerit, tunc demum refert. Illud jus proficiscitur ab eo, qui summum habet imperiū. Quare in Monarchico statu à nemine nisi à solo dependet Principe. Cogita tot Regna, quæ orbis habet, & videbis pro mera voluntate leges à Regibus promulgari. In Aristocratia Optimates conficiunt leges. Præstantissimam talem formam exhibet status Venetus, qui per tot annorum seriem robustus stetit. Si forsitan mixtura occurrit regiminis, pro illa mixtura potestas conficiendi leges temperanda est. In Romano-Germanico Imperio elucet Majestas Imperatoria, conspicitur Statuum auctoritas dignitasq;: ergo sponte sequitur in lege conficienda requiri Imperatoris Statuumq; consensum.

Juri affinis est æquitas, emendationem legis, quæ in parte illa ob generale suum pronunciatum deficit, continens. Ob hanc causam dicitur, non verba, sed sensum legis esse spectandum. Quod si enim simpliciter inhæreas verbis, & nudè ita prout sonant, accipere velis, fieri potest, ut summam alteri injuriam inferas, atque astuti & callidi hominis nomen merearis. Prudentes contra omnes circumstantias perpendunt, potissimum in quem finem lata lex sit, inquirentes.

Nonnunquam æquitas significat illam interpretationis partem, quæ ad leniora tendit, atque potius de suo jure aliquid remittit, quam ut rigori juris insistat. Est hæc utilisissima in vita humana ratio; quando enim ad rabulas forenses deventum, tunc larga litigandi materia suppeditatur. Quid inde? Substantiâ bonorum, de qua lis suscepta est, deperditâ, pacem amant clientes.

Quodnam sit juris oppositum facile patet, ex injuria quippe enascitur aliquis injustus; ergo injuria pro oppositò habetur. Hunc spectat tritum illud, circa vitiosam juris interpretationem, sermone proverbium: summum jus, summa injuria.

CAPUT XV.

De Continentia & Tolerantia.

JAm de virtutibus imperfectis agendum est. Antequam datur habitus præcedunt dispositiones, quæ ita informant hominem, ut aliquando perfectionem consequatur. Hinc constat, tot esse virtutes imperfectas, quot sunt perfectæ. Qui ex virtute liberalitate promptè agit, in illo necessario præsupponitur, ut sæpius cogitaverit de rectè elargiendo atque per dispositionem habitum in rectè dando sibi acquisiverit. Fortis dicitur aliquis, sed quomodo? Non dum semel invictum adversus pericula ostendit animum, verum quoniam jam ita exercitatus est, ut ex honestatis ratione nihil, neque ipsam mortem timeat. Distinguitur itaque dispositio laudabilis à laudabili habitu.

Si verum dicendum, videntur omnino plures homines hac ratione esse imperfecti, quam perfecti: in pluribus enim tantum insunt semina atq; initia virtutum, pauci in possessionem perfecti habitus admittuntur.

Non opus autem est, magnum numerum imperfectarum virtutum efficere, atq; dum affectus est vel bonus, vel malus, sufficiet constituere continentiam atq; tolerantiam, ut illa circa bonum, hæc circa malum affectum versetur.

Continentia simpliciter sine additamento indigitata significat semitemperantiam, & illam dispositionem, quam indigitavimus.

Sit juvenis, sentiat veneris stimulos, subjiciat illicitum appetitum rectæ rationi, hic continens vocatur. Quomodo talis à temperanti distingvatur, manifestum est: temperans enim nullum habet inordinatum appetitum, quem verò experitur continens.

Cum apposito vocatur continentia luci, honoris, & iræ, hinc semiliberalitas, & semimagnificencia, semimodestia & semimagnanimitas, semimanfuetudo enascuntur.

Excessus duplex occurrit, & infirmitas & præcipitantia, prout vel spatium deliberandi in actionibus datur, vel non datur.

Similis est ratio in aliis semivitiarum generibus. Qvis dubitat Romanum Consulem, Ciceronem, jam partes Cæsaris, jam Pompeji sectantem, ut aliquod nomen haberet, infirmo fuisse animo? Qvis negat Alexandrum M. in Clyto occidendo ex præcipitantia egisse?

Sed, si verum dicere volumus, præcipitantia actionem moralem, id est, voluntariam non constituit.

Multum enim interest, an affectuum vi & subito motu aliquis abreptus fuerit, an suscepto consilio egerit.

Defectus nomine caret; cum enim continentia potissimum ad temperantiam restringatur, & vix homines dentur, qui circa veneris vel gulæ voluptates deficiunt, non opus est, peculiare aliquod excogitare nomen.

CAPUT XVI.

De Virtute Heroica.

Virtus Heroica addit perfectiorem illustrioremq; gradum, indigens peculiari Dei cooperatione ad res magnas perficiendas.

Non jam nova virtus atq; distincta specie à cæteris proponitur, sed gradus saltem discrimen constituit; ita fortitudo heroica datur, heroica temperantia, atq; sic deinceps, nisi quòd in homileticis ineptum videtur gradum heroicum quærere velle.

Inprimis conspicitur virtus heroica in fortitudine, unde ejusmodi heros omnibus summæ admirationi est, atq; tanquàm Deus æstimatur. Huc referuntur *Otto M. Constantinus M. Carolus M.*

Opponitur huic virtuti tam quoad excessum, quàm defectum feritas, quæ aliò nomine bestialitas, inhumanitas vocatur, quoniam, qui feritate laborat, nomine, non re ipsâ homo esse videtur. Ita fera dicenda Tullia Tarquinii superbi uxor, quæ super cruentum patrem vecta carpentò, consternatos eqvos egit. Ejusmodi Gallo illi Labrossa hodie inest feritas, qui tanquàm omni ratione destitutus suâ sævitia grassatur in sacras ædes, in tot nobilissimas arcium structuras.

CAPUT XVII.

De Amicitia.

Quoniam triplicimodò excitatur amicitia, vel honestatis ratione, vel voluptatis, vel commodi; hinc triplex constituitur amicitia, ut alia sit honesta, alia jucunda, alia utilis.

Inprimis nominari meretur amicitia honesta, quæ mutua nititur benevolentia, cum reliquas dirigat sperata tantum vel voluptas, vel utilitas. Neq; tamen ab honesta amicitia bonum jucundum &

dum & utile removendū; Mille enim jucunditates vera parit amicitia, & sine fideli vitæ socio, qvī alter idem est, molestam & miseram esse vitam putat: operam suam studiumq; in alio adjuvando promptissimè & pollicetur & præstat. Sed hæc non intendit primū honesta amicitia, etiamsi sponte suā subsequantur. Porro honesta amicitia virtute tanquā firmissimō fundamentō nititur: non alium intimā benevolentia complectitur honestus vir, nisi quem probum ex longa consuetudine bene perspexerit; ut verum illud esse videatur, multos modios salis simul edendos esse, ut amicitia munus expleatur. Quemadmodum verō virtus ipsa feliciter perdurat: ita ejusmodi amicitia, quæ virtutem progenitrice habet, permanet, constantiam vel in maxima rerum asperitate amans.

Horum omnium contraria in reliquis amicitias deprehendere licet. Jucundam enim utilemq; amicitiam sola efficit voluptas atq; commodum: Hinc severa frons amicitiam dejicit, & qvī fortunis alicujus indutus amicitiam ejus sequitur, simul ac fortuna dilapsa est, devolat ipse.

Ejusmodi fucata amicitia plures dantur, quā veræ. Laudatur valde, qvī in civili vita jucundos æmulatur mores, qvī sua jucunditate & suavitate sese ubiq; insinuat, ludos & jocos excitans. Opulentus, modō admittere velit amicos, obvios magnō statim numero habet. Quid inde? Deficientibus opibus deficit amicitia.

Ex respectu personarum primō alia est amicitia æqualis, alia inæqualis. Æquales sunt viri ejusdem collegii; ordo enim ratione præcedentiæ augere dignitatem non potest, nisi quōd præcedentia reverentiam quandam efflagitet. Inæqualis amicitia est ratione imperantium atq; parentium. Inter Regem atq; subditos est amicitia quædam. Ille enim non quærit suam, sed publicam utilitatem, circumspiciens bene, ne ulla ex parte subditorum salus jaçturam faciat. Deinde alia datur Civilis, alia Oeconomica amicitia: Illa cives; Hæc domum copulat, quōd major verō identitas sanguinis in Oeconomica reperitur, eō major censetur benevolentia; Ergo discrimen sortiuntur fratres germani, consanguinei, uterini.

CAPUT I.

Epicuri Laus.

Prodit in medium loquens Epicurus Philosophus nobilissimus, cujus admirabili doctrinâ non solum Græci & Itali, verum etiam barbari commoti sunt. Ita verò philosophabatur, ut nihil cognitione dignum censeret, nisi utilitatem quandam vitæ humanæ præstaret. Quid enim prodest illa sapientia, quâ de telluris magnitudine, de cœli quantitate cogitas, rerum omnium naturalium vires, vices, qualitates, mente percurris, absente illò fine, qui beatæ vitæ disciplinam adjuvat? Habent suam dignitatem atque auctoritatem ex aliis perceptam doctrinam qui proponere, præceptorisq; sententiam explicare & defendere, possunt. Quantoperè ergo lucebit illud sydus, quod non alienâ, sed propriâ radiat luce, quod non ascitum, sed innatum habet lumen? Hæc est causa, quare divinus vocetur Philosophus Epicurus, & cum præstantissimis quibusq; conferatur. Ejus gravissimæ, beatæ vitæ instituendæ, sententiæ, quasi oracula æstima- bantur, & memoriæ ut imprimerentur, sedulo agebatur. Deum tanquam principium actionum humanarum constituerebat, colebat. Hoc ipsum de sanctitate, de pietate adversus Deum libri scripti testantur; idem approbat cœleste illud de regula & judicio volumen. Si quæ vana, falsa, & fictitia adjecta, hæc in solidum cæcitati gentilitiæ tribuenda sunt. Christianum enim esse oportet, qui de sanctissimo illo Numine rectè atque piè cogitare, loqui, & scribere vult.

CAPUT II.

Voluptatem esse summum

bonum.

Quod ad nullam aliam rem, ad id autem res referuntur omnes, est summum bonum, vocaturq; aliàs extremum & ultimum.

E

Nulla

illa

Nulla alia in re , quàm voluptate illud consistit. Hoc enim bonum ex sensu statim dijudicatur , neq; opus habet demonstratione: sed uti ignem calidum , aquam frigidam , mel dulce esse ipse tactus approbat : ita quoq; summum bonum ex natura sua constat. Annon enim homo , quando in lucem editur , illa vult & persequitur , quæ voluptatem afferunt ? Nonne voluptatis sensu tangitur , antequàm intelligat discrimen honesti & inhonesti , rem unicè ex appetitu sensitivo dijudicans ? Inest etiam homini naturalis quædam notitia , quæ cognoscat , quid appetendum sit , quid voluptatem pariat. Ita nemo est , qui dolorem in deliciis ponit ; nisi magnam aliquam consecuturam voluptatem opinatur. Omnis labor respicit aliquod commodum , & nemo vituperatur , qui voluptatem perpetuam appetit cum nulla molestia conjunctam , neque qui rejicit dolorem , quem nulla subsequatur voluptas.

Sed qui voluptatum illecebris captus non animadvertit futuros dolores , & molestias , ille imprudentiæ meritò accusandus est. Cogita hominem libidinosum , suam nefandam vitam conscientiae cruciatus , atq; Magistratûs publici poenas sibi accersentem.

Quando igitur in nostra potestate sita est electio , neq; causa subest , quare id , quod jucundum videtur , negligamus , eligendum semper id , quod jucunditatem , & respuendum id , quod molestiam affert ; quando verò incidunt tempora , & officia , & necessitates obveniunt , ut molestias suscipiamus , tunc voluptates repudiandæ sunt. Si tibi civi primario libera optio daretur , nihilq; obstaret , quò minus pulcherrimam jucundissimamq; virginem à clarissima stirpe oriundam in matrimoniû duceres , omnino illa ducenda est : si verò Tyrannus , qui milite obsideret civitatem , hanc necessitatem injungeret , ut ad liberandam patriam cum horrida , atq; squalida , & tuæ dignitati minimè conveniente , matrimonium inires , omnino voluptas repudianda est , & molestia perferenda. Forsan enim si aliter feceris , & tibi , & civibus pereundum esset.

Duplici sensu dicitur voluptas, quarum una in motu sita est, altera in statu & quiete ponitur. Illa cum suavitate affluit ad sensus, puta si aliquis gulæ, & veneri operam dat: hæc expellit omnem molestiam, omnem dolorem. Jam non intelligitur voluptas illa delicata & mollis, quæ aliàs ipsum corpus respicere dicitur: verum severa potius, quæ sedatum efficit animum, ab omnibus turbis immunem nulliq; dolori obnoxium. Habet sitiens in bibendo voluptatem, habet etiam voluptatem, qui restinxit sitim: illa in motu est; hæc stabilitatem voluptatis dicit.

Inter dolorem & voluptatem nullum datur medium. Est enim aliquis aut beatus, aut infelix, & qui nullam sentit molestiam aut dolorem, ille non modò habet voluptatem, sed etiam summam voluptatem.

Uti vero summum bonum secundum existentiam vulgaremq; loquendi modum gradus admittit, non secundum essentiam, atq; si accuratè loqui velis: Ita etiam variat distingviturq; pro diversis hominibus; nihilominus vera quæ est voluptas, summa censetur, omnem accretionem respuens.

* Pervagatur voluptas omnes temporis rationes. Præterita jucundâ recordatione tenet, præsentibus fruitur, rebusq; expectatis capitur.

Quòd si adversa homini, qui fruitur summo bonò contingunt, magnitudinem doloris celeritate, longinquitatem illius lenitudine solatur, ut nihil tali insit, quod vel metum, vel terrorem incutere possit. Contrà infelix homo doloribus opprimitur, ex nulla temporis ratione solatium capiens.

Sunt animi voluptates multò majores, quàm corporis. Corpus illud tantum sentit, quod adest, quodq; præsens est; animus & præterita & futura. Liceat enim utrinq; æqualis adsit voluptas, valde tamen augeri potest, si æternum infinitumqve concipiatur bonum, ut eò plenior sit voluptas; si omnis metus abest.

Voluptas ex duobus componitur bonis, ut animus sine perturbatione; corpus sine dolore sit, atq; ita quidem, ut omni molestia detracta plena fuerint, minimè crescant: quò enim crescat, quod plenum sit? Si corpus omni dolore caret, quid accedere ad hanc indolentiam potest? Si animus constat sibi, placidusq; est, quid accedere ad hanc tranquillitatem potest? Quemadmodum serenitas cœli non recipit maiorem adhuc claritatem, in sincerissimum nitorem repurgata; sic hominis corpus, animumq; curantis, & bonum suum ex utroq; necsentis, perfectus est status.

CAPUT III.

Virtutes esse, quæ voluptatem pariunt.

Non otiosæ, sed negotiosæ sunt virtutes, corporis enim dolores pellunt, animiq; tranquillitatem constituunt, ac ut unò verbò rem explicemus, virtutes sunt, quæ in nobis efficiunt voluptatem.

Habent artes hoc proprium, ut à suo opere laudentur, prout Medicina à curatione laudes subit. Nullus verò expeteret virtutes, illasq; coleret, nisi inde sentiret maximum illud commodum, ut corpori & animo benè esset.

Corporis curationem sustinet temperantia atq; fortitudo. Ex intemperantia proveniunt morbi, ut variè affligatur corpus; ergo opposita virtus erit, quæ leviores reddat morbos, quæ ipsum corpus curet. Dum verò ex necessitate quadam perferendi dolores, fortitudo jubet, ut animus semper excelsus maneat, & dolor in longinquitate levis, in gravitate brevis concipiatur. Ergo sapiens in Phalaridis licet tauro peruratur, exclamabit tamen: Dulce est, & ad me nihil pertinet, uror sed invictus: ultimum quando agit diem, & vel maximis corporis doloribus torquetur, nihilominus beatissimum diem deprædicabit.

Animo

Animo medicinam adhibet Philosophia, quæ qui excultus est, in seipso omnia habet bona, nihil timet, expulsiq; erroribus, se liberum esse sentit.

Quò verò gravior est animi, quàm corporis morbus, eò difficilior est curatio. Laboranti corpori subvenire nititur animus, ut medicinam faciat valdè sollicitus: sed oppressus vitiis animus, difficulter erigitur. Animus præterea in longinquum dirigit cogitationes, nulle sibi fingens mala: corpus ad præsentia tantum, sese accommodat.

Nonne autem ille, qui immensâ & inani cupiditate appetit divitias; gloriam, dominationem, venereas voluptates, infelix dicendus est? Nonne homo insipiens dum præterita mala semper in memoriam revocat, atq; ægritudinibus, molestiis, mœroribus conficitur, omni privatur voluptate? Nonne qui mortem timet, qui de divino cultu varia non sine timore sentit, inquietum turbidumq; habet animum? An ille beatus dicendus, qui bona præterita non recordatur, præsentia negligit, futura, quæ incerta sunt, incertumq; animum reddunt, sperat? Quid porro colligendum, quando maximi cruciatus subleqvuntur, quando eventus docet frustra labores esse susceptos, frustra imperia, opes, gloriam magnò studio esse quæsitam? His tantis malis Philosophia medicina reperitur, ut nulla adsit ægritudo, molestia, metus, neq; si forsan animum invadant, tanquàm è præsidio desiciant. Medicina verò quæ adhibetur à Philosophia sunt virtutes, à prudentia seu à ratione profectæ.

CAPUT IV.

Virtutes generatim recensentur.

Virtus omnis vel dirigit, vel dirigitur; ad prius genus refertur prudentia, ad posterius temperantia, fortitudo & justitia. Ergo quatuor sunt virtutes, quæ sedatum atq; tranquillum

quillum animum reddunt , omnem tam à corpore , quàm animo molestiam remouentes , ut subsequatur felicitas seu voluptas.

Prudentia est ipsa recta ratio , seu rectæ rationis dictamen , quò quis & se , & alios regere aptus est. Dicitur aliàs sapientia ; hinc oppositum enascitur insipientia , ignorantia , stultitia. Temperantia & fortitudo moderatur affectus , qui in ipso homine latent ; dum enim cupiditas subjicitur rationi , temperantia , atque dum metus expellitur fortitudo resultat. Iustitia est ejusmodi virtus , quæ ad alium refertur , pro opposito habens malitiam , quæ quis ad defraudandum alterum pronus est. Sicuti autem ex accidenti fit , ut affectuum vi aliquis abreptus imprudenter agat : ita contingit , ut ex ira , odio , aut alia passione , injustus sit.

Conjunctæ verò sunt ceteræ virtutes cum prudentia. Quomodo enim aliquis temperanter , fortiter , justè atque unò verbo , honestè vivet , nisi polleat prudentiâ ? quomodo ad honestatem omnia rediguntur , absente duce prudentiâ ? Neque ipsa prudentia sine reliquis virtutibus existit. Ergo subsumendum hunc in modum : Non posse temperanter , fortiter , justè vivi , nisi prudenter vivatur ; nec prudenter , nisi temperanter , fortiter , justè.

Inde simul colligitur indissolubili nexu omnes inter se virtutes coherere , ac positâ unâ virtute , simul poni omnes. Neque enim prudentia tanquam caput sine suis membris , id est , ceteris virtutibus datur ; neque voluptas seu summum bonum sine virtutibus. Est enim sapienter vivere nihil aliud , quàm jucundè vivere , & reciproco sensu , jucundè vivere nihil aliud , quàm sapienter.

Neque verò propter necessariam virtutum cohesionem virtutibus vitisq; æqualitas tribuenda. Potest enim aliquis ad fortitudinem exercendam paratior esse , quàm ad temperantiam ; sæpe etiam aliquis alium virtute superat. Ob hanc causam inæqualia decernuntur præmia ; cum major virtus jure suo majus sibi præmium vendicet. Ex opposito quò majora sunt vitia , eò majores decernendæ pænæ : Ergo qui magistratum verberat majorem incurrit pœnam , quàm si aliquis tale in plebejum hominem conmitteret.

Ab.

Abeant nunc, qui voluptatem illam delicatam atq; mollem ad sensus tantum cum multa suavitate perfluentem laudare solent. Sincera, honesta nostra voluptas est; nihil vitii, nihil detestandæ libidinis continens, nihil mœroris afferens: A virtutibus oritur, in virtutibus acquiescit. Virtutes igitur sunt medium acqvirendi felicitatem, sunt fundamentum, cui felicitas innitatur. Et quomodo ego Epicurus in turpi illa voluptate collocarem summum bonum? Nonne panis atq; aqua ad cibum & potum mihi sufficiunt? Nonne sanitatem hœc vitæ institutò optimè conseruo, atq; ad res agendas idoneus sum? Hinc igitur fit, ut indigentia naturæ succurrens, summam percipiam voluptatem; atq; adversus invidam fortunam excelsò sim assumò. Quòd si ex intervallo lautior utor cibo, melius afficior atq; recreor.

Quod deniq; notandum est, non ab omni affectu sapientem virtutes eximunt. Accidat mors parentis, aut amici, salus publica magnum pariatur detrimentum, vel ipsam perniciem. Hi casus faciunt, ut doleat sapiens, ut lachrymas fundat, & clara, det indicia mœroris sui. Ut igitur mediocritas observetur, neq; affectibus opprimatur sapiens, docent virtutes.

Contrà insipiens atqve stultus homo affligitur doloribus, molestiis, cruciatibus, varios fingit sibi terrores. Hinc talem nunquam tranquillò, sed turbidò vides animò.

Ubi verò nullus dolor apparet, etiamsi iustissima adsit dolendi causa, ibi non tam sapientia, quàm inhumanitas ponenda esse videtur. Vult enim natura, ut humanitatis suæ vestigia relinquantur.

CAPUT V.

Derecta ratione; ac voluntate, à qua virtutes dependent.

Ratio ea hœc locò intelligitur, quæ est principium actionis, dijudicans, quid agendum, vel non agendum sit. Cum verò ratio sæpe depravata existat, faciliè perspicitur, quòd in

virtutibus explicandis ad rectam rationem recurrendum sit. Ita qui inertem amplectitur voluptatem, indulgens præter modum voluptatibus, habet ille quidem rationem, sed depravatam. Qui verò utitur rectâ ratione, stabilem persequitur voluptatem, recedit etiam quandoq; à voluptate, dolorem appetens, si voluptati imminet poenitentia, aut dolor minor pro graviore sumitur.

Rectam rationem habet homo per naturam, multum autem adjuvatur experientiâ: hinc enim enascitur prudentia, ut falsum à verò, bonum à malo dijudicari queat.

Rationi inest voluntas, ut possit homo agere vel non agere; hoc vel aliò modò actionem exercere. Hinc laus vel vituperium resultat, prout actio ex voluntate suscepta vel bona, vel mala est. Annon enim tuæ voluntatis est extraordinarias illas voluptates opprimere, illisq; aliquid vel multum impendere? Quod verò contra tuam accidit voluntatem, inde neq; laude, neq; vituperiò dignus es.

Fortunam in actionibus ut DEUM veneratur multitudo, sed vide quàm mutabilis fortuna sit, cum DEUS semper constantiam amet. Dicendum potiùs fortunam suppeditare occasiones bonorum atq; malorum, etiamsi non tribuat aut bonum aut malum; longe q; præstantiorem esse prudenter infortunatum, quàm imprudenter fortunatum. Quare sapiens ita segerit, ne vim in eum exercere fortuna possit.

CAPUT VI.

De Prudentia.

Nunc de virtutibus singulis ordine agendum est. Offert sese primò locò prudentia, omnem ita vitam dirigens, ut illa beata sit, id est, ut voluptate fruatur. Insapientia facit, ut homines ignorent, quid inter bona, quid inter mala numerandum, eaq; sapius apprehendant, quæ sub specie boni in magnos

magnos terrores, dolores, molestias inducunt: Prudentia igitur est, restringere cupiditatem, atq; ea eligere, quæ non nisi constantem pariunt voluptatem.

Illa prudentia ex se non appetitur, sed propter voluptatem, quæ omnes dolores ab homine longè remouentur; in animo autem tranquillitas efficitur. Medicinam nemo laudat, nisi propter valetudinem, quam curat, & quoniam gubernatio, quæ navigandi artem respicit, magnas præstat utilitates, non à sua natura, sed ab usu laude digna censetur: Pari ratione prudentia expetitur ob hunc unicum finem, ut conquirat, atq; comparet voluptates.

Insipientis hominis vita valde misera est, jam agitur libidine, jam incidit in varias cupiditates, quæ non foris solum se produunt adversus cives, adversus alios, quibus cum visis, sed animum etiam turbidum & intranquillum efficiunt. Prudens contra jucundè vivit, atq; planè in voluptate constitutus est, libidinis ardorem restringens, cupiditates inanes opprimens. Accedit, ut sapiens eò, quò decet modò, iniquæ fortunæ impetus toleret, casus hinc inde emergentes ex longo prospiciens; si quæ inopinatò accidunt, fortunam infra se positam esse judicans. Quòd si igitur ad voluntatem omnia fluunt, beatus est; si omnes tempestates adversa fortuna excitat, tantam vini non habet, ut prudentem de beatitudinis sede dejiciat.

Sunt nonnulli ingenii felicitate tam prompti, ut sine alterius adjumento ad prudentiam pervenire, atq; ad honestatis viam contendere valeant. Sunt hi sanè optimi, ingenitam naturæ vim habentes, propriòq; studiò sapientiam comparantes. Alii ope alienà indigent, ad sequendum, non ad præeundum idonei. Neq; hi omni laude privandi: egregium enim est, servari velle, licet alienò studiò. Magnum verò discrimen remanet inter primæ atq; secundæ sortis ingenium. Quidam ad prudentiam addiscendam, atq; adeò ad virtutem ipsam colendam cogi compelliq; possunt, non duce tantùm, sed adjutore, & veluti coactore opus habentes. Neq; hoc genus hominum planè fastidiendum, atq; omne illud ample-

etendum; in quō virtutis semina apparent; cū sufficiat prudentiam generari posse.

Quoniam autem prudentia sola virtutes producere valet, in insipientibus non sunt veræ virtutes, sed simulachra virtutum. Quomodo enim resistendum doloribus, quomodo comparandæ veræ voluptates, ignorant illi: hinc etiam fit, ut decopti opinionibus, in terrores atq; cruciatus incidant.

Ergo prudens non pendet ex populi iudicio, sed suæ scientiæ confidens format consilium, quomodo vita instituenda, ut omnes actiones voluptati inserviant. Prudens non nisi ex honestate agit: populus non intelligens, quid honestum sit, sæpe malis actionibus studet.

Porro prudentia nullam eruditionem esse ducit, nisi quæ beatæ vitæ instrumenta suppeditet. Quid enim pœtæ prosunt, quid adjuvant? In illis non nisi puerilis delectatio reperitur. Quid Musica, Geometria, Astronomia, ad beatæ vitæ possessionem conferunt? Omnes hæc disciplinæ falsis nituntur principiis, & licet vera continerent, nullum tamen adjumentum præstarent beatæ vitæ: relinquendæ igitur sunt. Vivendi autem ars tam præstans, tamq; operosa & perinde fructuosa addiscenda est.

Cæterum non incommodum est, ut vir bonus eligatur, atq; ante oculos ponatur, qui præsens tanquàm morum nostrorum præceptor fingitur, ut non aliter vivamus, ac si ille spectaret, non aliter agamus, ac si ille videret. Valde movemur factorum nostrorum teste quodam. Quapropter adsit oportet, quem vereamur, cuius auctoritate omnia, vel ipsa cogitata, metiamur. Nonne enim felix dicendus, qui actiones suas ad maiorem perfectionem reducit, atq; etiam cogitationes emendare nititur? Nonne beatus vocandus, qui memoriâ sapientem circumgerit, ut sic, tanquàm illo inspectore, vitam instituat atq; componat?

CAPUT VII

De Temperantia.

QUæ moderatur voluptates virtus, vocatur temperantia. Ulti verò in omnibus virtutibus non sufficit judicare, quid faciendum, non faciendumve sit, sed stare etiam oportet in eo, quod judicatum: ita hic opera danda, ut voluptatum illecebræ obtemperent judicio, ne forsàn ex voluptatibus neq; magnis, neq; necessariis, majores subsequantur dolores. Finge aliquem, qui libidine ducatur: nonne fieri potest, ut ex parva voluptate in maximos incidat dolores, dum omnem bonam famam amittit, legibus civilibus ad pœnam vocatur, vel etiam ex intemperanti venenis usu gravissimos sibi morbos accersit? Temperans igitur prætermittendâ voluptate, maximas consequitur voluptates, sustinet dolores, ne aliquando majores sustinere cogatur.

Ex quo intelligitur voluptatem non per se fugiendam esse, sed quia parvam voluptatem magni excipiunt dolores: simulq; manifestum evadit, temperantiam colendam, non quia avertere voluptatem, sed quia majorem consequi docet.

Cupiditates, circa quas versatur temperantia, triplicem sortiuntur partitionem. Unum genus ponitur earum, quæ sint & naturales, & necessariae: alterum, quæ naturales, nec tamen necessariae; tertium, quæ nec naturales, nec necessariae. Quarum ea ratio est, ut necessariae nec operâ multâ, nec impensâ expleantur: ne naturales quidem multa desiderant, propterea quòd ipsa natura divitias, quibus contenta sit, & parabiles, & terminatas habet. inanium autem cupiditatum, nec modus ullus, nec finis inveniri potest.

Ex temperantia provenit sobrietas, quæ tenuem victum antefereendum censet splendido atq; copioso. Modò cogitaret homo, quàm turpe sit, diffluere luxuriâ, ingurgitare sese cibo & potu, & quàm pejor hac in parte sit bestia, mecum magistro voluptatis senti-

sentiret, qui pane cibariò, atq; aquà utens, voluptate abundo in corpore, qui inscripta hortulis meis talia habeo: Hospes hic bene manebis, hic summum bonum voluptas est: paratus erit istius domicili custos, hospitalis, humanus, & te polentà excipiet, & aquam quoq; largè ministrabit, & dicet: Ecquid bene acceptus es? Non irritant hi hortuli famem, sed extingvunt, nec majorem ipsi potionibus sitim faciunt, sed naturali & gratuito remedio sedant. Certos habeo dies, quibus malignè famam extingvam; videns, an aliquid desit ex plena & consummata voluptate, vel quantum desit, & an dignum, quod quis magnò labore penset.

Ex tenuissimo victu non minor jucunditas percipitur, quàm ex magnificentia epularum. Quid enim superest, quod delectet, molestià illà, quæ à fame & siti oritur, depulsà? An carniū forsàn esus majorem excitabit jucunditatem? Nihil aliud præstat, quàm tenuis victus, imo ad vitæ durationem minimè valet, ob rationem illam, quæ caro ex contrario mista esse videtur.

Quod necessarium est ad indigentiam explendam parabile est, atq; ubiq; prostat: quod verò ad luxum spectat, cupiditatēq; minimè necessariam, difficilius acquiritur, comparaturq;. Ejusmodi homines maximam sibi molestiam creant, mentibus eorum falsæ in hærent opinionēs, quæ neq; ad explenda necessaria spectant, neq; ad aliquid habendum, ex cujus absentia incommodum vel corporis, vel animi metuendum, tendunt.

Sobrietas quatuor habet commoda. Primum est, quòd sanitati infervit. Qui delicatè, magnificè, splendideq; vivunt, accersunt sibi morbos, jam podagrà, jam febri, aut aliò malò, laborant. Sobrietas verò efficit atq; tuetur sanitatem. Alterum, quòd ad necessarios vitæ usus reddit hominem impigrum. Sobrius ad cogitandum aptus est, jam studere, jam scribere, jam audire, aliquid cupit, ex majore animi perfectione magnam capiens voluptatem: Ad corporis exercitia promptus est, corpus quippe sanum, vegetum, atq; alacre conspicitur. At repletio, satietas nimia, ingurgitatio, crapula, animum obfuscet, retundit, ac languidum

dum reddit: corpus autem ut morbidum, sic debile, segne, prægravatum facit. Tertium, quòd magnificæ epulæ ex intervallo appositæ magis delectant. Equidem æqualis habetur voluptas ratione tenuis victûs, & splendidi apparatus: sed illi heluonotes tam opiparè viventes ex continua saturitate non sentiunt, quam suavitatem atqve jucunditatem lautiores epulæ exhibeant. Quartum commodum deniq; est, quòd fortunæ ludibria contemnit. Qui delicato victui assuetus, indies multâ pecuniâ indiget, ut edere & bibere possit. Tunc non sufficit cibus vel potus in his terris usitatus, sed ex peregrinis locis apportandus est. Multos sustinet in Rep. labores, hanc tantùm ob causam, ne fortunam invidam, experiri, atqve genium suum, ut putat, defraudare cogatur. Sotribus contrâ invenit ubiqve, quod satiare, quod sitim delere possit; hinc non metuit fortunam, sed semper tranquillò est animò.

Sequitur virtus, quæ Venereas cupiditates moderatur, vel restringit, continentia. Hoc enim in universum verum est, Veneris usum nunquàm prodesse, & satis bene agi, dummodò res illa delicata atq; mollis non noceat.

Nullum verò remedium, quod Veneri adhiberi poterit, salutarius est tenui victû: ille non auget, sed minuit seminis copiam, non excitat, sed opprimit stimulos, ut ad eò absentibus corporis facibus aliquis non inflammetur ad cupiditatem. Accedit sapientiæ studium, quò homo de honestate tantùm cogitat, simul perpendens illa incommoda, quæ afferunt libidines.

Ad continentiam porro facere videtur Musices atqve Pœtices abstinentia. Tales utraqve habet cantilenas & voces, quæ flestant animos ad cupiditatem, ad libidinem.

Cavet sedulò sapiens, ne rem habeat cum illa muliere, quæ legibus prohibetur. Voluptatem enim parvam, neqve necessariam

cessariam non sequi debent magni dolores. Annonverò bonam amittere famam, ad carceres, ad exilium, aliasq; pœnas redigi, inter magna mala, doloresq; numerabis? Id verò agit sapiens, ut continentiam observandò, secundum leges vivendò, animum tranquillandò, corporis molestias depellendò, summâ fruatur voluptate.

Qvòd si legitimum matrimonium caret liberis, non Cupido, non Venus accusanda, ex votis, ex sacrificiis potiùs, qvàm remediis naturalibus sperandum, ut illa infelicitas matrimonii tollatur.

Hùc spectat egregia animi facultas, qvâ quis paucis est contentus. Ex lege naturæ æstimandæ divitiæ: hinc satis habes, si famem, sitimq; depellere vales, si adversus frigus tutus existis. Non opus est tunc superbos venerari homines, nec illorum fastidiosos tolerare mores, & pati inhumanitatem: non castra seqvenda, nec maria tentanda: ad manus statim est, qvòd natura desiderat: Si qvæ rerum copia, & abundantia qværitur, multi sustinendi labores, multa incommoda. Mercator ob divitias comparandas fluctuoso mari se concredit, Indos, & barbaras adiens gentes; alius tentoria amat, ibiq; senescere cupit.

Natura paucis contenta est, opinio nullos terminos divitiarum agnoscit. Secundum igitur naturam si vivis, non potes non esse dives: si secundum opinionem non potes non esse pauper. An forsan si tot mille aureos, tot agros, tot structuras aliasq; divitias, & opes numeraveris, contentus eris, ad opinionem vivens? Minime: sed qvò plures atq; majores tibi sunt divitiæ, eò plures semper appetes, imo in infinitum vergit appetitus tuus, nunquam inveniens, ubi satiari possit.

Si igitur divitem te facere vis, non pecuniæ adjiciendum: sed pecuniæ detrahendum est. Honeſta enim res est lata paupertas, atq; sapiens ex seipſo bona sua qværit, qvæ fortunæ tribuenda, tanto perè non æſtimat, ut ad felicitatis statum qvæcqvam conferant.

Qva-

Quapropter misera est stulti vita, suas cogitationes in futurum jaciens, quæ incertum sollicitumque habent eventum. Adimpleri opibus non potest, & quò plura possidet, eò plura possidere cupit. Licet totius mundi dominus evaserit, miser tamen remanet; quippe cum miseria sit indigentiae comes; & illi, qui adeptus totum mundum fuerit, defuturi sint mundi ceteri, quos vana opinio haud secus monstrabit, quam pauca habenti totum istum mundum monstraverit.

Ira expellit virtus mansuetudo. Magnum est dedecus iratò incedere vultu. Quid enim ira aliud, in primis immodica, quam infania?

Oritur ira ab injuria: hinc quando impotens animus injuriâ afficitur ita commoveretur, ut magnam statim acerbiteriam addat, furori non absimilem.

Uti verò vel maximus ignis, si invenit solidam materiam, nullam vim exercere potest: ita sapientis animum inimicorum odium, falsa accusationes, & quæ alia iniqua fingi possunt, non turbabunt. Sibi ipsi tantum confidens, omnia alia bona in fortuitis ducit: ergo vel ametur, vel odio habeatur, unus idemque vultus semper apparet.

Et verò mavult diligi, quam odio haberi. Prius si fieri nequit, posterius eò animo fert, quò decet, atque inferendò potius injurias, quam ulciscendò laudem quaerit: bonâ conscientia fretus, nihil de sua mansuetudine, tranquillitate remittit.

Alia est ratio eorum, quos sapiens tanquam paterfamilias in domo habet. Sicuti enim aliquis magistratus in Rep. civium scelera atque flagitia citra iram punire solet: ita sine commotione, sine acerbiteria natura, sapiens in delicta suorum animadvertit.

Modestia virtus facit, ut honores non ambiat sapiens, nisi necessitas Reip. hoc ipsum efflagitat: in occulto potius jacet, quam ut in publica magistratus dignitate vivat. Dum verò serviendum est Reip. non planè negligit honores, feliciorem nihilominus illud statum judicans, quò ab imperio, publicisque muneribus abstinet.

Mutabilis valdè est honor, & qui hodie eminet, cras dejectus jacet: dum igitur vitæ constantiam amat sapiens, honoribus minimè delectabitur.

Qui multà vi principatum obtinet, non potest tranquillò esse animò, curà, molestiis, timore sollicitatur. An enim qui timendus est, non alios timeat? Certè strepitus armorum, fulgor auri, splendor purpuræ, illum non liberabunt metu: intus agitur inquietis cogitationibus. Ubi ergo felicitas?

Habet summum bonum hoc proprium, ut illa respiciat; quæ faciliè parari possint. Tenuis igitur victus mihi sufficit, non indigeo epularum magnificentia: æstate vel sub aperto cœlo in gramine magnà voluptate recubo, tunc non prodest domus aurò argentòque fulgens, cantus avium longè jucundior est, quàm citharæ resonantes. Vivo itaq; in agris, in hortulis tranquillus, honores me vellicare non possunt.

De sepultura non admodum sollicitus sum: quippe post mortem nihil ad nos pertinet, quod enim dissolutum, id sine sensu; quod sine sensu, ad nos non spectat. Hinc nihil interest, an corpus dentibus ferarum lanietur, an ignibus torreatur, an terræ pondere obteratur.

Id curat sapiens, ut bonè sit successoribus. Hæc igitur est meî testamenti ratio, ut Amynomachus, & Timocrates, hæredes mei, de Hermachi sententia dent ad eorum epulas, qui unà mecum philosophati sunt, omnibus mensibus vicesumo die, lunæ.

De mediocritate inter spem atq; desperationem aliquid dicendum restat. Bonum est, quod appetitur, atq; dum illud parabile menti sistitur, spem facit, uti desperationem, quando acquiri planè non potest. Sunt stulti homines, qui summà cupiditate expetunt vitæ perpetuitatem, fingentes sibi nescio quam molestiam ex voluptatum post mortem privatione; atq; dum hæc vota frustra esse suscepta experiuntur, desperatio, quæ secum affert crucia-

cruciatus, mœrores, atq; dolores, oritur. Opus igitur mediocritate est, quæ certò modò sperare jubeat, desperare planè prohibeat.

Sapiens enim expectat quidem futura, sed ab illis non pendet: delectationem potius capit ex recordatione præteritorum bonorum, ex præsentibus bonis, quàm grata illa sint cogitandò. Stultus atq; insipiens contrà sperat tantùm futura, quæ dum incerta sunt, anxius ejus animus, & variè sollicitus existit. Jam honorum splendore, jam pecuniæ multitudine, aliorumq; bonorum cupiditate, agitur, impendit labores, noctesq; diesq; vigilans, ut potiatur sine proposito. Quod si excidit spe, molestia atq; intranquillitas animi subsequitur. Præterita bona prætermittit, non secum dijudicans, quàm multos hac in parte antecesserit. Insiapiens igitur nullà verà voluptate fruitur.

Ad bona autem præterita non ea tantùm spectant, quibus potiri concessum fuit; verùm etiam malorum declinatio, vel fortis perperessio, si ex necessitate quædam toleranda fuerunt.

Quod cupiditatem in immensum atq; perpetuum vivendi concernit, illa in sapiente non datur. Ejusmodi enim ille bona nunquam expetit, quæ ob carentiam ad desperationem adigant: metitur omnia naturæ ordine, & quoniam vita à natura præscriptos agnoscit terminos, ultra extendere non appetit. Imo, quando moriendum, non sine voluptate optimæ vitæ perfectum atq; adeò delectabilem finem adesse animadvertit: finit mors omnia, neq; ulla post mortem molestia remanet.

CAPUT VIII.

De Fortitudine.

Altera pars honestatis est fortitudo, quæ omnem metum tollit, omnem dolorem eximit, ut tam animo, quàm corpori

G

bene

bene

bene sit: Quòd si adversa ingruunt, animus non succumbit, sed constans sapientia superat malum.

Fortitudinem non ingenerat natura, sed à recta ratione seu prudentia illa efficitur: hinc non est confundenda cum audacia, atq; temeritate, quæ in bruta cadit, neq; corporis robore aut firmitudine metienda: virorum est propria, ex honesto instituto; atq; prudenti consilio omnia agens.

Hæc virtus, quia voluptatem gignere apta est, expetitur. Nemo enim propter se labores sustinet, nemo dolores propter se expetit, & vel ipsam fortitudinem exercet, nisi ut curam omnem, metumq; expellat, animumq; & corpus omni molestia liberet. Hoc verò est voluptate frui.

Qui enim exempli gratia mortem timet, quietam agere vitam minimè potest, atq; dum succumbit doloribus, & illis ferendis impar est, in magnis miseriis vivit, ea consilia capiens, quæ patriæ, amicis, sibiq; ipsi interitum afferunt. Robustus contra & excelsus animus nihil timet, quosvis etiam dolores promptè subit, maximos ipsa morte, parvos vicissitudine requietis, mediocres ex sua voluntate leniens.

Sunt alia mala, quæ à fortitudine superantur, per se; alia per accidens: per se mala sunt dolor atq; ægritudo; per accidens, quæ dolorem atq; ægritudinem efficiunt. Dolor oritur à morbo, à fustigatione, ab omnibus illis rebus, quæ corpori nocere videntur: ægritudo à publica, à privata perniciè, aliòq; malo, quod turbat animum. Hæc talia fugimus non aliam ob causam, quam quia dolorem, vel ægritudinem afferunt.

Ut Deos non timeamus fortitudo efficit. A Diis enim immortalibus nihil metuendum est; neq; enim aliquid agunt, neq; aliis negotium exhibent: Summum illis excellentissimumq; bonum adscribendum est, ut adeò ab omni cura, ab omni negotio vacare debeant. An enim tranquillius erit, qui nullò intermissò temporis puncto versatur circa axem admirabili celeritate? An ille beatus, qui hanc mundi machinam produxit, hominum

negotiis intentus, omnia providet, omnia conservat, cœlum terramq; tuetur?

Falsæ sunt hominum opiniones, quæ tantas sollicitudines Diis attribuunt, verbis asserentes Deos, re ipsâ negantes. In perpetuâ tranquillitate vivunt, neq; irâ, neq; gloriâ tenentur, quod, quæ talia sunt, imbecilla sunt omnia.

Quarè falsi quoq; à Diis metus sunt. Quod enim vulgò dicitur, Deos piis elargiri præmia, impiis constituere pœnas, contra summam illorum perfectionem est. Ex quibus sponte sequitur, frustra terreri hominum animos tonitru jactuq; fulminum, terræ fremitu mugituq; , venti vehementiâ ac immoderatâ tempestate.

Nobis sufficit, ritè Deos colere, atq; illam pietatem exhibere, quâ dignæ sunt immortales naturæ. Quod si enim æstimationem merentur res mortales, quanta veneratio debetur Diis, utpote mori nesciis, summò felicitatis statu semper fruentibus?

Deinde adversus mortem fortitudo salutare est remedium. Vanæ sunt hominum mentes de morte terrores concipientes. Mors enim ad nos minimè spectat, quoniam per illam omnia solvuntur, omnes sensus pereunt; quod verò sine sensu, ad nos non pertinebit.

Post mortem vel igne delemur, vel à feris lanienur; aut aliò modò corruptamur, quid ad nos? Non possumus quidem amicis nostris officia præstare: sed tunc officiorum atq; amicitiae cultus desinit.

Sunt igitur insipientes homines bonorum privationem post mortem metuentes, atq; inde dolentes. Qui verò jucunditatis sensus potest esse, sublatò ipsò sensu? Ex illo errore plerumq; fit, ut mors trepidò vultu adspiciatur: adolescentes, mediæ ætatis homines, & senes, nihil se egisse, nihil se jucunditatis in vita percepisse, putant, semper de futuro solliciti. Gravissimum peccatum est, tantâ inscitiâ laborare senes, ut lætitudinē mortem excipere ignorent.

Sapientes contrà hac vitâ mortali fruuntur , non quippiam incerti temporis adjicientes , sed cupiditatem immortalitatis abjicientes . Sicuti cibus svavissimus , non copiosior eligitur : ita temporis non longissimi , sed svavissimi fructus percipiendus.

Sunt quoq; stulti , qui mortem futuram , ac si illa multum doloris afferret , non ipsam præsentem timent . Quod enim præsens nihil doloris exhibet , ut futurum frustra timetur . Si quid in hoc negotio incommodi , aut metûs est , morienti , non morti adscribendum est vitium . Et verò si sit in extremo halitu aliquis dolor , solatium ejûs atq; fomentum est brevitatis , cum nullus intensus dolor simul longus sit.

Neq; illi non inepti sunt , qui juvenem ad honestè vivendum , senem ad honestè moriendum adhortantur . Eadem enim debet esse meditatio vitæ atq; mortis : juvenis ita se præparet , ut vivere desinat , atq; suam vitam ad perfectionem redigat ; senex , ut tanquàm vitæ satur conviva cedat.

Cæterum tranquillus animus nosse debet , ne tædium nos vitæ capiat . Quid enim tam ridiculum , quàm mortem appetere , vel currere ad mortem ? Certè nisi præcedat inquietus vitæ status , nihil tale in mentem nobis veniet . Itaq; vita dimittenda non est , nisi aut natura , aut intolerabilis casus ad mortem vocet . Ob hanc causam cogitandum , utrum præstet mortem adire , an mortem ad nos venire.

Porro fortitudinis est , ut expellat corporis dolores : essent illi gravissimi , nisi ex falsa hominum opinione animi quoq; dolores darentur . Insipientes enim anguntur externis rebus , quæ minimè sunt in nostra potestate , puta , si forsân fortuna votis non responderet , aut aliud obvenit malum . Hinc oriuntur dolores animi , qui longè majores sunt doloribus corporis.

Sapiens sedulò curat , ne ullus in corpus derivetur dolor , nisi ut evitetur major dolor , aut voluptas haud exigua concilietur . Illa vult equidem semper sine dolore vivere , quòd si autem
neces-

necessitas imponit malum, fortem ostendit animum, ut longè superior dolore existat.

Ergo si morbis premitur sapiens, si verberibus cæditur, vinculis, carcere, citra omnem culpam detinetur, invictò semper remanet animò. Hoc sæpe cogitat, quomodò intensus dolor brevè desinat, & vel omninòdam indolentiam, vel mitigationem quandam efficiat, vel mortem, cum quæ omnis molestia desinit, accersat. Præterita gratâ recordatione in memoriam revocat, simul perpendens, quàm laudabile sit, invictum sese a dolore præstare.

Quòd si non solatia desunt vel in gravissimis doloribus, facile conjicere licet, quàm facile tolerantur leves dolores: vix illi sentiuntur à tam robusto animo, qui quæq; gravia ferre potest.

Deniq; ægritudini resistit fortitudo, quæ facit, ut animus externis malis non terreatur. Insuper ille meritiò dicendus, qui ex vâga volubiliq; fortuna dependet, rebus secundis insolescens, & nescio quantum se efferens; in adversis autem animum planè abjiciens. Sapiens fortunæ & temporum mûnera caduca censeat, illorum bonorum non tam facultatem & copiam expetendam putans, quàm in utendo rationem, & in carento sapientiam. Hinc insipientem inconstantia regit, constantiam ubiq; servat sapiens, sola virtutis bona vera esse dijudicans.

Insuper non potest non occupari animi ægritudine, quando adversa ingruunt: ea enim in malis habet, quæ reverà non sunt mala. Sapiens perpetuà fruitur voluptate, ac nullum tantum accidere potest malum, quod ejus tranquillitatem atq; jucunditatem impediat: ergo non opprimitur morteliorum, non fama detractio, aut pecuniæ opumq; amissione.

Fieri equidem potest, ut sapiens ob factam rerum commutationem, dum felicitati assuetus est, aliquam sentiat ægritudinem; sed levare tamen illam nititur, avocandò animum à molestiis, & revocandò ad ea, quæ non nisi jucunda sunt. Sequitur rationem tanquam normam sapiens; ratio verò suggerit jucunda tam

tam præterita, quàm futura : superatur igitur ægritudo à voluptate.

CAPUT IX.

De Justitia.

ULtima virtus vocatur justitia, quæ tota refertur ad alium, atq; homini, prout est membrum societatis, competit. Sublatâ enim justitiâ tollitur omnis societas; hæc enim virtus suum cuiq; tribuit, ne ulli injuria fiat, sedulò cavens.

Quemadmodum prudentia, temperantia, fortitudo cum voluptate conjuncta est; ita quoq; comparatum est cum justitia, quæ nemini nocet, sed contrâ negotiosa est, tranquillandò animum, atq; illi persuadendò nihil defuturum, quod natura rectè instituta efflagitare possit.

Temeritas, libido, ignavia variè excruciant animos, atq; inquietos reddunt: pari ratione turbidum animum reddit injustitia, & si vel maximè occultè aliquid perpetravit, nunquàm tamen certa est, id semper fore occultum. Homines enim primò suspicari incipiunt, postea sermone & famâ propagare, deniq; accusare, quò positò, judicium non cessat: nonnulli etiam internis acti conscientia stimulis seipsos accusant. Quod si homines fortè celare posse videntur, Deos tamen timent, easq; sollicitudines, quibus animi dies noctesq; exeduntur, in poenam & supplicium immitti opinantur.

Hoc extra dubium positum, improbis factis non tam imminui, quàm augeri molestias: homo suæ injuriæ sibi conscius est, leges civiles poenam dictitantes, & quomodò civium odium excitaverit, videt. Ita tamen nonnulli obstinati sunt, ut præter modum pecuniam, honores, imperium expetant, libidinibus, epulis, reliquisq; cupiditatibus indulgeant: quæ non minuuntur proce-

prædis improbè partis , sed potiùs inflammantur, ut vi potiùs deterrendi, quàm institutis doctrinæ imbuendi sint.

• Qvi igitur iudicium rectæ rationis adhibet, illum ad justiciam, æquitatem, fidem allicit natura : Neq; homini affectibus obtemperanti injustè facta profunt : multa cum difficultate ille agit, neq; obtinet, quod effecit. Qvi liberalis esse vult, hoc nomen opibus fortunæ & ingenii facilius tuebitur; benevolentiam enim consequitur & caritatem , quâ nihil aptius est ad quiete vivendum.

Certè illi improbi non habent causam peccandi: cupiditates enim , quæ naturales dicuntur, sedantur sine ulla vi, quæ nulum modum & finem habent, illis obtemperandum non est. Sunt enim contra rationem, plusq; detrimenti, quàm emolumenti suâ injuriâ asserunt.

Quapropter justitia per se optabilis non est, sed ob illam voluptatem , quam parit : nam continet res jucundissimas diligi & carum esse , ut adeò tutior efficiatur vita , atq; voluptas cumuletur.

Aliud est jus naturale, quod duce naturâ, quilibet tanquam utile expetit, aliud est contra naturam, quod nomen tantum justî habet , non rem ipsam: putâ, si ejusmodi leges præscribantur, quæ evertant societatis salutem.

Ut enim hoc rectè inculcetur, notandum est, quòd dupliciter dicatur jus, primò utile, deinde quod communis societatis consensu constituitur: prius est, quod cuiq; competit, servariq; debet, alterum præscribit, quid ratione societatis utile justumq; sit, vocatur aliàs lex.

Justum non semper idem manet , sed valde variat, & fieri potest, quod hic tanquam justum servatur, alibi injustum sit. Similitudinem deprehendis in Medicina, quæ si omnibus hominibus eadem propinaret, salutaria & noxia concurrerent. Non enim apud omnes gentes eadem obtinent leges , quælibet societas sua pecu-

peculiaria instituta habet, quibus dirigit utilitatem, atq; dum utile ubiq; locorum intenditur, fit ut ex variis causis variet jus.

Quemadmodum verò inter animalia, quæ hanc facere pactionem non potuerunt, ut neq; læderent, neq; læderentur, nulla est iusti, aut iniusti ratio: ita inter gentes, quæcunq; ad hanc pactionem venire aut non potuerunt, aut noluerunt, ut neq; læderent neqve læderentur, nulla iusti vel iniusti ratio intercedit. Animalium quæ nihil inter se pepigerunt, unum nocet alteri, non autem injuriam facit: hominum inter quos nulla pactio est, unus alteri detrimentum affert, sed omnis injuria abest, quoniam illa legem, contra quam agitur, præsupponit.

Annon hac ratione jus quoddam statuitur, quod bruta animalia servant, ut iustè agant, si non lædant, iniustè contrà, si lædant? Minimè hoc asserendum; soli enim homines in juris possessionem veniunt; dum autem de animalibus loquimur, hoc ita intelligendum est, ut nullum jus sit, nisi in mutua societate.

Ut lex iusto viro ponatur non opus est: agit ille motu spontaneè ea omnia, quæ iusta sunt; iniusta detestatur. Cupiditates quas habet facilè explet, simplici utens victu, nulla causa datur latrociniorum, cæterarumqve injuriarum, quas improbi inferunt.

Improbi autem coercendi, poenis deterrendi sunt, atq; animadvertendum, ne in sapientes iniustè agant. Ad quem igitur leges spectent, facilè conicitur, certè non ad pium, sed impium hominem.

Enimverò sapiens sui gratiâ omnia facit, sui etiam gratiâ iustitiam sanctè colit, suum cuiq; tribuit, societatem conservare nititur, utpote sine qua nec ipse salvus esse potest, nullâ terretur multâ, nullâ poenâ, nullius in se provocat injuriam: itaq; tranquillò est animò, qui fructus sanè iustitiæ est maximus.

Etiamsi iniustitia (loquimur de ea, quæ ratione loci variat) per se malum non sit; tamen in suspicionis metu versatur, dumcos, qui huiusmodi rebus animadvertendis præsunt, vix latere potest.

potest. Neq; est, qvòd quisquam clam aliquid agens, contrà qvàm cum altero pactus fuerit, credat se latere posse, licet in præsentià lateat factum, aliò tempore aperietur.

Hæc est illa præclara beatè vivendi, & aperta & simplex, & directà via. Cùm enim nihil homini possit melius esse, qvàm vacare omni dolore, & molestia, perfruiq; maximis & animi & corporis voluptatibus, nihil prætermittitur, qvòd vitam adjuvet, qvò facilius id, qvòd propositum est, finum bonum consequamur. Qvapropter non possumus jucundè vivere, nisi sapienter, honestè, justèq; vivamus: nec sapienter, honestè, justè, nisi jucundè. Neq; enim civitas in seditione, beata esse potest, nec in discordia dominorum domus: qvò minùs animus à se ipse disidens, secunq; discordans gustare partem ullam liquidæ voluptatis, & liberæ potest.

CAPUT X.

De Amicitia.

Amicitià ad vitam degendam nihil præstantius, nihil amabilius, nihil uberius reperitur. Uti inimiciæ, invidia, despicationes omnem felicitatem tollunt: ita amicitia, consociatio animorum, mutuusq; amor servant atq; efficiunt vitæ jucunditatem. An enim meru occupatus animus lætabitur? an in futurum tempus læta poterit cogitare? Qvò igitur & præsentibus fruatur, & de futuris optimâ erigatur spe, opus est amicitia.

Non separari aut sejungi potest à voluptate amicitia, sed cum virtutibus voluptati firmisimè inhæret: hinc fit, ut aliquis suorum lætitià æqvè lætetur ac suâ, suorumq; angoribus æqvè doleat ac suis: omnis lætitia, omnis dolor communis est; ad illam, servandam, augendam, ad hunc depellendum tam præsentem, qvàm futurum, communis adhibetur cura.

H

Cùm

Cùm verò amicitia comparantur ob usus atq; utilitatem, primi congressus quidem ex voluptatis ratione fiunt, sed firma amicitia efflorescit tantùm, atq; suâ naturâ appetitur, etiamsi nulla subsequatur utilitas. Etenim si loca, si fanâ, si urbes, si gymnasia, si campum, si canes, si eqvos, si ludicras exercendi, aut venandi consuetudines, adamare solemus: quantò id in hominum consuetudine, faciliùs fieri poterit, & justius?

Porro annotandum, fœdus quoddam esse sapientum, quò unus alium eodem atq; seipsum amore amplectitur. Et certum est virtutes conciliare amicos, taliumq; animorum conjunctione nihil esse jucundius.

Amicitia aliàs inter paucos iniri solet: sed ego una in domo, & ea quidem angusta, magnos, magnâq; amoris conspiratione consentientes teneo amicorum greges.

CAPUT XI.

Judicium de Epicuri Philosophia Morali.

CAPUT II.

Quò doctrina Epicurea à veteribus haud rarò ut pestifera profligatur, causa esse videtur incommoda Stoicorum explicatio vocis voluptatis. Equidem concedunt illi, voluptatem esse & lætitiâ in animo, & commotionem suavem, jucunditatis in corpore: sed dum ad animum referunt, sublationem animi sine ratione opinantis se magnò bonò frui intelligunt. Est hoc Stoicorum proprium, ut omnes affectus vituperent, atq; extirpandos censeant, hinc non mirum est, quoniam ex voluptate affectum, aut aliquid simile efficiunt, illam ut meretricem in virginum chorum adduci. Sed estne Epicuri voluptas sine ratione? Animi tranquillitatem, & hominis felicem statum conser-

vat

vat, hancqve ob causam vel maximè rectam rationem præsupponit.

Habuit hæc sententia jam ante Epicurum suum patronum, atq; defenforem Eudoxum, summum bonum in voluptate, summum malum in dolore ponentem. Tam enim bruta, quàm ratione prædita animantia expetere voluptatem, dolorem verò ab omnibus declinari. Eudoxus probè institutus fuit, morum honestatem atq; virtutem amplectens; hinc facilè concluditur, quòd solam intellectam voluerit voluptatem honestam, minimè turpem. Qva de re conferatur *Aristoteles*. Ante Epicurum vixit Aristippus, summum quoq; bonum in voluptate collocans, quòd ex *Cicerone* constat: *Atqui ab Aristippo Cyrenaici, atq; Annicerii Philosophi nominati, omne bonum in voluptate posuerunt, virtutemq; censuerunt ob eam rem esse laudandam, quòd efficiens esset voluptatis.* In sequentibus Stoicorum sectæ addictus accusat Epicurum his verbis: *Dicit ille (Epicurus) quidem multa multis locis: sed aqua hæret, ut ajunt. Nam qui potest temperantiam laudare is, qui ponat summum bonum in voluptate? est enim temperantia libidinum inimica, libidines autem consecutrices voluptatis.* Et porro: *Nam ut utilitatem nullam esse docuimus, quæ honestati esset contraria: sic omnem voluptatem dicimus honestati esse contrariam. Quò magis reprehendendos Calliphonē, & Dinomachum judico: qui se dicenturos controversiam putaverunt, si cum honestate voluptatem, tanquam cum homine pecudem copulavissent. Non recipit istam conjunctionem honestas, aspernatur repellit.*

Etiamsi autem in voluptate rationem adhibuerit Epicurus; non rectè tamen egisse videtur, quòd ad probandum illud solos sensus adhibet testes. Nobilissima pars in homine est ratio, non sensus, qui cum brutis nobis est communis, & quoniam summum bonum præstantissimum est, rationis, non sensus testimonio indigemus. Melius fecere sectatores Epicuri, quorum sententiam explicat Torquatus apud *Ciceronem*, quando ait: *Sunt quidam de nostris, qui hæc subtilius velint tradere, & negent satis esse, quid bonum*

Erbic. l. 10.

c. 2.

Offic. l. 3. c. 33.

Fin. Bon.

Mal. l. 1. c. 9.

bonum sit, aut quid malum sensu judicari: sed animò etiam ac ratione intelligi posse, & voluptatem ipsam per se esse expetendam, & dolorem ipsum per se esse fugiendum. Itaq; ajunt, hanc quasi naturalem, atq; insitam in animis nostris inesse notionem, ut alterum esse appetendum, alterum aspernandum sentiamus. Alii autem (quibus ego assentior) cum à Philosophis compluribus permulta dicantur, cur nec voluptas in bonis sit numeranda, nec in malis dolor, non existimant oportere nimium nos cause confidere, sed & argumentandum, & accurate differendum, & rationibus conquisitis, de voluptate, & dolore disputandum putant.

Porro notandum, dari quoddam medium inter dolorem & voluptatem. Hoc exigit virtutis ratio. Multi enim sunt homines, qui ex opinione tantum bene operantur: in illis uti non sunt veræ virtutes, ita neq; vera voluptas. Ex Aristotelis Philosophia hoc satis clarum est, quæ non dicit homo aut est perfectè beatus, aut perfectè miser, sed tertium gradum addit, ut certò modò beatus, certò modò miser sit.

Cæterum hic non immeritò quæritur, an summum bonum in voluptate ponendum? Hoc minimè concedendum est: quamvis absit omnis voluptas; adhuc tamen opera danda est virtutibus, quamvis maximos dolores sentiat corpus; non tamen cessare debet virtutis studium. Voluptas est potius ejusmodi umbra, quæ concomitatur virtutes, quàm ipsum summum bonum. Ex Aristotelis itaq; sententia dicimus, quòd summum bonum in honestis actionibus consistat.

Quod compositionem summi boni concernit, quæ animus sine ægritudine, corpus sine dolore existit; rectius videtur statui Philosophiam animo tantum medicinam adhibere. Quòd si enim animus bene imperat, homo in voluptatis possessionem admittitur.

CAPUT III. Epicurus comparat virtutes cum Medicina. Sicuti viciosos humores expellit Medicina: ita animum vitiis vacuum faciunt virtutes. Sed falsum est, uti antea dictum, virtutes non esse per se expetendas atq; colendas.

CAP.

CAPUT IV. Plurimi veterum quatuor recensere virtutes prudentiam, temperantiam, fortitudinem, iusticiam. Facile autem animadvertere licet, quomodo res diversissimæ confundantur: Laudandus itaq; Aristoteles, qui ab objecti diversitate numerum virtutum iniit. Et verò prudentia est virtus intellectualis, non moralis.

Cohærent omnes inter se virtutes, atq; posita una virtute, ponuntur omnes, si non in excellenti, tamen remissiore gradu. Recentiorum nonnulli hoc cogitent, qui separatas potius, quam conjunctas dari virtutes malunt. Habebisne summum bonum in liberalitate, si negligis temperantiæ leges? Nomine, non re ipsa beatus es.

An verò reperietur aliquis, qui virtutes omnes exercere posset? Rectè explicandum est virtutis exercitium, quod non consistit in actione externa & transeunte, sed in interna inprimis & immanente, quæ est bene operandi intentio.

CAPUT V. Ultiq; voluntas est principium actionis, proximè illam constituens: sublata voluntate oritur actio per ignorantiam, per violentiam, ut tunc planè non egisse videaris, oritur actio non-spontanea, quando ignorantia non causa actionis, sed comes tantum est.

CAPUT VI. Valde Pœtis iniquus est Epicurus, ac si non nisi pueriliter delectarent. Rectius Pœtæ præclari vitæ præceptores, antiquissimi sapientiæ doctores appellantur. Distinguendum etiam inter usum atq; abusum. Fuere, qui illiberaliter, petulanter, obscenè scriberent, prout annotat *Aristoteles*, sed alii divinitus verè sapientiâ erudiere genus humanum.

*Nicomach.
l. 4. c. 8.*

Pari modò de Musicis, Geometris, Astronomis iniquam fert sententiam. Nonne Plato ille omnis prudentiæ magister hæc talia studia, uti ipse confitetur Torquatus apud *Ciceronem*, amavit? At nullus horum studiorum usus est: sufficit mentem excoli veraq; cognitione inibui, simul autem per accidens (ut loqui-

*Fin. Bon.
Mal. l. 1. c. 21.*

nur in scholis) ad hominum vitam magna ex his studiis redundat utilitas.

CAPUT VII. Bene colligit Epicurus, virtutes nostras ex actione acquirere perfectionem. Nihil prodest nosse, quomodo vivendum sit, atq; ad summum bonum adspirandum, nisi cognitio cum actione conjungatur. Ita quoq; comparatae sunt virtutes Theologicae: munere suo Pastor Ecclesiae non satis feliciter fungitur admonendo, docendo populum, nisi doctrinam vitae suae institutio confirmet.

Cupiditates laudat Epicurus, modo non sint infinitae, contra Stoci pro ipsis vitiis ponunt. Sed omnino cupiditaribus mediocritas adscribi potest, ut laudandae potius, quam vituperandae veniant, quatenus illae mediocritatem observant, quam recta ratio vult.

Tenuem victum antefereudum censet splendido atq; copioso. Desinant adversarii Epicuri vitam exprobrare tanquam mollem atq; omni jucunditate ad sensus affluentem, honestissima illa est, & laudatissima. Hoc ipsum evincunt tot aureae sententiae, quibus Seneca epistolas suas ornavit, adjungens propositi hujus rationem: *Eò libentiùs Epicuri egregia dicta commemoro, ut isti, qui ad illa confugient, spe mala inducti, qui velamentum se ipsos suorum vitiorum habituros existimant, probem, quocunq; icrint, honestè esse vivendum.*

Eandem gigni voluptatem ex tenuissimo victu, quam magnificentia epularum, quoniam fame & siti depulsa nulla remanet molestia, asserit Epicurus. Multum hic valet vitae consuetudo, atq; dum in sapientem ex Epicuri sententia nullam vim exercet fortuna, pater, quomodo apparatu splendido ille non opus habeat.

Quod porro dicitur carnis esum ad vitae durationem ob qualitatem missionem non facere, ex sacris literis certum esse putat Grotius, primos homines abstinuisse à carnis esu, Deumq; herbas, non

Ep. 71.

Gen. I. v. 29.

non carnes ad vescendum dedisse ; ex pravis hominum moribus postea factum, ut animantia in cibum cederent.

CAPUT VIII. Providentiam divinam negat Epicurus. Christiani aliter loquuntur. Deus enim produxit hoc universum, Deus omnia conservat, & speciali curâ hominum tangitur : in illo sumus, vivimus atq; movemur. Aliena igitur sunt à pietate adversus Deum, quæ disputantur apud Ciceronem : *Beatam vitam in animi securitate, & in omnium vacatione munerum ponimus. Docuit enim nos idem, quæ cetera, naturâ effectum esse mundum : nihil opus fuisse fabricâ ; tamq; eam rem esse facilem, quam vos effici negetis sine divina posse solertia, ut innumerabiles natura mundos effectura sit, efficiat, effecerit.* Et quæ alia de vana atomorum cohæsione in hunc sensum sequuntur.

*Nat. Deor.
l. 1. c. 20.*

Animos porro nostros negat esse immortales ; quapropter mortem ad nos non spectare, quoniam morte omnia solvuntur. Hæc quoq; valde impia est sententia, & licet corpus fragile atq; caducum sit ; animus tamen, in quo Dei imago exhibetur, perpetuò durat.

CAPUT IX. Rectissimè vituperatur discordia tanquam pestis Reipublicæ, & societatis domesticæ. Si enim bene conveniunt inter se homines, operâ atq; auxiliò mutuò sibi succurrentes, certissima illis patet via perveniendi ad felicitatem, quam intendunt : si una pars huc, alia illuc trahitur, minimè intentum obtinetur. In perfectissima societate, quæ est Respublica, idem conspicitur. Hodie nihil metuendum esset ab externo hoste, Christianissimo Galliarum Rege, modò omnes Imperii Ordines cum Augustissimo Capite atq; invictissimo in terrarum orbe Principe LEOPOLDO sentirent, vires suas unirent, neq; alius neutras partes amplecteretur, alius hostis in gratiam hostilem caperet vim.

CAP.

CAPUT X. Ex amicitia maximæ proveniunt utilitates, res tuas per amicos commodè amplificare potes, honorem augere, & si aliquid tibi deest, amicus aut gratis dat, aut usum concedit. Qui destituitur amicis, ubi præsidium quæret, si adversa ingruunt, seque ipsum juvare non potest? Amicitia etiam ingentes parit jucunditates, & molesta esse videtur vita, quæ privata est fidei socii. Jam enim aliquid audire, jam discere cupis, jam tua arcana & occulta communicare. In amico te ipsum intueris, atque similitudo morum efficit illam jucunditatem. Sed fundamentum veræ amicitia ponendum est in honestate, quæ absente simulachra & imagines tantum amicitiarum reperientur. Honestas enim efficit amicitias, firmat, atque fidelem sociorum consuetudinem omnem dirigit. Postea excrescunt vel mille utilitates, subsequuntur jucunditates.

Hæc omnia uti cum mente Aristotelis conveniunt: ita dubitamus, an originem veræ amicitia rectè nominaverit voluptatem Epicurus. Sola enim virtus morumque similitudo ad amicitiam conciliandam idonea censetur. Si expetis amicitiam propter tuam voluptatem, tota amicitia quasi claudicare videtur. Boni viri sibi que similes se mutuo amant, non ob aliam causam, quam quia tales sunt. Sicuti autem ex virtute tanquam fonte & scaturigine voluptas fluit: ita amicitia in virtutis exercitio tanquam fundamento posita non potest non efficere voluptatem. Quapropter discrimen constituendum honestæ atque jucundæ amicitia: hæc nomen, non rem ipsam habet, ac jucunditatem sequitur.

Jam quod de multitudine amicorum notat Epicurus, vix in hominum societate obtinebit. Loquimur de perfecta amicitia, quæ multos admittere non potest.

*CAPUT I.**Ciceronis Laus.*

AD summos pervenire honores propriâ virtute, neqve gloriari de majorum nomine & splendore, magna atqve difficilis est ratio. Cicero novus homo in illa Rep. quæ vix alium, quàm ex nobilium gente amabat Consulem, Consul unâ voce ab universo populo Romano declaratus est. A primo tempore ætatis juri studuit, ut aliquando omnis juris atqve æquitatis vindex existeret. Probrosum est, atqve cum publicæ rei detrimento conjunctum, si Rempubl. gubernantes in explicandis civium juribus, in dirimendis litibus, in perspicienda æquitate, quâ nihil accommodatius est ad hominum societatem colendam, alios adhibent in sententiam, neque ipsi norunt, quid juri ac æquitati conveniens sit. Sicuti autem Magistratum decet facundia & sermonis elegantia: ita nemo dubitat, quin Consul hic princeps eloquentiæ jure optimo vocetur: omnem laudem Oratoris consecutus, de parvis submisit, de modicis temperat, de magnis graviter dixit, atqve orationem prout voluit, variare potuit. Laudatur Demosthenes tanquam magnus Orator, sed ille ex Oratorum scholis prodit: majore igitur laude dignus, qui in urbe Roma primus Orator appellatus, qui primus ad verum eloquentiæ studium suos excitavit. Ex ejus literarum monumentis adhuc hodie instruuntur Oratores, & multum profecisse æstimatur, cui Cicero placeret. Incidebat turbidus Romanæ rei status, quò, consilio nullò, aut operâ prodesse poterat; quid faciendum igitur tunc putabat? non desidia, quæ in tam divinum ingenium non ca-

dit,

dit, non præstitiæ, cui resistit sapiens, sed literis sese dedit. Otium præterea ad negotium contulit, dum tempus, quod ludis feriisque destinatum scribendò consumsit, ut ita non minis otii, quàm negotii rationem haberet: Ex quo factum, ut nemo Oratorum, neque Græcorum, neque Latinorum, tam multa scripserit, quàm hic noster. Singulare illud, quòd in Republ. gubernanda, tuenda, conservanda, non suæ prudentiæ confidit, sed DEUM immortalem in præsidium precibus invocat. Non itaq; à pietate Christiana alienum erit, his afflictis temporibus DEUM precari, ut tueatur adversus hostes sacrum Romanum Imperium, ut conservet sanctam Rempublicam, id est, Ecclesiam. Quanta autem merita transtuleri: Cicero in publicam salutem, vel ex hoc unico parebit, quòd ejus discessus funus Reipubl. dictum, ejus reditus omnium gratulationibus exceptus: Patriæ patrem esse oportet, quem hæc concomitatur infelicitas, vel felicitas.

CAPUT II.

Cicero Stoicis inhæret.

Tusc. Quest.
l. 4. c. 4.

Liberum se profitetur Philosophum Cicero, nulliqve certæ sectæ addictum: *Defendat quidem, quod quisq; sentit: sunt lenim judicia libera: nos institutum tenebimus; nullisq; unius discipline legibus adstricti, quibus in Philosophia necessario pareamus, quid sit in quaq; re maxime probabile.* Ad libertatem illam probandam facit illud, quòd se Panætium secutum esse, non interpretatum dicit. Qui enim rectè philosophari vult, non auctoritate niti debet, sed rationibus, suumqve adhibere judicium, ut, quæ vera, quæ falsa ab aliis dicta sunt, cognoscat. Sanè illud Pythagoreorum *αὐτὸς ἔφα* ex omnibus sapientiæ officinis à quolibet veritatis cultore exterminandum, profligandumqve est. Quare non audiendus *Ausidius*, ita Ciceronem alloquens: *Errare mehercule malocum Platone, quem tu, quantum facias, scio, & quem ex tuo ore admirror, quàm cum istis vera sentire.*

Tusc. Quest.
l. 1. c. 17.

sentire. Habet ille adhuc hodie sectatores suos, qui, nescio quò affectu, quà dulcedine animi alleciti, à præceptoris falsis sententis non recedunt, cogitationibus vim inferunt, eaque propugnant, quæ aliter esse, evidentibus argumentis demonstrari possunt. Et verò, si aliter sentiunt, aliter loquuntur, in majori sunt vitio, quòd destinatio animò & consiliò falsa pro veris iactitant. Sed dicamus, quod res est, nimis inhæret Stoicis Cicero, quod & ipse fateri cogitur, dum solam Stoicorum auctoritatem sufficere putat: *Hæc formula Stoicorum rationi* (loquitur de Offic. l. i. c. 5. honestò, quò honestum utile esse dicit, nec quidquam utile, quod non honestum) *disciplinaq; maximè consentanea, quam quidem propter eà sequimur.* Ino scripta omnia satis probant nostrum assertum:

Tres facit Philosophiæ partes. *Philosophia in tres partes est distributa, in naturæ obscuritatem, in differendi subtilitatem, in vitam atq; mores.* Per naturæ obscuritatem intelligit doctrinam Physicam, & sub eà omnem Philosophiam speculativam: per differendi subtilitatem Logicam, quæ acutè differere, discernere, dijudicare docet; per vitam atq; mores indigitat totam Philosophiam practicam, & in primis Ethicam, quæ nostram vitam rectè informat, nostros mores, ne extra honestatis limites evagentur. Quàm benè autem ad Philosophiam referatur Logica, aliò locò disputatur: est enim illa disciplina notionalis, modum ostendens circa res versandi, non realis, res ipsas tractans atq; explicans. Neq; Logica est habitus principalis, sed instrumentalis, subserviens superioribus disciplinis, hancq; ob unicam causam addiscitur. *Omior. lib. i. cap. 15.*

Virtutes quatuor statuit, prudentiam, iustitiam, fortitudinem, temperantiam. *Omne quod honestum est, id quatuor partium oritur ex aliqua: aut enim in perspicientia veri, solertiaq; versatur; aut in hominum societate tuenda, tribuendo suum cuiq;, & rerum contractarum fide; aut in animi excelsi atq; invicti magnitudine, ac robore; aut in omnium, quæ sunt, quæq; dicuntur,* *Offic. l. i. c. 5.*

Offic. l. 1. c. 43. ordine & modo, in quo incēst modestia, & temperantia. Et vicissim: Omnis honestas manat à partibus quatuor, quarum una sit cognitionis, altera communitalis, tertia magnanimitatis, quarta moderationis. Quæ verba à prioribus lucem accipiunt, ut per cognitionem intelligatur prudentia, per communitalis parte. n iustitia, per magnanimitatem fortitudo, & per moderationem temperantia. Hæ quatuor virtutes jam inde à tempore, D. Ambrosii & Hieronymi cardinales dici solitæ sunt, quòd his virtutibus veluti cardinibus reliquæ omnes fulciantur.

Offic. l. 1. c. 20. In sola honestate bonum collocat: Solum id, quod honestum sit, bonum iudices; & omni animi perturbatione liber sis; Nam & ea, quæ eximia plerisq; & præclara videntur, parva ducere; eaq; ratione stabili, firmaq; contemnere, fortis animi, magniq; ducendum est; & ea, quæ videntur acerba, quæ multa & varia in hominum vita, fortunæq; versantur, ita ferre, ut nihil à statu naturæ discedas, nihil à dignitate sapientis, robusti animi est, magnæq; constantia. Ubi & illud de statu naturæ Stoicè dicitur, quòd aliàs non unà loquendi formulà exprimitur: secundum naturam vivere, convenienter, congruenter naturæ vivere, naturam sequi, sibi constare, se DEO tradere, DEUM sequi. Neque minus illud, quòd de dignitate sapientis effertur, ad Stoicorum scholam revocandum est, de quo postea. Dum verò solum honestum bonum esse statuitur, porro alloquitur Filium Cicero: Ego à te postulo, mi Cicero, ut mihi concedas, si potes, nihil præter id, quòd honestum sit, esse propter se expetendum. Manavit hæc de honesto sententia à Socrate ad Stoicos, quòd

Offic. l. 3. c. 3. Cicero his verbis notum facit: Accepimus Socratem solitum execrari eos, qui primum hæc, naturæ coherentia, opinione distraxisserent. Cui quidem ita sunt Stoici assensu, ut etiam quicquid honestum esset, id utile esse censerent, nec utile quidquam, quòd non honestum. Et vicissim: rectè Socrates execrari eum solebat, qui primum utilitatem à naturæ se junxisset. Verum enim verò sanitatem nemo utilem esse negabit, quæ tamen honestorum bonorum censu non vaquit. Sic medicamentum utile est, & ad conservandam,

servandam, & restituendam sanitatem, honestatem tamen in se non continet. Quæ verò impulerit ratio, ut ita sentiretur, docet Stoicorum Coryphæus *Seneca*: *Nihil bonum nobis videtur, quò quis & malè uti possit. Nec nisi cum honestè administrata sunt, bona esse incipiunt.* Cur igitur tantas opes, tantas divitias habuit Seneca, si illæ nullam utilitatem præstant? Respondet ipsè pro se: *Non quia bona sunt, sed quia secundum naturam sunt, & quia bonò judiciò sumuntur. Quid erit in illis tunc bonum? hoc unum, bene eligi.* Non adhibebant distinctionem Stoici inter bonitatem inoralem & naturalem: illa solè homini, dum animæ rationalis capax est, competit: hæc & aliis rebus competit; quæ verò omni moralitate non destituuntur. Omnis enim actio præsupponit materiam, in qua versetur; quare homo, quando aliquid agit, habeat materiam necesse est, quam tractet: ita cibus, potus, divitiæ, sunt singularum virtutum objecta. Neque tunc sub aliâ notione hæc talia veniunt, quàm prout actioni substernuntur. Hoc unicè curat recta ratio, ut actiones nostras ita perficiat, ne vel excedendò, vel deficientiò honestatis limites egrediamur. Longè aliter Aristoteles sentit, qui in honestis actionibus quidem summum bonum collocat, sed plura etiam ad ejus complementum subsidia requirit, ut vel sint instrumenta, vel ornamenta. Concipe divitias, instrumentum habebis ad exercendam liberalitatem: siste tibi longævam vitam, habebis ornamentum summi boni. Hinc Cicero ait: *Aristoteles virtutis usum cum vitæ perfectâ prosperitate conjunxit.* Epist. 118.

Laudat sapientem, qui rectiùs magister populi, (is enim est dictator) quàm Sulla, qui trium pestiferorum vitiorum, luxuriæ, avaritiæ, crudelitatis magister fuit: rectiùs dives, quàm Crassus, qui, nisi eguisset, nunquàm Euphratem nullâ belli causâ transire voluisset. Rectè ejus omnia dicuntur, qui scit uti solus omnibus. Rectè etiam pulcher appellabitur; animi enim lincamenta sunt pulchriora, quàm corporis: rectè solus liber, nec dominationi cuiusquam parens, neq; obediens cupiditati; rectè invictus, cuius

etiamsi corpus constringatur, animo tamen vincula injici nulla possint. Scilicet ex Stoicorum sententia sapiens, prudens, ex morum præceptis omni virtute exornatus vir, instar Regis est, nemini subjectus, à publicis negotiis abstinens, pro sua voluntate vivens: quod si verò tali sapienti libertas denegari videtur, corporis, non animi imperium cessabit.

Hinc inde mentionem facit officii perfecti & medii; illud sapientis proprium esse, hoc in aliis quod; cadere, quos vulgus ex virtutis perfectæ ratione vivere putat, qui verò à virtute perfectâ multum absunt. Hæc divisio certò modò cū Aristotelica comparari potest, quâ aliæ virtutes perfectæ, aliæ imperfectæ ponuntur.

Offic. l. i. c. 31. Scipsum interimere non in vitio ponit, inprimis si vitæ constantia accedit, qualem constantiam deprædicat in Catone, mortem sibi accersente. Sed jus divinum, atque jus naturæ aliud probant. DEUS enim dixit: non occide, & natura dictitat: teipsum conserva. Hinc Magistratus civilis vitam nulli adimere potest, nisi propter delictum, ut ajunt, capitale. Neque facienda mala, ut inde eveniant bona. Malè igitur egere hoc seculò nostrò virgines Magdeburgicæ, in Albim profilientes, ne in hostium venirent potestatem, decusque virginittatis amitterent. De melancholicis autem, qui seipsum interimunt, aliter sentiendum, neque enim damnandi sunt illi, neque honestà sepultura privandi, inprimis, si benè antea vixerint.

Epist. famil. l. 6. ep. 4. Orat. pro Milon. c. 23. Cum Stoicorum principiis conveniens est, quando dicit: *Conscientiam rectæ voluntatis, maximam consolationem esse rerum incommodarum; nec esse ullum magnum malum præter culpam.* Cum quo consentit illud: *Magna vis est conscientie, & magna in utramque partem: ut neque timeant, qui nihil commiserint, & pœnam semper ante oculos versari putent, qui peccarint.* Conscientia bona semper tranquillum animum facit; mala turbidum: delectari atque gaudere hominem honestis actionibus, & laudabili proposito videmus, agitari contra & perterrerì suò quemque scelere, suis malis cogitationibus:

SUA

*Sua quemq; frans , & suus terror maxime vexat, suum quemq; Orat. pro S.
 scelus agitat, amenciamq; afficit : sua mala cogitationes , conscien- Rost. c. 24,
 tiamq; animi terrent , hæc sunt impiis assidue , domesticæq; furia.
 Loquitur hæc talia ethnicus , quæ Christiani ore nullatenus in-
 digna sunt.*

*In doctrina de affectibus paria cum Stoicis facit : Utamur, Tusc. Quest.
 inqviens, in his perturbationibus describendis , Stoicorum defini- lib. 4. cap. 6.
 tionibus , & partitionibus : qui mihi videntur versari acutissime.
 Sed quomodo acutè versari possunt in describendis, defini-
 endisq; affectibus, dum illis mediocritatem denegant ? Hinc Stoi-
 corum princeps Seneca : Utrum satius sit , modicos habere affe- Ep. 116.
 ctus, an nullos, sæpe quesitum est. Nostri illos expellunt. Affectus
 quidem sæpe renuunt moderari : dum enim recta ratio persua-
 dendò ad honesta invitat, imperium istud civile excutere nitun-
 tur affectus. Dum etiam sibi proponunt aliquòd jucundum, ab
 eodem sese non patiuntur abduci : hinc & abludivit ab honesta-
 te. Sed licet anima sensitiva rapiat affectus ; nihilominus ta-
 men rectæ rationis iudiciò temperari possunt. Hic enim atten-
 ditur primò pugna, quæ est inter rationem & affectum : ratio ho-
 nestò atqve pulchrò ; affectus inhonestò atqve turpi capitur.
 Deinde occurrit victoria , palmam tenet practicus intellectus.
 Denique datur obsequium, affectus practici intellectus iudicio
 sese submittit. Et nonne in Deum iniqui sunt Stoici, qui motus
 atq; stimulos animo humano à natura impressos tollunt ? Certè
 ipse DEus uti peccatis nostris irasci : ita quoque gaudere conver-
 sione hominum ad salutem dicitur. Quare hic loci non intel-
 liguntur illi affectus, qui nullum medium admittunt, ipsoq; no-
 mine pravitatem involvunt. Porro quomodo in partiendis
 affectibus acutè versari possunt Stoici, dum ejusmodi subtilita-
 tes sectantur, tot divisiones apprehendunt, quæ omnem doctri-
 nam confundunt ? Testis est ipse Cicero : Hoc inqviens locò nimi-
 um operta consumitur à Stoicis, maxime à Chrysippo, dum morbis
 corporum comparatur morborum animi similitudo. Neque verò*

Cicero

Cicero

Cicero nimium omisit studium in dividendis subdividendisque affectibus, prout lectori patebit ex libris ad hanc Philosophiam spectantibus.

Acad. Quæst.
l. 1. c. 7.

Cum Stoicis eadem sensit de fato: *DEum appellant, omniumq; rerum, quæ sunt ei subjectæ, quasi prudentiam quandam, procurantem cælestia maximè; deinde in terris ea, quæ pertinent ad homines: quam interdum necessitatem appellant, quia nihil aliter possit, atq; ab ea constitutum sit, interdum quasi fatalem, & immutabilem continuationem ordinis sempiterni.* Vana est hæc Philosophia: utitur enim homo libera agendi facultate, quæ & ad virtutes, & ad vitia aptus est. Si itaq; honestati studes, consequeris summum bonum, si turpitudini deditus es, in miseriam prolaberis. Ex tua itaq; voluntate aut beatus, aut miser es.

Offic. l. 1. c. 27.

Cum Stoicis peccatis æqualitatem inesse statuit. *Falli, errare, labi, decipi, tam dedecet, quam delirare & mente captum esse.* Sed satis manifestum est, majus dedecus esse infamiam,

Offic. l. 1. c. 7.

quam qualemcunque errorem. Sic quando dicit: *Qui non defendit, nec obstitit, si potest, injuria, tam est in vitio, quam si parentes, aut amicos, aut patriam deserat,* paritatem peccatorum iterum probare nititur. Neque tamen ad eadem omnibus officia præstanda obligati sumus: non igitur æquales erunt injuriæ; civi magis obligatus es, quam peregrino; majorem injuriam facis, si parentes, quam amicum deferas, & dum patria omnes caritates, omnes necessitudines complectitur, in maximò erit vitio, qui contra illius salutem agit. Neglexere Stoici circumstantias in magnitudine delicti perpendendas; hinc non aliter potuere pronunciare. Falsum enim est, quod dicitur: *Quam longè progrediare, cum semel transferis, ad augendam transeundi culpam, nihil pertinet.* Sunt gradus vitiorum, dantur imperfecta vitia, dantur communia, occurrunt, quæ longissimè ab omni humanitate remota sunt. Quia verò in Moralibus ex circumstantiis judicium ferendum, illud cum veritate non stabit: *Æquè peccare se, si privatis, ac si Magistratibus manus adferant.* Nam in

Parad. 3. c. 1.

Parad. 3. c. a.

Magistratibus manus adferant. Nam in Magi-

Magistratus vita violanda, violatur, qui ob singulares virtutes eminet, is qui Reipubl. negotia curat, is à quo civium dependet salus, is qui majore cultu, honore, atque reverentiâ afficiendus, quàm genitor. Multitudine peccatorum præstat, eoque pœnâ majore dignus est. In hac verò sententia dubius est Cicero: *Quia multum ab humanitate discrepant, ut si quis in foro cantet, aut si quæ est alia magna perversitas, facile apparent, nec magnoperè admonitionem, & præcepta desiderant; quæ autem parva videntur esse delicta, neque à multis intelligi possunt, ab his est diligentius declinandum.* Verba satis apertè discrimen constituunt inter magna atque parva delicta seu peccata; illa à quovis intelligi, hæc nonnisi à prudente dijudicari posse. Ceterum de honestis moribus loquitur Cicero, qui neminem in foro cantare putat. Hodie in Academis, omnis probitatis, omnis honestatis officinis, ex vitio seculi perversos vides, qui cantus, boatus atque mugitus haud absumiles, emittunt. Ad imparitatem & inæqualitatem peccatorum probandam facit illud: *Si is, qui non defendit injuriam, neque propulsa à suis, cum potest, injustè facit, qualis habendus est is, qui non modò non repellit, sed etiam adjuvat injuriam.* Progreditur, uti in scholis loquimur, à minori ad majus: injuriam non arcere, ubi poteras & debebas, minus est flagitium, quàm injuriam ab aliis illatam fulcire, & suâ operâ adjuvare.

Offic. l. i. c. 39

Offic. l. 3. c. 17

De morte nostra, & de providentia divina prorsus præclara habet Cicero: *Si quid tale acciderit, ut à DEO denuntiatum videatur, ut excamur è vita, lati, & agentes gratias pareamus, emittiq; nos è custodia, & levari vinculis arbitremur, ut aut in æternam & planè in nostram domum remigremus, aut omni consuetudine carcamus: sin autem nihil denuntiabitur, cò tamen finis animò, ut horribilem illum diem aliis, nobis faustum putemus, nilq; in malis ducamus, quod sit vel à Diis immortalibus, vel à natura parente omnium consilientum.* Senecæ scripta, & imprimis ejus epistolæ, si quis evolverit, plura in hunc sensum dicta

Tusc. 26.
cap. 49.

K reperiet:

reperiet : quæ verò à mente Christiani aliena non sunt ; S' DEUS aliquem evocaverit obitu ex his miseriarum turbis , cur non sponte ad cœlestia , ad æterna gaudia veniret : non ibi premitur vitiosis corporis affectibus , sed in DEO , ubi suum receptaculum habet , ab omni labe purus suum gaudium quærit. Hunc diem , quò relinqvendus mundus , impiis , vitam suam omni turpitudine atque flagitio contaminantibus , mœrorem & tristitiam afferre novit ; sibi ex morum rectitudine , honestate , & virtute viventi , tanquam pio , immensum expectandum esse gaudium atque lætitiā. Certus etiam est , quæ sibi DEO , & naturâ jubente , eveniant , non in malorum , sed bonorum numerò reponenda esse. Sive igitur mors certis signis antè denunciata sit , sive obrepat , ultimumque vitæ halitum inopinato auferat , ingrata esse nullò modò potest.

CAPUT III. De Prudentia.

Tus 7. Questionis 1. 2.
c. 13.

ORdine agendum de virtutibus est , occurrit primò Prudentia dirigens omnes virtutes , atque est principium honestarum actionum : nam *sine prudentia ne intelligi quidem ulla virtus potest.*

Consol.

Hæc uti rectè sese habent : ita inconvenienter prudentia numeratur inter virtutes Morales , cum sit intellectualis habitus.

Senilis ætatis propriam facit prudentiam , quoniam constat multarum rerum usu , qui in juvenilem ætatem cadere nequit. Hinc fit , ut suâ prudentiâ ubique emineant Heroes senes & in pace , & in bello. Respice Augustam Imperatoris aulam , respice Principum Consiliarios , atque Administros. Natura ita hominibus consulere voluit , ut , quam defectionem virium in corpore efficeret , in animo restitueret.

Offic. l. 1. c. 6.

Tam latè extendit vocem prudentiæ , ut non omnem tractet Philosophiam solùm , sed etiam omnium rerum cognitionem :

nem : ad prudentiam enim refert Astrologiam , Geometriam ,
Dialecticam , jus Civile.

Longè aliter nostrates , qvî prudentiam tam propriam judi-
cant esse Philosophiæ practicæ , ut planè cum theoretica con-
venire non possit. Annon verò prudentia est habitus intelle-
ctûs , cogitationem motumqve animi respiciens ? Hoc quidem
verum , sed habitus intellectûs integer servatur , etiamsi cum
actione jungatur. Non enim prudentiæ , ratione subjecti ,
cui inhæret , actio competit , sed ratione objecti , atqve finis , qvî
non nisi agendò acquiritur. Quid judicandum de Dialectica ,
& qvomodo illa pars prudentiæ minimè constituenda sit , per
se patet. An enim si syllogismos conficis , si adversarium falla-
cibus argumentis circumvenis , vel ipse fallacias & fraudes ad-
versariorum animadvertis , honestatem in rebus agendis obser-
vabis : Ni fallimur , optimus Logicus sine prudentia nomen
suum tuebitur. Jus autem civile , si ad Philosophiam practi-
cam pertinet , est pars doctrinæ Politicæ , non Moralis.

CAPUT IV.

De Fortitudine.

Fortitudo alia est togata , alia sagata : illa pacis ; hæc belli
tempore obtinet. Qvòd si qværas , qvænam præferenda
sit , utiqve urbanis , non bellicis rebus debetur laus. *Offic. l. 1. c. 22.*

Sed ex suprâ dictis de Aristotelis Philosophia Morali con-
stare potest , qvòd fortitudo illa , qvo vocatur togata , propriò
sensu talis non sit : ubi enim nullum adest vitæ periculum , ibi
fortitudo poni non potest.

Solius honestatis causâ vir fortis pericula subit , non com-
modo utilitatiqve inservit. Hoc est , quando ait : *Gratissima* *Onst. l. 2*
laus eorum factorum habetur , qvæ suscepta videntur à viris forti- *cap. 85.*
bus sine involumento ac præmio.

Plerumqve hodie fieri solet , ut parùm curet miles causam
belli , an justâ , an injustâ sit , sed pro opinione sua , qvâ ex licentia
vivere , qvâ prædam facere cogitat , sub hoc vel illo Duce militat.

Offic. l. i. c. 31.

Fortitudini annectit gloriæ contemptum, quia nihil in bonis ducendum, quod non honestum.

Hic ex sua mente philosophatur Cicero; bene autem insequentibus colligit, illud genus hominum valde fructuosum esse, quod ad Rempublicam sese accommodat, neque illum, qui instructus à natura est ad Remp. administrandam, rectè facere, si fugiat munus, quoniam publica salus exposcit rerum administratores. Imo potest aliquis cogi ad munus suscipiendum. Sit Miltiades fortissimus Heros, hoste externò turbetur Resp. atque destituatur Duce ad regendum militem, nemo dicet, Miltiadi munus assignatum defugere licere. Rectoris munus in Academiis splendidum atque magnificum est, si quilibet Dominorum Professorum, quod vel timendi labores, vel metuenda animorum offensio, illud detrectare velit, non subsistet salus publica: tali casu iusta excusationis causa adfit oportet, ut aliquis valetudinis imbecillitate, aut aliquà graviore causà impediatur ab administratione, cum fasces atque dignitasque concedenda.

CAPUT V.

De Temperantia.

Fin. l. 4. c. 37.

Proprium temperantiæ munus vult esse, ut in prætermittendis voluptatibus cernatur: Rectè: non enim facile metuendum, ne aliquis in appetendis voluptatibus deficiat: ergo voluptates Veneris, voluptatem in edendo atque bibendo non æstimabis.

Offic. l. i. c. 30.

In temperantia colenda hoc suppeditat præceptum, ut homo cogitet, quantum bruto antecedit, & quam turpe sit diffuere luxuriâ. Vituperant exteri Germanos, quod præter modum capiantur potandi libidine. Certè hoc vitium undique grassatur, atque contagione veluti à summis viris ad plebejum hominum genus venit. Nonne in aulis Principum laudatur strenuum

num

num illud potare, quando unò haustu tantum vel vini, vel cerevisiæ bibitur, quantum amphoræ implendæ sufficiat? Nonne sunt, qui edendò, bibendò suum agunt munus, & magnâ dignitate (si dignitas dicenda, quæ vitio debetur) fruuntur? Sed quod valde dolendum, inficiuntur hòc vitio subditi, ebriosi vociferationibus ubiqve utentes. Illud genus hominum non re, sed nomine sunt homines, cum illa nobilissima particula, ratio nimirum destruat.

CAPUT VI. De Justitia.

Justitia proficiscitur à jure: jus autem triplex constituitur, ut aliud sit jus naturæ, aliud consuetudinis, aliud civile: Sed juvat adscribere verba Ciceronis: *Ejus (justitiæ) initium est ab natura profectum: deinde quedam in consuetudinem ex cap 53. conf. utilitatis ratione venerunt: postea res est ab natura profectas, & ab consuetudine probatas, legum metus est religio sanxit.*

Juris naturæ exempla clarissima sunt, DEum cole, parentibus debitum præsta officium, erga amicos, & quos sanguine junctos habes, liberalem te præbe, injuriam, quæ aliis infertur, propulsa, superiores cultu & honore dignare. Hæc talia non opinio, sed natura ipsa inseruit.

Consuetudinis jus à natura initium petit, usu autem augeatur, homines etiam sæpius quædam in mores inducunt, ut sola consuetudo rem approbare videatur. Illud jus pro varietate locorum variat, indeqve ipsum varium est. Consuetudinis exempla sunt, quòd post mortem patris hic dimidia, alibi tertia pars bonorum matri adscribatur, quòd hic Doctor ex suo nomine magnam prærogativam obtineat, alibi non. Hæc ex hominum more æstimari, quis non videt?

Juris civilis formam exhibet Imperator Justinianus, novis autem constitutionibus multa inducuntur, & sunt, qui juris civilis

Offic. l. i. c. 43.

ordine & modo, in quo inest modestia, & temperantia. Et vicissim: Omnis honestas manat à partibus quatuor, quarum una sit cognitionis, altera communitalis, tertia magnanimitatis, quarta moderationis. Quæ verba à prioribus lucem accipiunt, ut per cognitionem intelligatur prudentia, per communitalis parte in justitia, per magnanimitatem fortitudo, & per moderationem temperantia. Hæ quatuor virtutes jam inde à tempore D. Ambrosii & Hieronymi cardinales dici solitæ sunt, quòd his virtutibus veluti cardinibus reliquæ omnes fulciantur.

Offic. l. i. c. 20.

In sola honestate bonum collocat: *Solum id, quod honestum sit, bonum judices; & omni animi perturbatione liber sis; Nam & ea, quæ eximia plerisque, & præclara videntur, parva ducere; eaq; ratione stabili, firmaq; contemnere, fortis animi, magniq; ducendum est; & ea, quæ videntur acerba, quæ multa & varia in hominum vita, fortunæq; versantur, ita ferre, ut nihil à statu naturæ discedas, nihil à dignitate sapientis, robusti animi est, magnq; constantia.* Ubi & illud de statu naturæ Stoicè dicitur, quod aliàs non unà loquendr formulà exprimitur: secundum naturam vivere, convenienter, congruenter naturæ vivere, naturam sequi, sibi constare, se DEO tradere, DEUM sequi. Neq; minus illud, quod de dignitate sapientis effertur, ad Stoicorum scholam revocandum est, de quo postea. Dum verò solum honestum bonum esse statuitur, porrò alloquitur Filium Cicero: *Ego à te postulo, mi Cicero, ut mihi concedas, si potes, nihil præter id, quod honestum sit, esse propter se expetendum.* Manavit hæc de honesto sententia à Socrate ad Stoicos, quod

Offic. l. 3. c. 7.

Cicero his verbis notum facit: *Accepimus Socratem solitum execrari eos, qui primum hæc, naturæ coherentia, opinione distraxissent. Cui quidem ita sunt Stoici assensi, ut etiam quicquid honestum esset, id utile esse censuerent, nec utile quidquam, quod non honestum.* Et vicissim: rectè Socrates execrari eum solebat, qui primum utilitatem à naturæ sejunxisset. Verum enim verò sanitatem nemo utilem esse negabit, quæ tamen honestorum bonorum censu non reperit. Sic medicamentum utile est, & ad conservandam,

Offic. l. 3. c. 3.

Leg. l. 1. c. 12.

servandam, & restituendam sanitatem, honestatem tamen in se non continet. Quæ verò impulerit ratio, ut ita sentiretur, docet Stoicorum Coryphæus Seneca: *Nihil bonum nobis videtur, quò quis & malè uti possit. Nec nisi cum honestè administrata sunt, bona esse incipiunt.* Cur igitur tantas opes, tantas divitias habuit Seneca, si illæ nullam utilitatem præstant? Respondet ipse pro se: *Non quia bona sunt, sed quia secundum naturam sunt, & quia bonò judiciò sumuntur. Quod erit in illis tunc bonum? hoc unum, bene eligi.* Non adhibebant distinctionem Stoici inter bonitatem moralem & naturalem: illa soli homini, dum animæ rationalis capax est, competit: hæc & aliis rebus competit; quæ verò omni moralitate non destituuntur. Omnis enim actio præsupponit materiam, in qua versetur; quare homo, quando aliquid agit, habeat materiam necesse est, quam tractet: ita cibus, potus, divitiæ, sunt singularum virtutum objecta. Neque tunc sub alia notione hæc talia veniunt, quàm prout actioni substernuntur. Hoc unicè curat recta ratio, ut actiones nostras ita perficiat, ne vel excedendò, vel deficientiò honestatis limites egrediamur. Longè aliter Aristoteles sentit, qui in honestis actionibus quidem summum bonum collocat, sed plura, etiam ad ejus complementum subsidia requirit, ut vel sint instrumenta, vel ornamenta. Concipe divitias, instrumentum habebis ad exercendam liberalitatem: siste tibi longævam vitam, habebis ornamentum summi boni. Hinc Cicero ait: *Aristoteles virtutis usum cum vitæ perfectæ prosperitate conjunxit.*

Epist. 118.

Epist. 92.

Fin. l. 2. c. 6.

Fin. l. 3. c. 22.

Laudat sapientem, qui rectius magister populi, (is enim est dictator) quàm Sulla, qui triumphiferorum vitiorum, luxuriae, avaritiæ, crudelitatis magister fuit: rectius dives, quàm Crassus, qui, nisi eguisset, nunquàm Euphratem nullâ belli causâ transire voluisset. Rectè ejus omnia dicentur, qui scit uti solus omnibus. Rectè etiam pulcher appellabitur; animi enim lineamenta sunt pulchriora, quàm corporis: rectè solus liber, nec dominationi cuiusquam parens, neque obediens cupiditati; rectè invictus, cuius

etiamsi corpus constringatur, animo tamen vincula injici nulla possint. Scilicet ex Stoicorum sententia sapiens, prudens, ex morum præceptis omni virtute exornatus vir, instar Regis est, nemini subiectus, à publicis negotiis abstinens, pro sua voluntate vivens: quod si verò tali sapienti libertas denegari videtur, corporis, non animi imperium cessabit.

Hinc inde mentionem facit officii perfecti & medii; illud sapientis proprium esse, hoc in alios quoque cadere, quos vulgus ex virtutis perfectæ ratione vivere putat, qui verò à virtute perfectâ multum absunt. Hæc divisio certò modò cū Aristotelica comparari potest, quâ aliæ virtutes perfectæ, aliæ imperfectæ ponuntur.

Seipsum interimere non in vicio ponit, inprimis si vitæ constantia accedit, qualem constantiam deprædicat in Catone, mortem sibi accersente. Sed jus divinum, atque jus naturæ aliud probant. DEUS enim dixit: non occide, & natura dictitat: teipsum conserva. Hinc Magistratus civilis vitam nulli adimere potest, nisi propter delictum, ut ajunt, capitale. Neque faciendâ mala, ut inde eveniant bona. Malè igitur egere hoc seculò nostro virgines Magdeburgicæ, in Albim profilientes, ne in hostium venirent potestatem, decusque virginitatis amitterent. De melancholicis autem, qui seipsos interimunt, aliter sentiendum, neque enim damnandi sunt illi, neque honestâ sepulturâ privandi, inprimis, si benè antea vixerint.

Cum Stoicorum principiis conveniens est, quando dicit: *Epist. famil. l. 6. ep. 4. Offic. pro doli. l. 6. §. 23.* *Conscientiam rectæ voluntatis, maximam consolationem esse rerum incommodarum; nec esse ullum magnum malum præter culpam.* Cum quo consentit illud: *Magna vis est conscientia, & magna in utramque partem: ut neque timeant, qui nihil commiserint, & pœnam semper ante oculos versari putent, qui peccarint.* Conscientia bona semper tranquillum animum facit; mala turbidum: delectari atque gaudere hominem honestis actionibus, & laudabili proposito videmus, agitari contra & perterrerî suò, quemque scelere, suis malis cogitationibus:

Sua.

Sua quævis, fraud, & suus terror maximè vexat, suum quævis, Orat. pro S. scelus agitat, amentiaq; afficit: sua mala cogitationes, conscien- Rose. c. 24, tiaq; animi terrent, hæ sunt impiis assidue, domesticaq; furia. Loquitur hæc talia ethnicus, quæ Christiani ore nullatenus indigna sunt.

In doctrina de affectibus paria cum Stoicis facit: *Utamur, Tusc. Quest. inqviens, in his perturbationibus describendis; Stoicorum defini- lib. 4. cap. 6, tionibus, & partitionibus: qui mihi videntur versari acutissimè.* Sed quomodo acutè versari possunt in describendis, definiendisq; affectibus, dum illis mediocritatem denegant? Hinc Stoicorum princeps *Seneca: Utrum satius sit, modicos habere affectus, an nullos, sæpe quesitum est. Nostri illos expellunt.* Affectus quidem sæpe renuunt moderari: dum enim recta ratio persuadendò ad honesta invitat, imperium istud civile excutere nituntur affectus. Dum etiam sibi proponunt aliquòd jucundum, ab eodem sese non patiuntur abduci: hinc & abludivit ab honestate. Sed licet anima sensitiva rapiat affectus; nihilominus tamen rectæ rationis iudiciò temperari possunt. Hic enim attenditur primò pugna, quæ est inter rationem & affectum: ratio honestò atqve pulchrò; affectus inhonestò atqve turpi capitur. Deinde occurrit victoria, palmam tenet practicus intellectus. Denique datur obsequium, affectus practici intellectus iudicio sese submittit. Et nonne in Deum iniqui sunt Stoici, qui motus atq; stimulos animo humano à natura impressos tollunt? Certè ipse DEus uti peccatis nostris irasci: ita quoque gaudere conversione hominum ad salutem dicitur. Quare hic loci non intelliguntur illi affectus, qui nullum medium admittunt, ipsoq; nomine pravitatem involvunt. Porro quomodo in partiendis affectibus acutè versari possunt Stoici, dum ejusmodi subtilitates sectantur, tot divisiones apprehendunt, quæ omnem doctrinam confundunt? Testis est ipse *Cicero: Hoc inqviens locò nimium opera consumitur à Stoicis, maximè à Chrysippo, dum morbis corporum comparatur morborum animi similitudo. Neque verò Cicero*

Ep. 116.

Tusc. Quest. lib. 4. 10.

Cicero nimium omisit studium in dividendis subdividendisqve affectibus, prout lectori patebit ex libris ad hanc Philosophiam spectantibus.

Acad. Quest.
l. 1. c. 7.

Cum Stoicis eadem sensit de fato: *DEum appellant, omniumq; rerum, quæ sunt ei subjectæ, quasi prudentiam quandam, procurantem cælestia maximè; deinde in terris ea, quæ pertinent ad homines: quam interdum necessitatem appellant, quia nihil aliter possit, atq; ab ea constitutum sit, interdum quasi fatalem, & immutabilem continuationem ordinis sempiterni.* Vana est hæc Philosophia: utitur enim homo libera agendi facultate, quâ & ad virtutes, & ad vitia aptus est. Si itaq; honestati studes, consequeris summum bonum, si turpitudini deditus es, in miseriam prolaberis. Ex tua itaq; voluntate aut beatus, aut miser es.

Offic. l. 1. c. 27.

Cum Stoicis peccatis æqualitatem inesse statuit. *Falli, errare, labi, decipi, tam dedecet, quàm delirare & mente captum esse.* Sed satis manifestum est, majus dedecus esse infamiam,

Offic. l. 1. c. 7.

quàm qualem cunqve errorem. Sic quando dicit: *Qui non defendit, nec obsistit, si potest, injuria, tam est in vitio, quàm si parentes, aut amicos, aut patriam deserat, paritatem peccatorum iterum, probare nititur.* Neque tamen ad eadem omnibus officia præstanda obligati sumus: non igitur æquales erunt injuriæ; civi magis obligatus es, quàm peregrino; majorem injuriam facis, si parentes, quàm amicum deferas, & dum patria omnes caritates, omnes necessitudines complectitur, in maximò erit vitio, qui contra illius salutem agit. Neglexere Stoici circumstantias in magnitudine delicti perpendendas; hinc non aliter potuere pronunciare. Falsum enim est, quod dicitur: *Quàm longè progrediare, cum semel transferis, ad augendam transeundi culpam, nihil pertinet.* Sunt gradus vitiorum, dantur imperfecta vitia, dantur communia, occurrunt, quæ longissimè ab omni humanitate remota sunt. Quia verò in Moralibus ex circumstantiis judicium ferendum, illud cum veritate non stabit: *Æquè peccare se, si privatis, ac si Magistratibus manus adferant.* Nam in

Parad. 3. c. 1.

Parad. 3. c. 2.

Magistratus vita violanda, violatur, qui ob singulares virtutes eminet, is qui Reipubl. negotia curat, is à quo civium dependet salus, is qui majore cultu, honore, atque reverentia afficiendus, quam genitor. Multitudine peccatorum præstat, eoque poenâ majore dignus est. In hac verò sententia dubius est Cicero: *Quæ multum ab humanitate discrepant, ut si quis in foro cantet, aut si quæ est alia magna perversitas, facile apparent, nec magnopere admonitionem, & præcepta desiderant; quæ autem, parva videntur esse delicta, neque à multis intelligi possunt, ab his est diligentius declinandum.* Verba satis aperte discrimen constituunt inter magna atque parva delicta seu peccata; illa à quo-vis intelligi, hæc non nisi à prudente dijudicari posse. Cæterum de honestis moribus loquitur Cicero, qui neminem in foro cantare putat. Hodie in Academiis, omnis probitatis, omnis honestatis officinis, ex vitio seculi perversos vides, qui cantus, boatibus atque mugitibus haud absimiles, emittunt. Ad imparitatem & inæqualitatem peccatorum probandam facit illud: *Si is, qui non defendit injuriam, neque propulsat à suis, cum potest, injustè facit, qualis habendus est is, qui non modo non repellit, sed etiam adjuvat injuriam.* Progreditur, uti in scholis loquimur, à minori ad majus: injuriam non arcere, ubi poteras & debebas, minus est flagitium, quam injuriam ab aliis illatam fulcire, & suâ operâ adjuvare.

Offic. l. i. c. 9.

Offic. l. 3. c. 1.

De morte nostra, & de providentia divina prorsus præclara habet Cicero: *Si quid tale acciderit, ut à DEO denuntiatur, videatur, ut exeamus è vita, lati, & agentes gratias pareamus, emittique nos è custodia, & levare vinculis arbitremur, ut aut in æternam & planè in nostram domum remigremus, aut omni sensu molestique carcamus: sin autem nihil denuntiabitur, cò tamen finis animò, ut horribilem illum diem aliis, nobis faustum putemus, nilque in malis ducamus, quod sit vel à Diis immortalibus, vel à natura parente omnium constitutum.* Senecæ scripta, & imprimis ejus epistolæ, si quis evolverit, plura in hunc sensum dicta

Tusc. Quæst. cap. 49.

K reperiet:

reperiet : quæ verò à mente Christiani aliena non sunt ; S. DEUS aliquem evocaverit obitu ex his miseriarum turbis , cur non sponte ad cœlestia , ad æterna gaudia veniret : non ibi premitur vitiosis corporis affectibus, sed in DEO, ubi suum receptaculum habet, ab omni labe purus suum gaudium quærit. Hunc diem, quò relinqvendus mundus, impiis, vitam suam omni turpitudine atqve flagitio contaminantibus , mœrorem & tristitiam asferre novit; sibi ex morum rectitudine, honestate, & virtute viventi, tanquam pio, immensum expectandum esse gaudium atqve lætitiâ. Certus etiam est, quæ sibi DEO, & naturâ jubente, eveniant, non in malorum, sed bonorum numero reponenda esse. Sive igitur mors certis signis antè denunciata sit, sive obrepat, ultimumqve vitæ halitum inopinato auferat, ingrata esse nullò modò potest.

CAPUT III. De Prudentia.

T4. 2. 2. 2.
c. 13.

ORdine agendum de virtutibus est, occurrit primò Prudentia dirigens omnes virtutes, atqve est principium honestarum actionum: nam *sine prudentia ne intelligi quidem ulla virtus potest.*

Consol.

Hæc uti rectè sese habent : ita inconvenienter prudentia numeratur inter virtutes Morales, cum sit intellectualis habitus. Senilis ætatis propriam facit prudentiam, quoniam constat multarum rerum usu, qui in juvenilem ætatem cadere nequit. Hinc fit, ut suâ prudentiâ ubiqve emineant Heroes senes & in pace, & in bello. Respice Augustam Imperatoris aulam, respice Principum Consiliarios, atqve Administros. Natura ita hominibus consulere voluit, ut, quam defectionem virium in corpore efficeret, in animo restitueret.

Offic. l. 1. c. 6.

Tam latè extendit vocem prudentiæ, ut non omnem tractet Philosophiam solùm, sed etiam omnium rerum cognitionem:

nem : ad prudentiam enim refert Astrologiam , Geometriam , Dialecticam , jus Civile.

Longè aliter nostrates , qvi prudentiam tam propriam judicant esse Philosophiæ practicæ , ut planè cum theoretica convenire non possit. Annon verò prudentia est habitus intellectus , cogitationem morumqve animi respiciens ? Hoc quidem verum , sed habitus intellectus integer servatur , etiamsi cum actione jungatur. Non enim prudentiæ , ratione subjecti , cui inhæret , actio competit , sed ratione objecti , atqve finis , qvi non nisi agendò acquiritur. Quid judicandum de Dialectica , & qvomodo illa pars prudentiæ minimè constituenda sit , per se patet. An enim si syllogismos conficis , si adversarium fallacibus argumentis circumvenis , vel ipse fallacias & fraudes adversariorum animadvertis , honestatem in rebus agendis observabis : Ni fallimur , optimus Logicus sine prudentia nomen suum tuebitur. Jus autem civile , si ad Philosophiam practicam pertinet , est pars doctrinæ Politicæ , non Moralis.

CAPUT IV.

De Fortitudine.

Fortitudo alia est togata , alia sagata : illa pacis ; hæc belli tempore obtinet. Qvòd si qværas , qvænam præferenda sit , utiqve urbanis , non bellicis rebus debetur laus. *Offic. l. 1. c. 22.*

Sed ex suprâ dictis de Aristotelis Philosophia Morali constare potest , qvòd fortitudo illa , qvo vocatur togata , proprio sensu talis non sit : ubi enim nullum adest vitæ periculum , ibi fortitudo poni non potest.

Solius honestatis causâ vir fortis pericula subit , non commodo utilitatiqve inservit. Hoc est , quando ait : *Gratissima laus eorum factorum habetur , qvæ suscepta videntur à viris fortibus sine enolumento .æc premio.* *Onustor. l. 2 cap. 85.*

Plerumqve hodie fieri solet , ut parùm curet miles causam belli , an justa , an injusta sit , sed pro opinione sua , qvâ ex licentia vivere , qvâ prædam facere cogitat , sub hoc vel illo Duce militat.

K 2

Fortitu-

num illud potare, quando unò haustu tantum vel vini, vel cerevisiæ bibitur, quantum amphoræ implenda sufficiat? Nonne sunt, qui edendò, bibendò suum agunt munus, & magnà dignitate (si dignitas dicenda, quæ vitio debetur) fruuntur? Sed quod valde dolendum, inficiuntur hòc vitio subditi, ebriosi vociferationibus ubiqve utentes. Illud genus hominum non re, sed nomine sunt homines, cum illa nobilissima particula, ratio nimirum destruat.

CAPUT VI. De Justitia.

Justitia proficiscitur à jure: jus autem triplex constituitur, ut aliud sit jus naturæ, aliud consuetudinis, aliud civile: Sed juvat adscribere verba Ciceronis: *Ejus (justitiæ) initium est ab natura profectum: deinde quædam in consuetudinem ex utilitatis ratione venerunt: postea res & ab natura profectas, & ab consuetudine probatas, legum metus & religio sanxit.* *Invent. l. 2. cap 53. conf. c. 22.*

Juris naturæ exempla clarissima sunt, DEum cole, parentibus debitum præsta officium, erga amicos, & quos sanguine junctos habes, liberalem te præbe, injuriam, quæ aliis infertur, propulsa, superiores cultu & honore dignare. Hæc talia non opinio, sed natura ipsa inseruit.

Consuetudinis jus à natura initium petit, usu autem augeatur, homines etiam sapius quædam in mores inducunt, ut sola consuetudo rem approbare videatur. Illud jus pro varietate locorum variat, indeqve ipsum varium est. Consuetudinis exempla sunt, quòd post mortem patris hic dimidia, alibi tertia pars bonorum matri adscribatur, quòd hic Doctor ex suo nomine magnam prærogativam obtineat, alibi non. Hæc ex hominum more æstimari, quis non videt?

Juris civilis formam exhibet Imperator Justinianus, novis autem constitutionibus multa inducuntur, & sunt, qui juris civilis

compendia tradunt, tantum ad usum & consuetudinem hodiernam sese accommodantes, non ea explicantes, quæ faciunt ad veterem Romanorum statum.

*Herenn. lib. 3.
cap. 2.*

Justitiam definit per æquitatem, & rectè quidem: æquitas enim non est distinctum aliquod jus, sed tantum recta explicatio juris, ne forsitan ex stricto jure inferatur injuria. Hic nobis nihil negotii est, cum rabulis forensibus, qui neque rationem æquitatis perspiciunt, neque norunt, quid jus sit, aut quid justitia postulet, nudis verbis, nudis vocibus inhaerentes jus pervertunt,

Offic. l. 1. c. 7.

æquitatem tollunt. Quid justitia observet, ita edocet: *Justitia primum munus est, ut ne cui quis noceat, nisi laceffitus injuriâ, deinde ut communibus pro communibus utatur, privatis autem ut suis.*

Nemo lædendus est, nisi justa causa læsionis adsit, ergo sequitur, licere adversus alium se defendere, injuriam repellere, & si injusto occidendi animo in te impetus fiat, invadentem interimere. Ordinata charitas incipit à seipsa, & quoniam vita res maximi pretii est, tanto magis illam defendere laborabis, neque hostis potestati & ludibrio expones. Admittit verò regula ex moderamine Christiani amoris limitationem aliquam: non enim quævis injuriâ vindicanda est, beneficiis interdum inimicus, qui nocuit, & nocere cogitat, afficiendus est, ut per beneficiorum multitudinem, & ipse benefacere discat.

Res sunt vel communes, vel propriæ. Communes sunt, vel omnium hominum, vel cujusdam Reip. vel societatis; huc spectat titulus JCtorum de rerum divisione & acquirendo ipsarum dominio. Justè tunc agitur, quando res communes ad proprietatem non veniunt, quando rebus communibus aliquis ita utitur, prout jus communionis exigit. Privata autem res licet à te domino possideantur, libera tamen dispositio publicæ necessitatis & utilitatis gratiâ, jure inhiberi potest.

c. l.

Pergit porro: *Sunt autem privata nulla natura: sed aut veteri occupatione, ut qui quondam in vacua venerunt, aut victoriâ,*

ria, & quæ alia sequuntur. DEUS hunc in mundum pulcherrimè exstructum primum hominem, tanquam Dominum rerum, omnium introduxit. Jus igitur ratione universalis dominii in Adamo cœpit, & per hunc posteris concessum est: sed particulare dominium acquiritur, vel factò hominis interveniente, vel ex dispositione legis.

Occupatio vetus atqve justus est titulus rem possidendi: hinc tritum illud: *Quod nullius est, occupantis fit.* Hodie per rationem civilis societatis multum receditur ab usitata veterum sententia; venationes, aucupia, piscationes liberam concedebant possessionem per jus occupationis, nunc multis modis jura illa circumscripta sunt.

Victoria facit, ut devicti res cedant in præmium victoris. Olim jure gentium devicti in servitutem redigebantur, nova humanitas illam immanitatem prohibuit.

Justitiæ adjungit liberalitatem, quam duobus modis præstari docet, aut operâ, aut pecuniâ. Non est hæc sententia contraria menti Aristotelis, qui ea omnia ad liberalitatem refert, quorum pretium nummus metitur. Sed quando addit, illam, quæ operâ fit, liberalitatem præstantiorem esse, quòd ex virtute depromatur, quam illam, quæ ex arca, quoniam ipsum fontem benignitatis exhaurit, valde dubitamus, an hæc accuratè dicantur. Si enim est utraqve vera liberalitas, utraqve prudentiam, veramqve virtutem præsupponit, utraq; ita se gerit, ne possessori fraudi sit.

Liberalitatem ponit & in dando, & in reddendo, quod explicat his verbis: *Demus nec ne, in nostra potestate est: non reddere viro bono non licet.* Ultiq; liberalitas, quæ in dando consistit, præsupponit voluntatem ab omni coactione civili liberam; sed quando quæritur de internis animi motibus, tunc omninò dicendum esse videtur, quòd ad liberalitatem exercendam obstricti simus, conscientia enim dictat proximum debes adjuvare, egenti subvenire. Ex hoc, ni fallimur, fundamento provenit, posse à Magistratu

Offic. l. 1. c. 15.

Offic. l. 1. c. 15.

gistratu cogi subditos, ut certam pecuniæ summam ad alendos pauperes conferant, & quod antea non dederunt ex nomine liberalitatis, jam dare teneantur jure actionis. Altera species non tam ad liberalitatem, quam justitiam spectat, ut pro acceptis beneficiis vicissim gratus exhibeatur animus.

Offic. l. 1. c. 14.

Circa liberalitatem tria observanda esse monet: *Videndum esse primum, ne obsit benignitas & iis ipsis, quibus benigne videbitur fieri, & ceteris: Deinde, ne major benignitas sit, quam facultas; tum ut pro dignitate cuiusque tribuatur.* Referamus exemplum, quod oculis nostris subjicitur: Rex Galliæ, ut Regem Sveciæ sibi devinctum haberet, multum auri profudit; jam Svecus Germanorum armis, & aliunde premitur. Non igitur est liberalitas, unde detrimentum affertur. Et verò qui tantâ vi pecuniæ cogit, qui alienas ditiones non solum, verum etiam proprias exuit bonis, quomodo liberalis erit? Alterum est, quod benignior, quam facultates Regni patiuntur: hinc oriuntur tantæ querelæ subditorum, quando extorquetur pecunia. Nonne autem nimelius esset, optimum ditissimumque habere Regnum, quam facultatibus, opibusque denudatum, & in nullo tantam fiduciam collocare? Tertium est, quod non delectum habere dignitatis, non enim digni sumtus sunt, qui in res venereas & libidinosam vitam impenduntur. Si quilibet colendus, pro ut virtutibus est ornatus, in illo hominum genere vitium pro virtute numerandum esse videtur.

Offic. l. 2. c. 16.

Liberalitati in excessu opponitur prodigalitas: Sicut enim liberalitas sumtus confert in res necessarias atque dignas: ita prodigalitas nimios sumtus in res non necessarias profundit. Hac discere licet ex sequentibus verbis: *Prodigi, qui epulis, & viscerationibus, & gladiatorum muneribus, ludorum, venerationumque, apparatu pecunias profundunt in eas res, quarum memoriam aut brevem, aut nullam sint relicturi omnino.* Ex vitio seculi necessarium ferè videtur, ut conferantur sumtus pro amplitudine honorum, quod quilibet adspirare nititur. Quod si enim vacat

vacat munus, vix illud adipisci poteris, nisi patronum pecuniâ concilies. Tolerabilior esse videtur largitio in munere civili, quàm in ecclesiastico, ubi gravius est peccatum: DEUS enim huic sancto ordini singulariter præest.

In defectu liberalitas pro opposito habet avaritiam. Ex mente *Ciceronis* illi, qui Remp. tuentur, cavere debent, ne avaritiæ etiam mini. nam præbeant suspicionem. Quid hodie sit? vitium illud non occultatur, sed dona accipiendi publica est licentia.

Offic. l. 2. c. 21.

CAPUT VII.

De Amicitia.

EX virtutibus oritur amicitia. *Omnium verò societatum, nulla præstantior est, nulla firmitior, quàm cum viri boni moribus similes sunt familiaritate conjuncti.* Duo requiruntur ad amicitiam colendam, primum est morum honestas, à qua viri boni appellantur, alterum morum similitudo, quæ efficit, ut unus aliò delectetur, & vel unicus ad spectus amorem, conciliet: sed ut validus amor atq; constans maneat, non alia est causa, quàm virtus. Multum valet sanguinis jus, verum autem etiam illud est: *Fratrùm quoq; gratia rara.* Unde illud? sæpius parentes in hunc, quàm in alium magis propensi sunt, hinc ex liberorum parte concipitur odium, quod cum ætate gravius existit: nemo alteri cedere vult, & quoniam sanguine juris se pares vident, iniquè ferunt alterius meliorem sortem atq; fortunam; præterea bona ex hæreditatis ratione dividenda litigia movere solent. Tale nihil metuendum est in illis, qui nobiscum sanguine juncti non sunt: quapropter in his, cæteris paribus, firmissima stare potest amicitia.

Offic. l. 1. c. 17.

CAPUT IIX.

De Libris Ciceronis ad Philosophiam Moralem spectantibus.

L

Sed

Sed non præter rem erit, seorsum singulos Ciceronis libros evolvere, nostrumq; ferre iudicium. Quinq; illi libri de Finibus Bonorum & Malorum agunt de ultimo fine, ad quem referenda omnia. *Cicero* mentem suam accuratò & copiosò sermone explicat: *Quid sit enim in vita tantoperè quærendum, quàm cum omnia in Philosophia, tum id, quod his libris quaritur, quid sit finis, quid extremum, quid ultimum, quò sint omnia bene vivendi, rectèq; faciendi consilia referenda, quid sequatur natura, ut summum ex rebus expetendis? quid fugiat, ut extremum malorum?* Vicissim: *Querimus, quid sit extremum, quid ultimum bonorum, quod omnium Philosophorum sententiâ tale debet esse, ut ad id omnia referri oporteat: ipsum autem nusquam.* Summum enim bonum non acquiescit in fine intermedio, sed ultimo, ad quem referuntur omnia, ipse verò ad nullum aliud refertur. Ille finis necessariò datur. Homo enim quando agit, non frustra operatur, sed aliquem sibi præfixum habet scopum. Ne autem infinitum vergant ipsius actiones, aliquando invenit, quò desiderium satiatur, prout *Aristoteles* docet.

Et hic. l. 1. c. 2.

Librò primò Torquatus pro Epicuro perpetuà oratione disputans introducit. Et sanè gravem fuisse Philosophum, Epicurum evincunt tot severissimæ sententiæ, quibus Senecæ epistolæ refertæ sunt.

cap. 7.

Librò secundò sententiâ Epicuri refutatur. Ut nobis videtur ex ingenii Iusu rejicitur, & Cicero non seriò agit, sed doctâ jucunditate in disputatione illâ capitur: hinc non dissimulat *Epicuri* laudem: *Quis vestrum non edidit Epicuri nugæ, doctas id est, quasi maximè ratas, quia gravissimæ sunt ad beatè vivendum, breviter enuntiata sententiæ.*

cap. 7.

Librò tertio à Catone Stoicorum secta defenditur, prolixè de principiis naturalibus disseritur: quæ principia, si ad hominem accommodantur, non absq; ratione considerata sunt, sed cum ratione conjungenda: *Appetitio animi non ad quodvis genus vite, sed ad quandam formam vivendi videtur data.* Est illa forma,

forma, quæ apprehendit honestatem, turpitudinem fugit, atque ut summatim phrasi Stoicorum rem exprimamus, convenienter naturæ vivere docet. Summum etiam bonum non collocandum est in principiis naturalibus, verum in illis potius, quæ subsequuntur, atque certâ ratione definita sunt; additur ratio: *Propter eâ, quod non inest in primis naturæ conciliationibus honesta actio.* Summum bonum quærendum est in anima rationali, non sensitiva, nisi velis bruta in consociationem summi boni recipere. Porro redarguit Peripateticos: *An certius quidquam potest esse, quàm illorum ratione, qui dolorem in malis ponunt, non posse sapientem beatum esse, cum eculeo torquatur?* Sed non rectè explicat Peripateticorum sententiam. Omphino enim omnis dolor in se spectatus fugiendus est, atque malus esse censetur, adeoque summo bono contrarius; cum autem prudens vir pro patriæ salute sustinet dolores, vel etiam mortem, invictum ostendens animum, exinde latitiam potius, quàm cruciatum sentit. Quando porro subsumit: *Cum tria genera bonorum sint, quæ sententia est Peripateticorum, eò beatior quisque sit, quò sit corporis, aut externis bonis plenior;* Conceditur equidem, quod alia sint bona animi, alia corporis, & alia fortunæ, sed negatur in duobus posterioribus consistere beatitudinem, quia sunt tantum instrumenta, quæ faciunt ad summum bonum consequendum, atque exercendum, hanc ob causam ex illorum multitudine non augetur summum bonum, nisi ex vulgi sententia loqui velis.

Libro quartò Catonis argumenta partim examinantur; partim refutantur. Libro quintò Peripateticorum de summo bono sententiam proponit,

Tusculanæ Quæstiones in quinque libros dispesci solent, quorum primus de contemnenda morte, secundus de tolerando dolore, tertius de ægritudine lenienda, quartus de reliquis animi perturbationibus agit; postremus denique virtutem sistit, & quomodo illa sufficiens sit ad summi boni possessionem. Senex autem confecit Tusculanas Quæstiones, quod ipse confite-

li. c. 4.

retur: *Ute enim antea declamitabam causas, quod nemo me diutius fecit, sic hac nunc mihi senilis est declamatio.*

Libri tres de Legibus injuriâ temporis manca prostant. Ostenditur in illis hominum mutua necessitudo, & quomodo optimè societas amicitia, quæ nihil aliud dicit, quàm alium eadem dilectione, quâ seipsum prosequi, contineatur. Adduntur varia monita, quæ originem juris naturæ attingunt. In primis enim in juris naturæ indagatione sollicitus est, statimq; initio libri primi jus civile ad jus naturæ restringit.

cap. 4.

In secundo libro pergit in definiendo naturæ jure: *Hanc video sapientissimorum fuisse sententiam, legem neque hominum ingenius excogitatam, nec scitum aliquod esse populorum, sed aeternum quiddam, quod universum mundum regeret, imperandi, prohibendiq; sapientiâ. Ita principem legem illam & ultimam, mentem esse dicebat, omnia ratione aut agentis, aut vetantis DEI: ex qua illa lex, quam Dii humano generi dederunt, rectè est laudata. Est enim ratio mensq; sapientiâ, ad jubendum & deterrendum idonea.* Juris enim naturæ DEUS est auctor; qui nostris mentibus indidit notiones honestè vivendi, ut cognoscamus, quomodo erga DEUM vivamus, quomodo erga alios homines, quomodo erga nosmetipsos. Antequam peccaremus, omnium jurium solidam & expressam effigiem conspiciebamus; jam umbra & imagines apparent, easq; ipsas utinam sequeremur! Sed voluit divinum Numen hanc legem, hoc naturæ jus decalogò sanctissimò de novo promulgare; ut eò certiùs, meliusq; constaret de colenda honestate atq; fugienda turpitudine. Non enim decalogus à lege illa, seu jure naturæ, re ipsâ distinguitur, & ut in scholis loquimur, essentiâ: modus tantum discrimen constituit. Rigor summus est, quem requirit decalogus, à nemine observatu possibilis; imò licet homines actiones suas honestas in unum conferrent, tamen mensuram perfectionis, quæ requiritur, non adimplerent. Hinc patet, sub quo censu veniant opera gentilium: certè si ad rigorem juris naturæ revocantur, seu ad regulam æternæ legis examinantur, imperfecta sunt. Laudamus Aristidis just-

justitiam, Lucretiæ castitatem, quod actus ipsos concernit, inde verò actio moraliter bona nondum probatur. Ut jam non minus Pontificii, quàm Syncretistæ redargui possint. Illi enim primos inordinatos motus ab omni labe purgant, ac si à DEO in peccati reatum non imputarentur: Hi solis naturæ viribus bonum opus morale peragi posse, operose, sed frustra probant.

Tertius liber de magistratu civili agit, & inter alias memorabiles sententias hanc quoque recenset: *Non tantum mali est peccare Principes (quoniam est magnum hoc per se ipsum malum) quantum illud, quod permulti imitatores Principum existunt. Seculi perpende mores, & non à veritate alienum dictum reperies.*

Opus de Officiis admirabile profuse est, atque inexhausta eruditione refertum, styli etià venusta mediocritate valdè commendandum. Non graviorem testem sistere licet, quàm ipsum Ciceronem, quando filio hoc suppeditat monitum: *Quamobrem magnopere te hortor, mi Cicero, ut non solum orationes meas, sed hos etiam de Philosophia libros, qui jam se illis ferè æquarunt, studiosè legas. Vis enim dicendi major est in illis: sed hoc quoque colendum est æquabile, & temperatum orationis genus.* Et vicissim: *Habes à patre munus, Marce fili, me à quidem sententià magnum.* Semper etiam magni habita sunt officia. *Alexander Severus Imperator* cum curis publicis vacuus esset, illorum lectione mirum in modum captus est: Ide n de *Ludovico XII. Galliarum Rege* habetur, prout ex scriptoribus notissimum est; nec aliter dicendum de Illustrissimis Dominis à *Griesen*/quos Heroës ac Mæcenates divinum Numen Augustissimo Principi nostro, totiq; rei literariæ conserve, omniq; felicitate florere jubeat! Cæterum attento lectori patebit, poni sæpè incongrua vocabula, sensum esse suspensum, res præter necessitatem repeti, quod non tam auctori, quàm librariis, ex tot iterata scriptiõne, vitio vertendum est. Jam suo tempore de librorum negligentia questus est *Cicero*: *De Latinis verò, quò me vertam nescio: ita mendosè & scribuntur, & veniunt.* Et quod bene observandum, loquitur *Cicero* haud

c. 7.

l. 1. c. 6.

l. 3. in fine.
Lamprid.
vis. A. Sever.
Paulo Emilio
Veronensi

Epist. Fam.
l. 3. ep. 5.

- l. 2. cap. 10. raro ad communem morem, quod ipse fatetur: *alia est*, inquit, *illa, cum veritas ipsa limatur in disputatione subtilitas; alia, cum ad opinionem communem omnis accommodatur oratio.* Laudat equidem scripta sua, ac si non multum à Peripateticis dissiderent: sed multum distare, res ipsa loquitur; imò sine causa accusat
- l. 1. cap. 1. Peripateticos: *Prohibenda maxime est ira in puniendo; nunquam enim iratus qui accedit ad poenam, mediocritatem illam tenet, quæ est inter nimium & parum: quæ placet Peripateticis, & rectè placet, modò ne laudarent iracundiam, & dicerent utiliter à natura datam.* Ubi verò apud Peripateticos legitur, iracundiam in laude esse ponendam? Nonne Aristoteles iracundiam ubiq; vituperat? At ira est affectus naturalis, à DEO nobis impressus, quem qui criminatur, in ipsum DEUM impius est. Ponit cum Stoicis quatuor virtutes, tam confundens omnem rem, ut ex schola Peripateticorum nullatenus prodiiſſe videatur. Non agnoscit in rebus Moralibus certitudinem, sed tantum probabilitatem: *Nos autem ut ceteri, qui alia certa, alia incerta esse dicunt, sic ab his dissidentes, alia probabilia, contra alia improbabilia esse dicimus.* Aristoteles contra in Moralibus certitudinem amplectitur: dum verò recentiores demonstrationes in his talibus asserunt, multa inde oritur disputatio. Commentationes omnes recensere supervacaneum est. Hier. Wolfii opera valde placet. Addidit ante paucos annos accuratam diligentiam Samuel Rachelius, in Kiloniensis Academia Professor Clarissimus, ex Peripatetica doctrinæ principiis rem illustrans, & sedulo vestigiis Grotii de Jure B.P. insistens. Vellemus, ut in opere edendo de vera lectione magis sollicitus fuisset, & seriem capitum annotasset, ut facilius lectori negotium exhiberet.
- l. 2. cap. 2. Totum opus dispescitur in tres libros. Primus liber agit de honesto & inhonesto, ubi in observanda honestate laudat illorum sententiam, *qui vocant quiddam agere, quod dubius æquum sit, an iniquum.* Definiunt alias conscientiam dubiã, quã intellectus hæret, utrum actio honesta, an inhonesta sit: cumq; intellectus

alius

alius sit theoreticus, alius practicus, hinc etiam distinguitur inter dubitationem theoreticam, & practicam; illa de re universali ambigit, hæc de re singulari. Quamquam, si verum dicendum, conscientia dubia improprie de hoc nomine participat. Ratio: conscientia judicat fieri ne aliquid, an omitti debeat; at ubi omne judicium exulat, neque in ullam partem datur assensus, ibi conscientia non inveniet locum. Aliter fieri solet in conscientia probabili & erronea: Illic datur assensus, licet cum formidine oppositi; hic intellectus assentire non refragatur, dum verum intellectus judicium caligine obductum est. Sicut autem divisio in conscientiam theoreticam & practicam satis bona est: ita absurditate non caret, quando statuitur, judicium theoreticum posse esse incertum, practicum certum, vel probabile. Mutuus enim hic datur consensus, dum theoreticum judicium remotum, practicum proximum actionum humanarum est principium, ut unum alteri quasi subordinetur. Dubitet Antonius in judicio speculativo, an rem furto alienatam liceat emere, an non in judicio practico tunc non certus erit, an hanc vel illam rem furto alienatam liceat emere.

Secundus liber tractat utile & inutile. Ubi rerum utilium talem subministrat divisionem: *Quæ ad vitam hominum tuendam pertinent, partim sunt inanimata, ut aurum, argentum, ut ea, quæ gignuntur à terra, ut alia ejusdem generis: partim animalia, quæ habent suos impetus & rerum appetitus.* De divisione illâ judicet eruditus lector; certè, si examinetur ex Peripateticæ disciplinæ principiis, rejicienda omnino est.

Tertius liber comparisonem exhibet honestorum, item utilium. Unam actionem honestiorem esse aliâ, unamque rem superare utilitate aliâ, evidentia vitæ civilis demonstrat.

Adjungendus est Ciceroni divus Ambrosius Episcopus Mediolanensis, Confessorque sanctissimus, qui totidem de eadem materia libros posteritati reliquit. Ipse instituti sui rationem his verbis exponit: *Si de officiis quidam Philosophia studentes scripserunt, ut Panætius, & filius ejus apud Græcos; Tullius apud Latinos;*

non

non alienum duxi à nostro munere, ut & ipse scriberem. Et sicut Tullius ad erudiendum filium, ita ego quoque ad vos informandos filios meos. Non enim minus vos diligo, quos in Evangelio genui, quam si conjugio suscepissem. Non enim vehementior est natura ad diligendum, quam gratia. Plus certe diligere debemus, quos perpetuò nobiscum putamus futuros; quam quos in hoc tantum seculo. Illi degeneres nascuntur frequenter, qui dedecant patrem: vos autem elegimus, ut diligamus. Edidit hunc librum præclaræ præfatione magni nominis Vir Boæclerus. Ambrosii verò & Ciceronis officia, respondentibus è regione paginis prodire Moguntia initio hujus seculi anno secundo.

Dialogus de Senectute, qui Cato Major inscribitur ad hanc Philosophiam pertinet, habet ejusmodi monita, quæ & senes & adolescentes concernunt.

Neque omittendus Dialogus de Amicitia, quod vel ipse titulus probat. Amicitia enim ex morum honestate conciliatur, & concentum quasi virtutum omnium complectitur. Ultra gentilem Philosophiam ascendit, quando ait: *Non assentior iis, qui hæc nuper differere ceperunt, cum corporibus simul, animos interire, atque omnia morte deleri.* Cur virtutibus studendum, si hæc caduca vita, non immortalem speraret, si Deus justos justis præmiis non afficeret, qui ex virtutis (intelligimus Christianam virtutem) decore sese gesserunt? Quæ sententia uti satis bona: ita multum vitii continet illa, quæ impiis nullam poenam, nullum cruciatum post mortem metuendum esse, asseritur: *Nam nunc quidem, quid tandem illi mali mors attulit? nisi fortè ineptis ac fabulis ducimur.*

Orat. pro A.
Cluentio, c.
61.

Ultimò huc referuntur *Paradoxa*, in quibus mera Stoica reperiuntur; id quod præfatione ad *M. Brutum* ipse docet, ostendens, ab ipsis Stoicis ideò *Παραδοξά* appellari, quòd sint admirabilia, contraque opinionem omnium, sibi verò & maxime Socratica ea videri, & longè verissima.

De reliquo nullum est dubium, periisse quosdam hanc Philosophiam concernentes libros. Allegantur libri sex de Rep. in quibus veterum more non de civitatis solum regimine, sed etiam virtutibus moralibus multum disputavit, quod fragmenta probant. Somnium Scipionis, quod continetur in ultimo libro integrum esse videtur. Ibi supra sortem & captum gentilis hominis ascendit, quando prudentibus civitatum rectoribus certum in cœlo locum adscribit, ut beati ævō sempiternō fruantur; hancq; vitam mortalem esse atq; caducam, alteram immortalem atq; æternam. Sed quò jure, Marce Tulli, Stoicorum de *dux* *quæ* opinionem supra approbasti, dum jam ais: *Pius omnibus retinendus est animus in custodia corporis: nec injussu ejus, a quo ille est vobis datus, ex hominum vita migrandum est?* Qui secum solus rem considerat, melius sæpè dijudicat, quid sit agendum, vel omittendum in vita humana, quam si alios sequitur, atque præconceptâ opinione certâ sectâ adhæret. Quamquam non mirum, hominem gentilem, jam in hanc, jam in illam delabi sententiam, dum tot utrobiq; invenit propugnatores, assertores, doctores, ut si auctoritatem respiciat, semper incertus maneat. Ad justitiam colendam præclarus est locus, qui vicissim aliqvid altioris Philosophiæ sapit: *Sic Scipio, ut avus hic tuus, ut ego, qui te genui, justitiam cole, & pietatem: quæ cum sit magna in parentibus, & propinquis, tum in patria maxima est: ea vita via est in cælum.* Sed longè alia est justitia, quæ ad cœlum atq; beatitudinis æternæ sedem ducit, quam illa moralis, cujus beneficio vel maximè conservatur omnis hominum societas. Et te ipsum, Cicero, deceptum esse nimio dolore sentis, atque jam antè certus fuisti, impios deprimi in tenebras atq; in cœno jacere.

Hortensius seu liber de Philosophia propriè huc spectat, mentionem ejus ipse facit: *Philosophia vituperatoribus satis responsum est eò libro, quò à nobis Philosophia defensa, & collaudata est, cum esset accusata, & vituperata ab Hortensio.* De qua verò Philosophia loquatur, satis indicant fragmenta, atq; in primis locus meretur annotari, quem allegat *Augustinus*, ubi voluptas tanquam

c. 8.

c. 1.

1. consol. quod fragm. repetit. Lat.

l. 3. c. 19. Fin. l. 1. c. 1.

l. 4. contra Pelag.

tanquàm vitium pessimum vivis coloribus depingitur: *An verò voluptates corporis expetenda, quæ verè, & graviter à Platone dictæ sunt illecebre, atq; esca malorum? quæ enim est confectio valetudinis, quæ deformatio coloris, & corporis, quod turpe damnum, quod dedecus, quod non evocetur, atq; eliciatur voluptate? cujus motus ut quisq; est maximus, ita est inimicissimus Philosophiæ.* Et quæ alia prolixò ordine hanc sententiam elegantissima sequuntur verba.

Neque omittendi duo libri de Gloria, quod vel ex ipso nomine patet. Gloria enim est virtutum comes, atq; studere solent homines morum honestati, & laudabiles suscipere actiones, ut inde bonam famam, & gloriæ decus sibi comparent. *Cicero ipse lectorem ad hos libros ablegat: Nunc dicamus de gloria, quamquam ea quoq; de re duo sunt nostri libri.* Forfan etiam, quæ in libris illis de gloria prolixè disputavit, hic in Officiis ad angustiam redigit, ut nihilominus summatim omnem doctrinam complexus sit.

Liber de Virtutibus, qui propriam quoq; hic loci inveniret sedem, planè est deperditus. Si superstes foret, multum sine dubio faceret ad antiquitatem explicandam, & eruendam, atque nescimus, Philosophia Moralis, quantum inde decus haberet.

13. contra
Acad.

Libros Academicos esse nominandos, non una ratio svadet, & locus qui longà serie extat apud *Augustinum* idem evincit, quando Philosophi inter se comparantur, & laus Academicis deferretur. Ut putamus totam Academicorum Philosophiam Moralem accuratè explicuit, dum & ipse multum favet Academicis.

De libris, quos Legum nomine inscripsit, non aliter judicandum, quàm de libris Remp: concernentibus. Traditum esse in illis, quid honestum, quid turpe sit, ut inde incolumitas civitatis conservetur, nemo dubitabit, qui veterum philosophandi morem cognitum habet. Attamen simul concedendum erit, in his talibus conscribendis multum adjumenti præstitisse Platonem.

CAPUT IX.

De Ciceronis Præceptoribus atq; Doctoribus.

Summum fuisse in Cicerone ingenium, & admirabili quodam ad Philosophiam studio concitatum, res ipsa probat. Non autem sine præceptore atq; doctore, uti hodie multi faciunt, studiis suis pessimè consulentes, ad Philosophiæ culturam accessit. In pueritia institutorem habuit *Phadrum*, qui illi ut Philosophus valdè probabatur. Postea principem Academiæ *Philonem* nactus est; cum enim ille bellò Mithridaticò Athenis profugisset, Romamq; venisset, singularem invenit doctorem. *Cicero*. Fuit quoq; cum Stoico *Diodoto*, quem nunquam à se dimisit, à quo cum in aliis rebus, tum studiosissimè in dialecticà exercitus est. Magnam diligentiam in addiscenda Logica adhibendam esse, addicerent illustri hòc exemplò, nonnulli superstitionis, qui notitiæ Moralis seculatòres jactitant, & Logicam, uti indignam suis nominibus disciplinam planè rejiciunt. Quamquam Philosophus noster alium etiam sibi præfixum habuit scopum, nimirum ut inde eloquentiam suam augetet. Athenis summum doctorem habuit *Antiochum*, veteris Academiæ nobilissimum, & prudentissimum Philosophum. Ibi etiam *Phadrum* & *Zenonem* frequenter cum Attico audivit. Hic *Phadrus* à priore est distingvendus: neq; enim Romæ, sed Athenis docuit, neq; illum puer audivit *Cicero*, sed cum jam ad judicii maturitatem pervenisset. Rhodi audivit *Pofidonium* Philosophum, illum ex Stoica secta prodiiisse, sequentia probant, quando ait: *Nihil agis dolor: quamvis sis molestus, nunquam te esse confitebor malum*. Ex quo perspicuum, ni fallor, est, habere incitamentum Philosophiæ cultores, ut doctoribus se tradant, neq; proprio studio omnia investigare audeant. Imo, qui aliquando multum sapere, & reipsa prudentes esse volunt, commodissimè faciunt, si omnis generis doctores audiant, atq; suo judiciò postea veritatem à falsitate discernant.

Cum Philosophiæ studio eloquentiam conjunxit. Puer adolescentulus scripsit de arte oratoria, quod ipse testatur. *Diodoto*, & ejus artibus variis, atq; multis ita erat tamen deditus, ut ab exercitationibus oratoriis nullus dies vacuus esset. Athenis

l. 13. ep. 1.

Brut. c. 89.

Nat. Deor.

l. 1. c. 3.

Brut. c. 90. l. 9.

ep. 4. l. 13. ep.

16. Tuscul. l. 5.

c. 39.

Brut. c. 91.

Fin. l. 1. c. 5.

Tuscul. l. 2.

c. 25.

Orator. l. 1.

c. 2.

Brut. c. 90.

Bras. s. 91.

apud *Demetrium Syrum*, veterem & non ignobilem dicendi magistrum studiosè exercebatur. Cum totam peragrasset *Asiam*, innotuit summis Oratoribus *Menippo Syratonicensi*, *Dionysio Magneri*, *Æschylo Gnidio*, *Adramiteno Xenocli*. Rhodi ad *Molonem* haud vulgarem & Philosophum & Oratorem se applicuit. Equidem omnibus magna illa ingenii felicitas non contingit, ut tam excellentes & Oratores & Philosophi evadant: nihilominus in quantum aliquis Philosophi nomen tueri vult, non omnimodò omnem eloquentiæ ornatum respuere debet. Atque præsertim hoc cogitabunt, qui actionibus operam dant, morumq; honestatem vel scriptò, vel ore explicant. Qui enim speculativus est, atq; contemplatione delectatur, faciliùs excusatur, si non ubiq; elegantiam vocum sectatur. Modò absit superbiæ nomen, ac si peculiare haberes jus, peculiare privilegium, rem obscuram obscuris atq; incognitis terminis proferendi.

CAPUT X.

Cicero virtute ad summos pervenit honores.
Additur exilium atq; mors.

Orat. pro
Plane. s. 21.

Quomodò autem ex morum honestate se gessit Cicero? Respondet ipse pro se: *Primum ut honore dignus essem, maxime semper laboravi; secundo ut existimarer: tertium mihi fuit illud, quod plerumq; primum est, ipse bonus.* Rectè agit, qui ex virtutum cultura quærit honorem, neq; aliunde sibi conciliare audet. Unicum enim honoris fundamentum virtus esse debet. Stude virtuti, omnibusque in actionibus deus observa, & quasi ex consalutatione accipies honorem.

Orat. pro
Plane. s. 26.

Ex virtutis nomine primum Quæstor est factus, illudque officium honestè & decorè administravit: *Non vereor, ne quis audeans dicere, ullius in Sicilia quæsturam, aut gratiorem, aut clariorem fuisse. Verè mehercules hoc dicam: fictum existimabam, nihil homines unquam aliud Romæ, nisi de quæstura mea loqui. Fruentem in summa caritate maximum numerum miseram: negotio.*

gotiatoribus comis, mercatoribus justus, municipibus liberalis, sociis abstinens, omnibus eram visus in omni officio diligentissimus. Enarrat bene virtutes, quæ observandæ à magistratu sunt. Comitas, justitia, liberalitas, abstinencia, diligentia in munere obeundo recensentur: His additur cura, ne annonæ caritate premantur subditi. Ut larga frumenti copia suppetat & incolis, & militibus, valde hætenus solliciti fuere Principes. Hinc non nisi speciali concessio ex POTENTISSIMI ELECTORIS BRANDENBURGICI regionibus exportatum est frumentum.

Postea ad ædilitiam dignitatem promotus est: Pro amplitudine honorum, quos cunctis suffragiis adepti sumus, nostrò quidem annò, quod contigit eorum nemini, quos modò nominavi, sane exiguus sumus ædilitatis fuit. Non munere, sed virtute consecutus est amplissimum illum honorem. Hodiernum seculum vitio haud caret, dum pecunia facilem ad honores facit accessum, & qui pecuniosus atq; liberalis est, in marsupio circumfert virtutem.

Offic. 1. c. 12.

Ædilitium verò munus ita describit Cicero: Sunt Ediles curatores urbis, annonæ, ludorumq; solennium, illisq; ad honoris amplioris gradum is primus esto.

Leg. 1. 3. c. 3.

Ædilitatem excipit prætura: In hoc spatio, & in iis post ædilitatem annis, & Prætor primus, & incredibili populari voluntate factus. Dicitur Prætor primus, quoniam primò loco factus est, ex octo illis, qui tum creabantur. Deprehendis iterum virtutis splendorem.

Brut. c. 93.

Memoratu dignum exemplum est, quod sub Ciceronis prætura exhibuit C. Licinius Macer, ille enim, referente Valerio Maximo, repetundarum reus, dum sententiæ diriberentur, in Manianum conscendit, misit ad Ciceronem, qui diceret, se non damnatum, sed reum periisse, nec sua bona hæc posse subijci. Ac protinus sudario, quod fortè in manu habebat, ore & faucibus coartatis, inclusò spiritu pœnam morte præcurrit. Quæ cognita re Cicero de eo nihil pronuntiavit. Videre hic licet

L. 9. c. 12.

M 3

primum

primū vigilantiam Ciceronis, Prætoris, qui se diligentem præbuit judicem, deinde successu temporum mutati status & Reip. variationem. Cum enim Roma libera esset initiis de fama & bonis eorum, qui se metu criminis interfecissent, actum est, quā sub Principibus. *Qvis Prætor apud Romanos dicatur ex sequentibus constat: Juris disceptator, qui private judicet, judicareive jubeat, Prætor esto. juris civilis custos esto. Huic potestate pariquotcunq; Senatus, creveris, populusve jussorit, tot sunt.*

Orat. 2.

Agrar. c. 2.

Ultimus & summus honor est consularis: Est illud amplissimum, quod hoc honore ex novis hominibus primum me multis posthabitis affecistis, quod primā petitione, quod anno meo: sed tamen magnificentius atq; ornatus esse illi nihil potest, quod meis comitiis non tabellam vindicem tacite libertatis, sed vocem vivam præ vobis indicem vestrarum erga me voluntatum ac studiorum tulistis. Me non extrema tribus suffragiorum, sed primi illi vestri concursus: neq; singula voces præconum, sed unā voce universus populus Romanus Consulem declaravit. Consularis ille administrabatur cum senatus consilio, cum libertate populi, adeoq; multum differt à schemate, quod ab Augusto adornatum est. Hoc tempore P. Servilius Rullus, Tribunus plebis, legem agrariam promulgavit, ut Decemviri summo cum imperio crearentur, qui in sua potestate Italiam totam, Syriam universam, eaq; omnia, quæ virtute Pompeji recens Imperio Romano adjecta erant, haberent; venderent quidquid publicum populi Romani esset, judicarent de omnibus, de quibus ipsi vellent, exsules ejicerent, colonias deducerent, pecuniam ex arario caperent, milites, quot opus haberent, conscriberent, & alerent; prout capita legis agrariæ refert *Plutarchus*, quem auctorem ut Historicum simul æstimandum censemus.

Plut. Cicero-
nia.

Bene Respublica administratur, cum Philosophi præsumt, atq; aurea planè est vox, quam edidit Plato: Tum denum beatas civitates fore, cum aut regnarent Philosophi, aut Re-

ges

ges philosopharentur. Illa Philosophia sese non ad differendi subtilitatem, neq; ad investigationem occultarum in natura rerum, sed ad virtutem sese refert, quam Rerum publicarum moderatores ex Platonis sententia colere, exercere, atque propagare debent. Imperium Romanum ad tantam magnificentiam atq; amplitudinem Heroibus illis, qui justitiam, fortitudinem, liberalitatem, & omnem deniq; virtutem coluere, pervenit, ut ipsæ exteræ gentes superari à talibus viris, quam superare alias, gloriosius existimarent. Equidem Camilli, Curii, Fabricii, Fabii, Scipiones, cæteri q; præstantes viri, quos Roma tulit, de Philosophia nihil scribere: attamen factis, non verbis, moribus, non sermonibus philosophabantur. Tuq; ipse, Cicero, si sterisset Respublica, quò cœperat statu, tantum operæ, & temporis in describenda Philosophia non consumsisses, quod ipse fateris: *Utinam Respublica in homines non tam commutandarum rerum, quam evertendarum cupidus incidisset. Primum enim, ut stante Rep. facere solebamus, in agendo plus, quam in scribendo opera ponere.* Deinde ipsis scriptis non ea, quæ nunc, sed actiones nostras mandaremus. Simul & illud inclarescit, honestatis, atq; utilitatis rationem in regenda civitate non esse divellendam: bonus enim vir, & utilis patriæ civis bene convenire possunt, imodebent. Roma per illud tempus, quò virtuti opera dabatur, optimè floruit, cum avaritia, injustitia, ambitio irreperent, ruebat, & de felicitatis statu magnò impetu deturbabatur.

Offic. l. 2. c. 1

Utile etiã est Reip. per gradus ad dignitates ascendere. Sicuti n. natura saltum facere nō solet, ita neq; ad arduas res gerendas, summumq; capeffendum regimen statim aptus eris. Prius in minoribus curationibus, magistratibusq; prudentem ac diligentem te præbe, tunc ad majores summosq; honores pervenienti, aperta erit via.

Quod verò porro præmium bene administratæ Reipublicæ tulit Cicero? Exilium. Vicissim ipse pro se loquatur: *Civis* (intel-

*Orat. pro P.
Sex. c. 24.*

(intellige Ciceronem) erat expulsus, is, qui Rempublicam ex Senatus auctoritate cum omnibus bonis defenderat, & expulsus non aliò aliquò, sed eò ipsò crimine. Erat autem expulsus sine iudicio. Nefariè enim convenerant Piso, Gabiniusq; Consules, & Clodius Tribunus plebis, beluz veriùs, quàm homines dicendi, omnibus modis laborabant, ut è medio tollerent Ciceronem, quod cum fieri sine multorum strage non posset, urbe cessit, neq; servis armatis bonorum vitam objecit. Retinuit verò in exilio etiam magnum animum. Nam Philosophia magnam in hominum animis efficit firmitudinem, quam nullus infortunii turbo convellere, ac labefactare possit. Illò tempore Ciceroni non amicissimos fuisse Cn. Pompejum, atq; Cæsarem satis manifestum est: uterq; multum valebat & auctoritate, & potestate, atq; si ambitionis studium abfuisset, forsitan patriæ conservator patriam relinquere non coactus fuisset. Non igitur quadrat in illos, quod Cicero, de teipso prædicas: *Sì mibi in aliquà nave cum meis amicis naviganti, hoc, iudices, accidisset, ut multi ex multis locis prædones clasibus eam navem se oppressuros minitarentur, nisi me unum sibi dedissent, si id vectores negarent, ac mecum simul interire, quàm me tradere hostibus malle, jecissem me ipse potius in profundum, ut ceteros conservarem.* Alia est vera, alia fucata amicitia. Illa vel maxime in adversis rebus juvare vult, atq; oppressum amicum erigere conatur: hæc non nisi rebus jucundis delectatur, atq; ad voluntatem nostram fluentibus, tunc testatur, & offert omnem studiorum promptitudinem. Seqvebatur ergo ut lamentare: *ris: Vides me omnibus amplissimis, carissimis, jucundissimisq; rebus perfidiâ hominum spoliatum; vides me à meis consiliariis proditum & projectum.* Ultimò, nefandâ morte peremptus est Cicero, quam præ aliis auctoribus graviter describit *Paterculus.* Hic est exitus clarissimi Consulis Reipublicæ Romanæ, qui patriam moribus instituit, qui virtutem & coluit, & alios colere jussit.

*Orat. pro P.
Sex. c. 20.*

*Hist. 9. Rom.
l. 2. c. 66.*

CAP. I.
Tituli Ratio.
Grotii Laus.

NE forsan exprobrandam mihi insolentiam tituli aliquis existimet, dum inscribitur nova Philosophia Moralis, non præter rem erit causam denominationis hujus in medium asferre. Nihil novi hic tractatur aut explicatur, veteribus quæ cognita recensentur, atque examinantur: Sed non latere potest vel mediocriter doctum, & interiores literas primis labris delibantem, quàm angustis finibus Philosophia Moralis vulgò claudatur, ac si undecim virtutum vocabulis, serie sententiarum de ultimo fine constituendo, principiis actionum rudi tantum modò expressis, absolveretur. Amplior longè campus est Philosophiæ Moralis, quæ magnâ jucunditate per omnem antiquitatem, ex perpetua atque naturali lege omnem rem, in quantum honestas ac turpitudine patet, dijudicantem, Philosophum nostrum ire vult & jubet. Hac igitur vice sisto sub nomine novæ Philosophiæ Moralis Compendium Moralis Doctrinæ à vulgari eatenus diversum, quatenus interioris hujus scientiæ fores aperit, neque in exteriori & communi cognitione acquiescit. Est illud seculum, quò hæc Philosophiæ pars, rejectò squalore, magnâ venustate se conspiciendam præbet, & quod antea non factum sub habitu veluti disciplinæ tractatur. Prævit Grotius, qui usi à Deo ad literas ornandas singulariter excitatus, ita nihil omisit, quod ad illustrandum studium Morale, atque ad novum decus conciliandum pertinet. Tanta inest auctori facilitas, tanta dicendi facultas, ut res gravissimæ, intellectu difficillimæ, in clara luce ponantur. Quomodo verò ex locis reconditis, ex antiquissimis monumentis, quibus etiam clarissimos quosque recentiores scriptores addidit, scientiam eruerit, tota scribendi ratio indicat. Gallia tantorum virorum mater non alium aptiorem doctorem illorum.

N

myste-

myſteriorum æſtimat, & in hoc laudando copioſa eſt: Locuples hujus rei teſtis eſt magnus vir Nicolaus Claudius Fabricius Peireſcius. Capiat igitur laudes primæ ſortis ingeniî Grotius; quibus non contingit tantas ex æquæ laudes, illi in ſecundo, vel inferiore gradu ſubſiſtent. Dum hæc talia calamus ſuggerit, admirabile opus de Jure Belli & Pacis indigitari, facile animadverteret behevulus lector, cui operi illaſtrando, locupletando, integrando, tot excellentiſſimi viri operam hætenus dederunt. E commodò rei literariæ foret, ſi aliquis ſecundùm modum analyticum conficeret juſtum Jurisprudentiæ naturalis opus, omnia ex cauſis demonſtrativis peteret, juſtò ordine principia atq; concluſiones pòneret. Vir nobiliſſimus Dn. *Johannes à Felde*, uti jam ſpecimen edidit accuratarum demonſtrationum: ita huic diſciplinæ pro ſumma doctrina, quæ pollet, magnum ornamentum aliqando, ut ſpero, conciliaturus eſt.

Elem.

CAPUT II.

De Jure Naturæ.

Obscuram reddidit diſputationem de jure naturæ definitio illa Ulpiniana; quæ in ſocietatem juris naturæ bruta animantia recipiuntur. Ut enim magna eſſe debet veterum Jureconſultorum auctoritas ob magnam prudentiam atq; eruditionem: ita non deſuere olim viri ſummi, neq; adhuc deſunt hodie, qui commodam verborum ſententiam quærant. Illuſtre Leucoræ noſtræ ſyduſ Dn. *Zieglerus* poſt multas in medium allatas rationes atq; ſententias fatetur: *hanc definitionem non eſſe eſſentialem à cauſis internis, ſed accidentalem tantum.* An enim illa conſtantia, quam bruta in ſuis actibus obſervant, aliqvod jûs efficiet? an merus inſtinctus naturalis aliqvam obligationem inferet? Nonne potiùs ita colligendum, ubi juſtitia nulla, ubi nulla juſti denominatio, ibi nullum jûs ponendum eſt? Et ſi definitiones ex propriis vocibus conſtare debent, forſan non vitio caret, dum natura ut doctor omnium animalium introducit.

*Not. Grot. l. 1.
61. §. 11.*

Bene

Bene igitur *Grotius* ab *Ulpianea* definitione sibi recedendum existimat. Non autem videtur rectè jus naturæ per dictatum rectæ rationis definiri: illud enim dictatum inservit tantum cognitioni, ut homo cognoscat, quæ juris naturæ sint, ad constitutionem nihil faciens. Confer *Osfandrum* hunc communem errorem de dictamine rectæ rationis prolixè refutantem. Rectius dicitur, constitui jus naturæ per illud, quod est honestum: sponte subsequitur dictamen rectæ rationis, ut actio suscipiatur, vel omittatur, prout vel honesta, vel inhonesta est. Ubi notandum illud dici honestum, quod cum bono morali convenit naturæ rationali in suis liberis actionibus, quatenus est rationalis. Hic igitur intelligitur honestum, quod in se tale est, non sub aliqua hypothefi. Habuit Deus leges, ex nuda ejus voluntate obligantes, ut dubium non sit, quin contrarias sancire potuisset. Sed quæ in se honesta, ullò modo mutari nequeunt, quoniam Deus per sanctitatem suam non potest aliter rectè, quàm ut ab hominibus honestè coli velit. Porro observandum voluntatem divinam à præcepto esse distingvendam. Voluit ab æterno Deus ut honestum coleretur, neq; tamen honestum ab æterno præcepit, quoniam præceptum cum homine condito demum initium cepit.

Non incongrua juris naturæ definitio erit, quòd sit regula hominibus mediante intellectu practico, atq; interno, motu sub metu iræ & poenæ divinæ præscripta, ut consequantur finem sibi convenientem.

Vocem regulæ accuratò, ut solet, judicio examinat *Dn. Valentinus Belthem* in Academia Jenensi Professor, cujus in scribendo facilitas non potest non lectorem excitare. Alii termino normæ utuntur, qui pro hoc instituto idem dicit.

Intellectus in homine duplex est, theoreticus atq; practicus: ille in contemplando acquiescit; hic in agendo modum & leges ponit. Dum verò disciplina Moralis talis est, quæ agendò, non contemplandò absolvitur, intellectus practicus hic munere suo fungitur.

*l. c. l. §. 10.**Annot. in
Grot.**Introduct.
ad Hug. Grot.,
p. 42.*

Proleg.

Jus naturæ à Deo originem habet, atq; ex interna conscientia homo animadvertit, si detrectat obsequium, Deum vel mille mala ingerere posse. Quapropter incautè loquitur de illis juris præceptis *Grotius: Locum a liquem habere, etiamsi darem, quod sine summo scelere dari nequit, non esse Deum, aut non curari ab eo negotia humana.* Non enim juris naturalis ratio sine imperio & indicatione divini Numinis dari potest. Ilioneus apud *Virgilium* cùm contra naturæ jus à litore arceretur ait:

Æneid. l. 1.

*Si genus humanum, & mortalia temnitis arma,
At sperate Deos, memores fandi atq; nefandi.*

Theol. Moral. de Leg. p.
49. usq; ad 59.

Tales plures extant sententiæ, quæ Deum vindicem vocant. Equidem fuere gentes, quæ legem naturæ contrariâ quadam lege oppressere, prout magnò studiò docet celeberrimus Vir *Georgius Calixtus.* Sed quemadmodum omnis res judicanda est ex sua perfectione: ita obverti non potest, quòd perversus intellectus aliter docet, quàm fieri debeat.

Finis hominis in agendo triplex esse censetur, primùm respectu Dei, deinde ratione proximi, tum sui ipsius. Nullum aliud animal cognoscit creatorem conservatoremq; hujus universi, aut de divina perfectione cogitare potest, quàm homo, hinc internis stimulis ad laudes Dei celebrandas agitur. Quoniam insuper societas naturalis est, ad illam confert omne studium, dispensat officiorum genera, quantum patriæ, quantum sanguine junctis atq; amicis debeat, perpendens, neq; peregrinum à bonorum communione excludens. Sui ipsius rationem habet diligentem; hinc præparat ea, quæ ad cultum victumq; necessaria, nocitura declinat, atq; sobolem procreare jucundum ducit.

l. 1. c. 1. §. 14.

Alii multa de jure gentium loquuntur, ac si illud distinctum foret à jure naturæ, neq; insitam hominum mentibus vim haberet, sed ex voluntate tantum obligationem caperet. Non aliter sentit *Grotius*, cujus verba sunt hæc: *Jus gentium est, quod gentium omnium aut multarum voluntate vim obligandi accipit.*

Earum

Earum rerum, quæ ex voluntate humana dependent, vix consensus dabitur inter omnes gentes, hoc Grotius animadvertens, subsidium quærit in multarum gentium consensione. Unde verò illa consensio atq; mutua voluntas? Estne expressa an tacita? De expressa, quæ pactione inter se gentes jus constituerint, nihil legitur; ergo ad tacitam consensionem recurrendum erit, atq; subsumendum ex imitatione aliarum gentium legem enatam. Sed vix dubium, quin hac ratione denotetur jus civile, quod ad melius intelligendum non incommodè jus civile plurimum gentium indigitatur. Si autem ex insita hominum mentibus vi oritur jus gentium, certè non aliud, quàm naturale intelligitur. Ergo supervacanea illa juris gentium distinctio à jure naturæ & civili. Apud Jureconsultos equidem distinguitur jus gentium in primævum atq; secundarium: sed illud ipsis non aliud significat, quàm naturæ jus: hoc non ex pactione gentium, sed ex usu, quem cum cæteris gentibus populus Romanus ex voluntate legislatoris communem habuit, originem trahit, adeoq; juris civilis nomine meritò venit. Ita veteres philosophati sunt, ut non de alio, quàm jure naturæ & civili loquerentur, siq; mentionem facerent juris gentium, ipsum jus naturæ intelligerent. Memorabilis est locus *Ciceronis*: *Non solum naturæ, id est, jure gentium, sed & legibus populorum, quibus in singulis civitatibus Respublica continentur, eodem modo constitutum est.* Commutantur hoc loco naturæ & gentium jus, atq; ne dubitatio lectori occurrat additur explicatio. Cui respondet alius locus: *Maj. aliud jus gentiū, aliud jus civile esse voluerunt. Quod enim civile non idem continuò gentiū, quod autem gentiū idem civile esse debet.* Ac si quis ulterioris descriptionis gratià diceret: Aliud est jus naturæ, aliud jus civile, præter hæc aliud excogitari nulla necessitas imponit: sed quod juris civilis est, non statim ad jus naturæ referendum, quoniam legislator pro statûs sui ratione legem immutat. Naturæ autem jus unum idemq; est, neq; diversitate gentium diversum redditur: imo ex hoc jure omnes leges civiles petendæ,

Offic. l. 3. c. 5.

Offic. l. 3. c. 17.

*Proleg. Grot.
p. 35.*

ut cum natura ad rectè colendam societatem conveniant. In corpore juris civilis nomina hæc sæpe misceri, exemplis in medium adductis docet magnificus Dn. *Zieglerus*, quem Virum utpote ad rem literariam augendam ornandamq; à natura factum, Deus quàm diutissimè superstitem esse velit!

Hoc naturæ jus immutabile est. Ab homine certè nullam mutationem patitur; & licet aliquis naturæ vim inferat, inde tamen non mutatur, neq; ex turpitudine honestas, neq; ex honestate turpitudine conficitur. Deus etiam uti immutabilis est, ita nihil mutabit, quod ex sanctitate sua sancivit. Itaq; honesta semper manent eadem, & quæ hodie honesta peracta sunt, aliò tempore minimè turpia erunt. Licet verò destructione hujus universi præcepta juris naturæ quædam pereant, dum hominum status mutatur: non tamen in contrarium mutantur, ac si turpitudine in honestatem migraret.

CAPUT III.

De Jure Civili.

De jure civili seu legitimo, quod aliàs positivum vocatur, pro instituto nostro, pauca dicenda sunt. Format quælibet Respublica peculiare sibi leges ad consequendum finem suum. Nonnunquam leges addendo detrahendoq; immutantur nonnunquam veteres tolluntur, novæ super inducuntur. Hæc omnis mutatio ad statum Reip. ita dirigitur, ut necessaria esse videatur. Non enim mutata Republica, atq; aliter planè formatà, eadem leges valere possunt. Versatur itaq; lex civilis circa res arbitrarías, quæ mutari ab humana voluntate possunt.

Non incongruè autem ita definitur: Jus civile est regulæ actionum humanarum circa negotia, quæ utilitatem certæ societatis concernunt, occupatarum, ut secundum illam vel unus, vel paucorum ex societate, vel omnium utilitas attendatur.

Obligat

Obligat lex civilis & animum & voluntatem. Qui enim ex potestate sua legem ponit, omnibus modis obsequium exposcit. Sed quoniam nemo hominum cogitata novit, iudex civilis ab actionibus externis concludere solet, an lex observata sit, an minus. Hæc causa est, quare tam animo, quam corpori lex præscribi videatur.

CAPUT IV.

De Jure Permissivo.

Quoniam duplex est lex naturalis & civilis, duplex inde oritur jus permissivum, quod ita explicat Grotius: *Permissio proprie non actio est legis, sed actionis negatio, nisi quatenus alii ab eo, cui permittitur, obligat, ne impedimentum ponat.* De naturali lege rectè dicitur, quæ non in illa jubentur aut vetantur, esse juris permissivi, ut aliquid sine imminenti poenæ metu & agi queat, & omitti. Modò notetur esse juris naturalis non solum principia, quorum veritas statim per se nota est, sed etiam, quæ ex illis principiis certâ ratione deducuntur. In quo genere gradus esse, & pro iis jam majorem, jam minorem obligationem reperiri, nemo non animadvertit.

l. 1. c. 1. §. 9.

Juris civilis permissivi ratio vicissim duplex est; aut enim permissio expressa aut tacita intelligitur. Illa claris expressisq; verbis actionem permittit, quando aut lex, aut privilegium aut responsum, & rescriptum Magistratus extat; unde talis actio robur veluti & vim acquirat. Hæc quæ tacita vocatur, conniventia, simulatione & dissimulatione legislatoris consuetudinis jus induit. Bonus legislator non semper ex voluntate sua atq; ad perfectum jus naturæ leges conficit: sed haud raro accommodat sese ingenio civium, temporum necessitati & pro illorum vicissitudine, haud raro ea tolerat, quæ non adeo justa sunt. Ad tacitam permissionem spectat præteritio: puta legislatorem omnes casus vetitos in quadam lege recensere voluisse: ergo quod non est prohibitum, permitti tacite intelligitur.

Sed

Sed multæ leges civiles de fragilitate humana loquuntur, atq; jus permisivum faciunt, ubi ex jure naturæ perfectissimo nulla forsan permissio locum habet. Vivimus post lapsum in statu legali atq; imperfecto, postquam naturalis omnem perfectionem continens lapsu primorum parentum perditus est. Dum verò ob imbecillitatem nostram status naturalis perfectionem non attingim9, non omnino malè nobiscum agi videtur, si legitimum consequimur. Explicat naturalis & legalis status distinctionem accuratissimè Vir omni doctrina excellentissimus Dn. *Thomafius*, quæ observatio quantam habeat utilitatem, his literis eruditum hominem minimè latere potest. Sed redeo ad jus permisivum. *Pomponij* Jurisconsulto ait: *In pretio emtionis & venditionis naturaliter licere contrahentibus se circumvenire*. Ubi terminus naturaliter pro jure gentium secundo accipiendus, gentibus enim ita receptum, ut circumscriptio inter emtorem atq; venditorem licita sit. Vel uti *Grotius* habet: *Naturaliter positum est, pro eo, quod recepti passim moris est*. Sed jus naturæ primæum aliud vult, omnem circumscriptionem illicitam pronuntiāns. Imperator *Diocletianus* statuit: *Minus pretium videri, si nec dimidia pars veri pretii soluta sit*. Hæc iterum multam habent dubitationem, quando de foro conscientiae & jure naturali divino, quod sedulo ab omni injuria abstinere jubet sermo suscipitur. Quæ Dn. *Rachelius* in *Holsatorum* Academia juris naturæ & gentium Professor clarissimus obvertit, non aliud dicunt, quam licitam esse circumscriptionem ex jure gentium secundo. Maneat igitur vera *Pauli* Jure consulti regula: *Non omne quod licet honestum est*. Item *Modestini*: *Semper in conjunctionibus non solum, quid liceat, considerandum est, sed & quid honestum sit*. Quod scilicet licitum est jure civili sæpius pugnat cum jure naturæ. Ergo ut honestas observetur abstinendum est à tali licito & si vel maximè nulla pœna civilis metuenda, non tamen cessabit illa obligatio ex superiore lege, id est, à jure naturæ proveniens poenamq; dictans.

Phil. Praef.
Tabell. Annot.
ad Tab. 13.
p. 40.
l. 16. §. 4. D. de
minoribus.

l. 2. §. 12. §. 16.

l. 2. C. de re-
sciendenda
venditione.

Comment. ad
Offic. Cic. 13.
p. 475. seqq.

l. 14. de R. J.
l. 107. de R. J.

CAPUT V.

Principium honestarum actionum est Deus.

Virtutum consideratio ad ipsum Deum nos ducit. Illud discrimen turpium atq; honestorum, quod mentibus hominum impressum, primum indicat æternum ens esse, unde hæc tam pulchra natura oriatur. Deinde docet, quod omnes virtutes singularissimò modò in Deo emineant: utitur homo rectà ratione, quæ illum non nisi ad honesta instigat, ut animum variâ cognitione exornet, ut justiciam, liberalitatem, cæterasq; virtutes observeat: Ergo prima causa, id est, Deus erit sapientissimus, justissimus, benignissimus, & quæ alia excellentissimò gradu de Deo prædicari possunt. Tum considerare virtutes evincit Deum esse judicem. Homo virtutem colens tranquillo est animò, lætatur secum de egregiis factis: contrà vitiosus homo cruciatus ob malè facta sentit in animo. Non aliter philosophatur *Philippus Melanthon*, quondam totius Germaniæ præceptor dictus, nunc in obscuro latens; & verò è studiosæ juventutis commodo foret, tanti viri scripta, quæ solida Philosophiæ fundamenta ostendunt, sedulò manibus volvi.

*Philosoph.
Moral.*

Dum autem ex naturæ lumine homo cernit, quod sit Deus, & qualis secundum essentiam, de debito cultu cogitationes suscipit. Deum itaq; colit cùm actibus interioribus, cùm exterioribus, præstantissimam hæc judicans actionem. Se omnia ex liberali Dei manu habere deprehendit: itaq; gratus esse vult veneratione pioq; animò, quoniam Deus nihil aliud poscit. Neq; in arbitrio positum censet, an cultum suscipere, an omittere velit: cùm ipsius animus ad Deum colendum impellatur, & nulla tam barbara gens sit, quæ non suum Deum religiosâ veneratione prosequatur. Christianus novit, illum cultum non à peccato originis oriri: in statu enim innocentiae Deus quoq; celebratus fuisset tanquam conditor & conservator hujus universi. Neq; desinet in altera post hanc mortalitatem

O

vita

vita cultus divinus, ubi cum illo æterno perfectissimoq; bono jungemur, ejus sanctitatem cum Angelis perpetuò celebrantes.

CAPUT VI.

De Natura Matrimonii. Requiritur Justa Ætas. Jus Consanguinitatis, Jura Affinitatis attendenda. Requiritur ad Matrimonium Consensus Parentum. Disputatur de Polygamia, de Concubinato.

Ad matrimonium ineundum instigat natura. Est hic appetitus procreandi sobolem cum brutis communis: sed in homine simul est ratio, ut intelligat mutuum subsidium, communionemq; mutuam, & non tam sobolem procreare, quàm bene educare velit. Ratio obligationem dicit, ut mas & foemina ad hæc officia se obstrictos sentiant. Huc in modum philosophatur *Aristoteles*, qui non unò locò tangit atq; explicat hanc doctrinam.

Eth. 1.3.12.

Polit. 1.1.1.

Oecon. 1.1.6.3.

Mari ob naturæ præstantiam competit imperium, quod ita comparatum esse debet, ut æquum censeatur, & consilium mulieris non ubiq; spernatur.

Quà verò ætate, & qui homines in matrimonio conjungendi, docet virtus temperantia. *Aristoteles* quando de apta ætate agit, non de alia virtute, quàm temperantia loquitur: *Περὶ σωφροσύνης συμφέρει ταὶ ἐκδόσεις ποιῶντες πρὸς ὑγιείαν. ἀκολαστόντων γὰρ εἶναι δεκάσι νύκτας χρῆσθαι ταῖς συνουσίαις.* Conducit ad temperantiam, collocari in matrimonium grandiores: intemperantiores enim esse videntur, cum adolescentula usq; fuerint Venere. Justa enim ætate appetendum matrimonium, ut perfecti cives procreari possint: immatura ætas non nisi fructum imperfectum edet. Jus verò civile Romanum masculis majoribus

*Y quib. mqd.
tut. finit.*

ribus

ribus quatuordecim annis, & foeminis majoribus duodecim annis permittit matrimonium. Deinde temperantia praescribit, ut jus sanguinis atq; pudor naturalis observetur. Uti enim *Paulus* Jureconsultus habet: *In contrahendis matrimoniis naturale jus & pudor inspiciendus est.* Quare nullò modò licita esse possunt matrimonia inter patrem ac filiam, vel filium atq; matrem: solveretur enim naturalis ordo atq; mutuum officium, quod perpetuum esse debet; & ille naturalis horror ex convenientia ejusdem sanguinis tale matrimonium non permittit. Hanc ob causam Adamus primus humani generis parens, si hòc die viveret, in tanta hominum multitudine non inveniret foeminam, cum qua matrimonium inire posset. Idem naturæ jus fratres & soròres à matrimonio abstinere jubet: conveniunt in uno patre vel matre una, quæ sanguinis convenientia horrorem excitat, ne tale matrimonium contrahatur. Neq; verò fratris & sororis conjunctio ex rigore juris naturæ simpliciter prohibetur, quoniam initio mundi Deus voluit, ut frater sororq; conjungerentur. Nullam hic necesse est fingere indulgentiam, aut regulæ universalis quandam exceptionem, cum Deus nunquam contra naturæ jus agat. Luber adducere verba magnifici *Dn. Zingleri*: *Sororem ducere uxorem, in se & sua natura malum non est, nec pugnat adeò cum jure naturæ primævo; sic enim non potuissent Adami filii ducere suas sorores.* Quemadmodum intemperans censetur, qui appetit cibos tanquam delicatulus, à quibus reliqui homines abhorrent: ita intemperans quoque est, qui ut delicatulus suam sororem, quò cum ipsa rem habeat, eligit. Sed necessitas non habet legem, atq; deficiente commodò cibo, illò utendum, quò alias natura abhorreret. Non igitur intemperans hac ratione dicendus, qui ex necessitate sororem habuit in matrimonio, quoniam aliter genus humanum propagari non poterat. *Romani* consobrinorum matrimonia concedebant: sed ob reverentiam sanguinis prohibenda esse videntur. Contingit enim plerumq; unam perso-

l. 14. S. 2. D. de ritu nuptiar.

Not. in Grob. l. 1. c. 1. S. 10.

J. S. 4. de nuptiis.

§ 2. c. l.

nam ex consobrinis avum vel aviam vidisse, unde identitas sanguinis latere non potest; imo sufficit cogitatione ac mente deprehendere sanguinis convenientiam. Porro *jus Romanum* pronunciat: *Amitam ducere uxorem non licet; item nec materam, quia parentum locò habentur.* Sed pro veriore ratione iterum adducere possum convenientiam sanguinis: amita enim habuit cognitum suum patrem vel suam matrem, & ita cum fratris filio identitatem sanguinis sentit; quod etiam obtinet in matertera. Ex his cernimus quare Pontifex Romanus minus rectè prohibuerit matrimonium usq; ad quartum gradum inclusivè: fieri enim nequit, unam harum personarum, quæ ratione stipitis intercedit, convenientiam sanguinis sentire. Hoc verò est ridiculum ad tot gradus prohibitionem esse faciendam, quòd quatuor sint elementa Conf. *Dn. Zieglerum*, Virum nunquam sine laude dicendum, qui historiam ac institutum Pontificum de gradibus prohibitis accuratissime examinat. Affinitatis insuper veneratione à quarundam nuptiis abstinendum. Homo naturalem horrorem concipit, quando cognato vel cognata cum quadam persona rem veneream exercuit, ut cum illa minimè conjungi velit. Sed in hisce personis tantus non deprehenditur horror ac in cognatis ipsis. Interim tamen à tot gradibus affinitatis in nostris terris prohiberi solent matrimonia, ad quot gradus inter cognatos. Rem ita explicat Jureconsultus celeberrimus *Dn. Struvius*: In *Electo* *Saxonia* *licet inter personas non intercedat aliquis respectus parentum & liberorum, tamen propter venerationem affinitatis tertius quoq; gradus in linea collateralis inæquali est prohibitus.* Plura adducere nolo, & sufficit rationem indicasse, quare jus civile & constitutiones nostræ ecclesiasticæ inter affines prohibeant matrimonia.

*Notia ad
Lancelloti
Jur. Canonici
Instit. p.
460*

*Juriprud.
Rom. Germ.
§. 6. de sponsalibus.*

§. 1. c. 1. §. 10.

Ut licitum sit liberorum matrimonium, jus naturæ vult, ut consensus habeatur parentum. *Grotius* de solo officio filiorum atq; reverentia loquitur, non de necessitate. Hic omnino personæ

persona distingvenda esse videntur. Quando enim liberi adhuc sunt in familia parentum, tunc ad justum matrimonium constituendum parentum consensus necessarius esse videtur, atq; illorum dissensu matrimonium injustum atq; illicitum erit. Intelligo æqvam patris voluntatem: cum æqvitas semper spectanda sit, quam ob causam *Jure civili* cogi possunt parentes ad consensum. Qui extra familiam constitui liberi, officio etiam atq; dignitate publicâ funguntur, suam nanciscuntur libertatem, tunc enim parentes non adeo urgent, ut filius, quoniam sibi bene consulere potest, consilium imploret. Sunt haud rarò parentes ætate ingenioq; debiles: ab illis igitur filius rationes administrandæ domus optimè dijudicans, commodum consilium vix petet. Manere verò debet perpetua observantia, quæ parentibus obstricti sunt liberi.

l. 9. D. de ritu nupt.

An polygamia sit contra jus naturæ acriter disputatur, & vigent controversiæ inter Theologos, Jureconsultos, Philosophos. Qui pro affirmativa stant sententia & ratione & testimoniis scripturæ sacræ nituntur. Non enim intelligi posse naturam matrimonii nisi de mutua obligatione in corpore, quæ tolleretur, quando vir non uni, sed pluribus mulieribus conjunctus. Esse communem regulam: Quod tibi non vis fieri, alteri ne feceris. Dum itaq; vir non plures admittere vult veluti adjuutores, neq; plures superinducere debet uxores. Etiam si autem consentiat foemina ac suum jus non urgeat, inde tamen vitium non tolli. Consensus enim aut violentiæ; quæ tyrannidis speciem habet, extorquetur, aut imbecillitate judicii nititur: nullibi conficitur jus, & quod consuetudine veluti introductum est, si in se vitiosum, nullum jus constitueret. Testimoniis divinis utuntur, quando polygamiam cum primæ institutione pugnare asserunt, quando ex decalogo, in quo jus naturæ continetur atq; explicatur, præceptum repetunt de adulterio non committendo. Illud enim non tantum ad foeminas spectare, sed etiam ad maritos, ut adeo in thorum recipiendò alteram foeminam,

pactum matrimoniale cum priore initum violetur, atque adulterium committatur. Qui ex contraria parte, atque negativa stant, polygamiam non adversari juri naturæ, hæc argumenta refutatu facilia esse arbitrantur. Primum enim quod concernit, concedunt mutuam esse viri & foeminæ obligationem atque reciprocam de potestate in corpus: sed negant exinde inferendum: ergo viro non licere corporis sui copiam alteri facere; dum enim utraq; est conjux, utraq; jus in corpus mariti sibi vendicat. Ad secundum respondent, nullam fieri foeminæ injuriam, quando vir plures in thoro habet foeminas. Esse maximum discrimen inter virum atque foeminam. Hæc ita in potestatem unius viri transit, ut alius nihil juris in eam habeat, neque corporis communionem petere possit. Sed vir uti uni foeminæ est obligatus ratione pacti matrimonialis præstare debitum matrimoniale: ita non impeditur pluribus illud debitum præstare, atque corpus suum facere commune. Ubi igitur inæqualitas est personarum, ibi non simpliciter subsumendum esse colligunt: Quod tibi non vis fieri, alteri ne feceris. Fieri etiã posse, ut una foemina de altera superinducenda liberaliter consentiat, prout piissimus Abraham ex voluntate Sarai alteram duxit foeminam Hagarem. Quod tertium attinet, ac si primæva conjugii institutio matrimonium prohiberet, excipiunt, Deum instituisse matrimonium, prout una est atque simplex societas: sed hoc ipsum ratione conjugii planè accidentale esse, cum & plura conjugia coalescant in unum. Exemplum esse capiendum de societate paterna atque herili, ubi pater aliquis est sæpe plurium liberorum, atque aliquis dominus plurium servorum. Accedere insuper aliam rationem, quæ urgeat polygamiam non esse illicitam jure naturæ: Patres in veteri testamento tantæ sanctitatis viros, qui cum ipso Deo in colloquium trahebantur, ejus vocem atque jussa audiebant, non abstinuisse polygamiam. Neque ad dispensationem divinam fugiendum, cum Deus dispensare nequeat circa ea, quæ sunt turpia, Neque tolerantiam divinam nominandam

Gen. 16, 3.

dam, ac si nævum atq; peccatum tolerasset Deus: subesse enim iterum inexplicabilem difficultatem, quoniam illi viri sine dubio juris naturæ præcepta bene cognita habuere, neq; voluntate suâ contra illa egere.

Alia longè ratio est cum concubinato, qui omnino repugnat juri naturæ, dum pro fine non habet procreationem generis humani. Intelligo igitur illum concubinatum, quod aliquis incontinentiæ tantum causâ cum quadam contrahit, quam pellicem, amicam, concubinam appellare licet. Has denominationes annotat *Paulus Jureconsultus*: *Massurius scribit, pellicem apud antiquos eam habitam, quæ cum uxor non esset, cum aliquo tamen vivebat, quam nunc verò nomine amicam, paulò honestiore concubinam appellare.* Hic concubinatus, ab illo, qui veri matrimonii rationem ex natura habet, distingvendus. Ita apud Romanos inter servum & ancillam, inter liberos & servos non quidem nomine, sed re ipsâ dabatur matrimonium. Ex his dictis pater, non accuratè philosophari *Grotium*, qui in se diversissima confundit, falsâ nitens matrimonii definitione.

*l. 144. de
verbum si
gnificat.*

l. 1. c. 5. §. 15.

CAPUT VII.

De Potestate atq; Auctoritate Parentum in Liberos.

SI de origine potestatis atq; auctoritatis parentum quæritur, scilicet liberis imperetur, & à liberis cultus observantiaq; deferatur, dicendum erit, quod generatio tam nobilem effectum producat: quia enim parentes sunt, quia generaverunt liberos, tali potestate atq; auctoritate ornantur.

Sed multum differunt potestas atq; auctoritas: hæc enim perpetua est, nullâ liberorum eminentiâ tollitur. Quomodo sapientissimus Regum Salomon matrem coluerit testantur literæ sacræ. In Persia nefas erat filium in conspectu matris sedere, nisi cum illa permisisset, quod exemplum Alexander M. in Sisygambi

l. Reg. 2. 19.

*Curium l. 5. c.
3. 22.*

bi

bi imitatus est. Sit parentum manifesta injuria, profundant o-
pes, quæ liberis relinquenda, negligant educationem; non ces-
sare tamen illa observantia debet, quæ ex naturali lege obstricti
sunt liberi. Nam dum post Deum auctores vitæ existunt, an par
illis gratia referri poterit? annon injurias æquò animò ferre,
quàm honoris cultum omittendò, injuriam illatam ulcisci me-
lius erit?

Potestas atq; imperium ad tempus illud spectare videtur,
quò liberi adhuc sunt in familia parentum. Illa potestas conce-
dit parentibus jus, ut extremà necessitate atq; egestate cogente
liberos vendere possint. Ex malis minimum eligendum est: sed
majus malum dicendum, accersere mortem, quàm liberos ser-
vituti subicere. à servitute liberari non una datur occasio; vita
semel amissa nunquàm restituitur,

*l. ii. D. de libe-
ris & posibui-
mis lult. C. de
patria pote-
state.
Inst. de pa-
triae potest.*

Jus Romanum nimis amplificat Patrum potestatem, dum
illis in liberos jus vitæ ac necis concedebat. Unde etiam illud est
*Nulli alii sunt homines, quæ ealem in liberos habeant potestatem,
quæ ealem nos habemus.* Videtur potestas hæc patria exinde de-
scendisse, quòd Respublica Romana valde bellicosa esset; pro-
pterea instigabat cives Romanos præmiis ad procreationem
liberorum, quò in promptu semper esset hominum copia: itaq;
inter alia jus vitæ & necis præmiū locò numeratum est.

CAPUT IIX.

De Dominio atq; Servitute.

Sunt homines, quos natura egregiis animi dotibus instruxit,
ut possint sibi aliisq; præesse: sunt contra alii tam stupidi,
atq; à ratione alieni, ut ad parendum facti esse videantur, in
quibus defectus animi per robur corporis compensatur. Uti
enim habet *Aristoteles*: *ὅστις αὐτὸς δὲ ἡ φύσις καὶ τὸ σῶμα διὰ
φύσιν ἀπεινῇ τῶν ἐλευθέρων καὶ τῶν δούλων. τὰ μὲν ἰσχυρὰ πρὸς τὴν
ἀναγκαίαν χεῖρην. τὰ δ' ὀρεθὰ καὶ ὀρεγνῶν, πρὸς τοὺς τοιαύτας ἐργα-
σίας, ἃ δὲ χεῖρην πρὸς πολικὸν βίον.* Vult igitur natura corpo-
ra quovq; discrepancia facere liberorum hominum & servorum:

Poll. i. c. 3.

bac

*hæc quidem firma validaq; ad usum necessarium : hæc autem re-
cta, & nullò modò apta ad hujuscemodi muneribus fungendum,
sed accommodata ad vitam civilem.* Dominus animò valet, rem
prudenter dijudicandò; servus corpore, officia servilia obeun-
dò, præstat. Sicuti verò naturaliter imperat anima corpori, &
omne nobilius ignobiliori : ita natura jubet, ut dominus im-
peret servo. Deinde natura utriusq; commodo atq; utilitati
prospicere voluit. Dominus servò utitur tanquàm instrumen-
tò, servus, quoniam ob defectum rationis sibi ipse consulere
non potest, ad vitam tuendam adhibet domini consilium. Hæc
est domini atq; servitutis origo.

Hæc cum doctrina juris civilis parùm convenire viden-
tur: dicit enim *Ulpianus*: *Quia, quod ad jus naturale attinet,*
omnes homines æquales sunt, & *Imperator Justinianus*: *Jure*
naturali omnes homines ab initio liberos nasci, atq; servitutem
describit, quòd sit *contra naturam*. Clarissimus Orator atq;
Philosophus *Daniel Heinſius* non immeritò queritur de falsa
Jureconsultorum juris naturalis definitione; deinde vult con-
ciliare Jureconsultos atq; Philosophos: neq; enim *Aristotelem*
negare, omnes naturali jure esse liberos. Quod verò minimè
concedendum. An enim liber erit, qui ex naturæ jussu, non suus
sed alterius est? Afferit ipse *Aristoteles*: *ἔστι γὰρ φύσιν ἑστῶς ὁ δου-
λεύων ὁ ἀδύς εἶναι. διὸ καὶ ἀδύς ἐστι.* Est enim natura servus is, qui
alius esse potest: quare & alius est. Mihi inter servum natura-
lem, & illum, quem ex jure gentium describunt Jureconsulti,
nulla videtur esse pugna. Potest aliquis liber esse sensu civili,
qui tamen servus naturalis est. Cogita barbarum hominem,
servum non dominum habebis, & si vel maximè dominus ap-
pelleretur, nomine tantum, non re ipsa est. Contra potest ali-
quis esse servus ex lege seu jure gentium, qui tamen liber homo
ex naturæ jure meritò æstimatur. Quando nobilis vir in capti-
vitatem ducitur, alterius arbitrio ac voluntati subjicitur, con-
stituatur servus jure gentiù; liber homo nihilominus à natura

R. J. 32.
Instit. §. 2. de
jure natural.
Instit. de jure
personarum
§. 2.
Epistola ad
Georgium
Richierum.

Polit. l. 1. c. 2.

manet, quoniam virtutibus est instructus, ut seipsum atque alios regere possit. Ita multi hodie præclari viri à Turcis ad triremes & servitium damnantur. Sicut verò natura est immutabilis, ita talis per naturam servus nunquam erit liber: nihil hinc prodest in ecclesiis ceremonia, nihil vindicta, nihil epistola, testamentum, codicilli. Sed fortuna est mutabilis: ergo qui jure genitium vocatur servus, manumissione à tristi servitutis nomine liberatur. Servum à qualitate & facultate, unde diversi proveniunt actus, definiunt Philosophi: hinc alius aptus ad onera ferenda, alius ad currendum, sicque natura partitur diversas qualitates, ut dominus diversa officia imponere queat. Jureconfulti de statu atque servorum conditione, in qua nulla reperitur varietas, loquuntur. Hanc ob causam Philosophi vocem servi derivant à serviendo, quoniam talis homo à natura ad serviendum aptus est: longè aliter Jureconfulti, uti enim habet *Flor-*

l. 4. §. 2. D. de statu homin. l. 66. D. de legatis & fidei commissis. l. 203. de verborum significatione.

tinus: Servi ex eo appellati sunt, quòd Imperatores vendere, ac per hoc servare, nec occidere solent. Quamquam jus civile non planè negligit diversas servorum qualitates. Topiarius ornandi, saltuarius autem tuendi & custodiendi fundi magis, quam colendi, paratus est. Appellantur etiam dispensatores, insularii, villici, atrienfes, textores, operarii.

Aliter etiam libertas accipitur à Jureconsultis, aliter à Philosophis. Illic denotat potentiam alicujus agendi, prout placet: hic virtutis exercitium, quod facit, ut aliquis liber & sit, & appelletur, atque tunc ex opposito vitiosus, quia omni prudentià destituitur, erit servus. Sed ejusmodi vitiosus adhuc est liber sensu Jureconsultorum, prout habet agendi potentiam ea, quæ vult: etiamsi enim dependeat à sui domini voluntate; non tamen hoc accidit contra suam voluntatem, quin sponte subest alterius imperio, quoniam seipsum regere nequit.

Pol. l. c. 4.

Neque verò servum lege talem incognitum habuit *Aristoteles*, qui expressè dicit: *Διχῶς γὰρ λέγεται τὸ δαλνῶν καὶ ὁ δῶλός. ἓν γὰρ τῆς κατὰ νόμον δῶλός καὶ δαλνῶν. Duobus enim modis dicitur*

citur servire, & servus. Est enim quidam lege servus, & serviens. Hoc tamen discrimine, ut de servo naturali, quoniam leges sæpe iniquæ sunt, potissimum loquatur.

Leges Romanæ concedunt domino in servum jus vitæ atq; necis: *Apud omnes per æquæ gentes animadvertere possumus, dominis in servos vitæ necisq; potestatem fuisse.* Hodie ex more Christianorum illa inhumanitas sublata est, neq; ampliùs domino licet occidere servum.

Inst. §. 1. de his qui sui vel alieni juri sunt.

CAPUT IX.

De Civitatis Magistratu. De Collegiis.

Civitas, quæ omnium optima societas, secundum formam non una eademq; est. Jam Monarchia, jam Aristocratia, jam Democratia cernitur, sunt etiam variæ mixturæ illarum formarum. Ex diversitate formarum diversitas obligationum civium erga Magistratum oritur. Ubi uni summa potestas est concessa, quod ille in Republica sancit, legis ac obligationis habet vim. Si Optimates habent regimen, quod vel omnibus, vel majori placuit parti, juris naturam induit. Popularis Respublica itidem legem vel omnium, vel plurium judiciò format; quanquam sæpius nomine omnium pauci legem ferant.

Civitas sine ordine nunquam stabit, debent adesse imperantes & parentes: illi leges formant; hi legibus obtemperant. Naturæ jus illum ordinem præcipit, simul addens obligationem, ut pareamus.

Nihil refert an mas an fœmina Regno præsit. Neq; naturæ præceptum extat, quò fœminæ ad capessendum imperium prohibeantur, cum exempla sint, quibus fœmineum decus sustineatur, atq; non sine felicitate Respublica administrata fuerint. Sunt verò gentes, quæ ad imperium solos mares evehere solent, ut Asiatici, Africani, Americani populi. In Europa diversa Imperia diversitatem pariunt. Germania, Gallia, Polonia, Portugallia non nisi mares in throno vident. Hispania, Anglia,

Svecia, Bohemia fœminas admittunt: quanquàm ratio subest, ut filio ad justam ætatem pervenienti Regni fasces mater tradat, prout nostra tempora de Rege Hispania, Sveciæ loquuntur.

Debet autem Magistratus justè imperare, ut leges cum honestate conveniant, quòd si enim turpitudinem in se continent, parendum non est ob legem superiorem, quæ est naturæ fœdus, ab omni turpitudine abstinere jubens. Habet Magistratus suam vim, sed non in Deum, qui juris naturæ auctor existit.

Neq; licitum Magistratui vim inferre conscientis. Hanc ob causam subditos non potest cogere ad hanc vel illam religionem suscipiendam. Omnem violentiam respuit religio, atq; Deus spontaneum non coactum efflagitat cultum.

Si in societatem monarchici regiminis populus receptus, atq; mixtus est status, cavendum Regi, ne publicas leges, publicam salutem turbet, aliàs enim non injustè populo adversus Regem suâ vi uri videtur. Sed hæc res multas habet cautiones, & quod in hac Rep. licitum, in altera illicitum erit, ob diversum regimen.

Habent suas leges Collegia, quibus res suas ordinemq; tueri conantur. Si casus oritur dubius, à superiore, à Principe interpretatio petenda.

Si Collegæ ex sua voluntate quasdam leges faciunt omnes Collegas consentire necesse est: qui enim dissentit ex cæterorum consensu non obligari videtur. Illæ leges ut sunt arbitrariæ, ita plurimum nedom universonum voluntate tolli posse, nullum est dubium. Non tenetur Princeps suis legibus, non testator suo testamento, neq; socii privatis suis conventis.

In votis colligendis (loquor de civilibus) Præsidis atq; Senioris sententia multum valet aut valere debet. Rationes subsunt, quas lector pensabit.

CAPUT X.

*De Hereditate. De Rerum Dominiis. De
Usucapione. De Venatione. De Contractibus*

Post

Post mortem parentum in bona succedunt liberi : hi enim proximi sunt, quibus relinqvenda sunt facultates atq; opes.

Ex veterum Romanorum jure multum prærogativæ filii præ filiabus sibi vendicant. Nam ut testamentum valeret, filios, aut hæredes instituere, aut nominatim exhæredare cogebatur pater : non idem obtinebat circa filias, quia licet hasce in testamento præterisset, neq; hæredes instituisset, vel exhæredasset, tamen testamentum adhuc subsistebat. Potiori jure in hæreditatis bona venit filius, quam filia : hæc enim in idonea est ad suum patrem, ut patrem familias representandum : sed videtur contenta esse debere, si dotem suam consequatur ex bonis paternis. Studendum dignitati familiæ conservandæ & propagandæ, quod non aliter fieri poterit, quam ut masculis prærogativa detur in successione. Hanc ob causam emancipati non admittebantur ad hæreditatem, quia per hos patris defecti familia ad posteros non propagatur. Porro in univèrsum plus tribuebatur masculis, quam foeminis : *Vetusas ex masculis progenitos plus diligens, solos nepotes vel neptes, qui quæve ex virili sexu descendunt, ad suorum vocabat successionem, & jure agnatorum eos anteponebat : nepotes autem, qui ex filiabus nati sunt, & pronepotes, qui ex neptibus, cognatorum loco communerans, post agnatorum lineam eos vocabat, tam in avi vel proavi materni, quam in avia, vel proavia, sive paterna, sive materna successionem*

Inst. de hæreditatibus, quæ ab intestati: §. 15.

Imperatores postea ex peculiari statûs ratione hæreditatis bona in æqualitate posuerunt, ut æqualia & fratres & sorores acciperent. Nihilominus jure optimo manet adhuc hodie filiorum prærogativa, sumtus studiorum necessarii, & qui sumtus in honores Academicos, in Magisteria, Doctoratus impenduntur, in collationem non veniunt.

Valde igitur iniquum erit, quando filia præ filiis ex communi hæreditate, quæ ad omnes æqualiter lege venit, locupletiores

tiores sunt. Natura jus planè aliud vult; & verò ex illo inverso ordine inimicitia oriuntur, quæ cum ætate graviore existunt.

Dominium est jus rem sibi soli ac semper habendi. Hoc jus est in re, adeòq; non confundendum cum jure ad rem, quod saltem prætensionem dicit ad aliquid, prout filius adhuc sub patria degens potestate, tale jus habet respectu bonorum paternorum. Ergo dominus erit, qui rem sibi soli ac semper habet.

Deus hominem condidit tanquam dominum hujus universi, anima & corpore præstantissimo ornavit, ut & de divino Numine sanctè cogitaret, & sibi omnia subjecta esse videret.

Ita verò natura sortita est universas res, ut aliæ sint communes, aliæ singulorum. Cicero justitiæ munus esse censet, ut
Offic. l. 1. c. 7. aliquis communibus pro communibus utatur, privatis autem ut suis.

Promiscuam finxere bonorum communionem Poeta inter priscos mortales, quæ quamdiu usi fuissent, felicissime vixissent. Magna sequitur animi contentione illam opinionem
l. 2. c. 2. S. 2. Grotius. Verum enim verò dominium illud perhibetur clarissimis verbis in Bibliis sacris, hancq; ob causam furtum est prohibitum, ut quilibet rem suam propriam teneret, atq; civitates constitutæ sunt, ut adversus hostem auferentem res alienas sufficiens esset defensio. Hinc sponte sequitur, iniquum esse Republicæ regimen, in quo Magistratus subditis quacumq; oblata occasione bona sua eripiunt, vel invidis oculis illorum divitiarum atq; facultates adspiciunt. Quòd si autem aliquis jure rem propriam habere potest, iusta quoq; erit occupatio, secundum Philosophorum cædem: Positò actu secundo, poni necessario actum primum; quamvis non reciproco sensu ex primo actu statim ad secundum concludendum sit. Hinc enata est distinctio inter potentiale atq; actuale dominium. Illud commodatum à Deo universo generi humano primum per Adamum, postea per Noachum, quæ acceptione concedenda est rerum communio:

communio : Sed actuale dominium prohibet alios iisdem rebus utendi fructu.

Primum rerum dominium , prima rerum proprietas cum Adamo incepit , qui res occupatas subdidit dominio suo,liberos habens actu sub sua potestate. Postea rerum dominiū proprietatemq; habuit Cain fratre Abele occisō, quod ipsū expressis verbis asseritur: *Egresso Cain à facie Domini habitavit profugus in terra ad Orientalem plagam Eden.* Item: *Ædificavit civitatē, vocavitq; nomen ejus ex nomine filii sui Henoch.* Neq; planē absimile vero est ante factam familiæ separationem, jam tum Cain habuisse proprium suum veluti peculium. Erat ille jam perfectā ætate, colebat terram, matrimōium inierat (quod ante cædem ponendum est : postquam à Deo proscriptus & excommunicatus, soror in pietate instituta minimē illi nupisset) & in illa terrarum vastitate facilis erat dominiorum distinctio.

Quæ de potestate de rebus disponendi alias afferuntur, concernunt potiùs effectum dominiū, quàm ipsum dominium. Ille effectus à Magistratu civili sæpius impeditur: *Furiosus nullum negotium contrahere potest* pronunciante Jureconsulto Paulo, & Pomponio: *Furiosus vel ejus cui bonis interdictum sit, nulla voluntas est.* In bonis feudalibus multa sibi vindicat Magistratus, quò min⁹ domino concedatur potestas disponēdi, alienandi. Ita enim in bona Republica comparatum esse debet, ut salus societatis publicæ legem ponat, & Magistratus dignitas atq; auctoritas ubiq; emineat.

Ad usucapionem progredior. Quoniam nemo plus juris in alium transferre potest, quàm ipse habet, ille qui emit rem à non-domino, licet solvat pretium, non tamen fit dominus rei, sed potiùs erit bonæ fidei possessor; cum enim opinetur venditorem esse dominum, non aliter potest, quam de se habere bonam opinionem, quòd factus sit dominus. Injustum autem videtur, si permultos annos quis possederit bonâ fide, eum suâ possessione privari; dum hac ratione contingeret, neminem

secu-

*l. 5. de R. J.
l. 40. de R. J.*

securum esse in civitate de re emta, vel donata, vel legata, quòd eam retinere posset. Omnino igitur ex æquitatis ratione fuit, dominis concedere temporis spatium certum, intra quòd in res suas inquirere, easdemq; vendicare possent, idq; tempus si patiantur effluere, priventur suò dominio & hoc adjiciatur bonæ fidei possessoribus.

Circa usucapionem Justinianus Imperator correxit tempus. Apud veteres enim res mobiles usucapiebantur unò anno, res immobiles biennio, id est, possessores bonæ fidei, si quietè possedissent rem mobilem per annum, immobilem per biennium, fiebant domini, & veros dominos à dominio excludabant: Justiniano nimis rigidum visum fuit tam arctum tempus præscribere, quò nisi inquirent in res suas, dominium amittant. Itaq; longius prædefinivit tempus, ut scilicet res mobiles tribus annis usucaperentur, res immobiles decennio inter præsentès, vicennio inter absentes. Hactenus de jure civili.

Sed datur etiam usucapio imperiorum inter diversos Principes atq; populos, sæpe tunc non aliam rationem quàm tempus allegari vides. Memorabilis est locus apud *Tbuanum*: *Nec verò Principes si rogentur, quò titulò tot provincias possideant, aliud, quòd respondeant, habere, quàm eas ita à parentibus accepisse. Philippum reposcentem Neapolit & Sicilie Regna, Mediolanensem Principatum, Regnum Navarra, Placentinam arcem, Cameracum, Brabantiæ Principatum, non aliud respondere solitum, quàm ea ita à patre accepisse. Et quæ alia plura in hanc sententiam sequuntur verba.*

Equidem tempus per se nihil efficit, nullum dat jus aliquid occupandi, sed quando rudi Minervâ aliquis ita de tempore loquitur, intelligit simul omissionem rei, sive animum amittendi. Non aliter philosophatur magni nominis Vir Dn. *Conringius*. Quando enim Italiam adhuc hodie ad Romano-Germanici Imperii ditionem pertinere probat, hoc utitur argumentò: *Quòd nec aperte nec tacite juribus illis Germania hæc tempore renunciaverit*

coq.

L. 10. P. 43.

*Traſſatu de
Finib; c. 23.*

eoq; ne quidem longi temporis aliquâ præscriptione integram libertatem sibi Italia pepererit. Vides nullum probationis robur ex nudo temporis respectu accedere, nisi adsit voluntas rem amittendi. Ut verò tollantur lites, alioquin in infinitum duraturæ, ut consulatur tranquillitati publicæ hoc jus usucapionis inter gentes introductum est.

De venatione hoc annotandum, non ad eò commodam sententiam esse, quando cuilibet occupatio ferarum conceditur. Veteres Jureconsulti justum illud dicebant, quod observatum esset à gentibus, antequàm civitates conderentur. Sed consuetudo nostrorum temporũ propiùs accedit ad regulã naturæ juris: non enim omnibus jus venandi, neq; omni tempore competit, sed certis tantum personis, certò etiam atq; descriptò tempore.

De contractibus paucissimis verbis agendum. Natura non solum hominem inclinât ad societatem colendam, sed etiam necessitas, dum sine opera, & exortis dominiis sine adjumento rerum alterius vivere nequit. Constituit verò natura hominem liberum, ut invitus aliquid facere in gratiam alterius minimè cogatur. Hinc contractus invenit, per quos unus alteri obligatur. Exinde proveniunt emptio & venditio, commodatum & mutuum, pignus, & quæ alia in contractibus obveniunt nomina. Sed magnoperè errant, qui introductis demum distinctis dominiis contractuum necessitatem statuunt: opera enim nunquam communes, sed semper à socio impetrandæ fuere.

CAPUT XI.

De Transitu Exercitûs.

MAgnum hîc discrimen constituitur inter Philosophos, & eos, qui jus in armorum vi ponunt. Ex naturæ enim lege omnino dicendum videtur, non impediri debere transitum per alienam terram. Loquor de innoxio transitu, ubi nullam incommodum sentit aliena Respublica. Juris enim naturæ est, ut alteri pro sis, ubicunq; ipse non sentias incommodum. Sed

Q

Prin-

Principes ejusmodi transitum impedire licere putant, atq; tunc disputandum non quid fiat, sed quid fieri debeat.

Petendus verò ejusmodi transitus, ob jus quod proprietatis dominus habet. Si enim per villam privati cujusdam, transire, eò non rogatò, minimè permissum est, injustum erit factum, insciente nolente dominò, tantis copiis ingredi alienas ditiones; idq; eò magis, quòd securitas publica attrectatur.

Cogitandum etiam, an transiturus habeat justam bellandi causam, an subsit necessitas, ut injuriam vindicet, ut patriæ succurrat. Tunc ne alii subveniendò, tibi ipsi desis, cogendus est transiturus, ut idoneè caveat de non inferendo incommodo, quod fieri poterit obsidibus datis, aut juramentò præstitò.

Prospiciendum porro, ut frumentum, & quæ alia pretii magnitudine à tanta hominum copia augentur, transiturus majori pretiò redimat, atq; auxilium promittat, si forsàn ob concessum transitum hostis inveniatur.

Hic denegatus innoxius transitus justam gladiò aperiendi viam atq; legitimam belli causam præbet: alteri enim, qui perituræ patriæ succurrere, qui injuriam illatam ulcisci vult, contra naturæ regulam impedimento es, quò minùs se suamq; rem defendere possit. Ergo quod precibus non acquiritur, vi & armis acquirendum.

Quòd si verò transiturus idoneè cavere, jusjurandum persolvere detrectet, non injustum erit, transitum denegare. Tunc enim scelus subesse intelligitur, ut te aliumq;, cum quo fœdere junctus es, armis opprimat. Hoc verò esset suâ sponte toxicum in corpus derivare.

Præterea, quoniam innoxius planè debet esse transitor, non erit concedendus, quando contagione atq; pestifera luce exercitus est infectus. Ita enim alteri serviendum, ne tibi ipsi noceas. Non præter rem erit doctam Dn. *Xòserno* Exercitationem de transitu exercituali in hac Lencorea A. C. M DC XLVI publicè habitam conferre, ubi benevolus lector & pro
affir-

affirmativa & negativa sententia in compendio habebit argumenta.

CAPUT XII.

De Jurisdictione Maritima. De Commerciis.

Qui hanc controversiam de jurisdictione maritima tractant principes scriptores sunt Grotius, cui titulus mare liberum, atq; Seldenus in opere, quod inscripsit mare clausum, parum commodò, ut eruditi æstiment, nomine. Valde etiam laudatur labor Dn. Strauchii.

Ardua est controversia, & quam summæ potestates gladio potius atq; armis, quam philosophicis argumentis dirimendam censent; regnat in Rebus publicis ratio statûs, quæ jam laxius, jam strictius jurisdictionem illam interpretatur, & quod aliò tempore impugnatum, jam magnò studiò assertum vides. Sunt qui pro Reipublicæ affectu ex ipsa Philosophia non unam probant sententiam, quæ ingeniosum specimen deprehenditur in Grotio atq; Seldeno.

Hic iterum rejiciendus error veterum Jureconsultorum Romanorum, qui id juris naturæ esse statuerunt, quod à gentibus receptum, cum tamen multa in societate gentium imperfecta civitatibus conditis ad perfectionem pervenerint, hæcque ob causam jus naturale quærendum sit in civitate tanquam perfectissima societate.

Concedenda est igitur jurisdictio maritima, non illa universalis, ac si unus aliquis in totum mare monarchiam exercere deberet, sed particularis pro certa territorii parte. Dicuntur equidem litora communia & juris gentium, quatenus nimirum omnibus peregrinis conceditur ibi consistere, merces deponere, & subsistendi gratiâ tugurium conficere (quod enim commercia cum peregrinis & longè disitis populis tractari possint, necesse est his adventantibus usum litorum concedere) sed inde non sequitur, nullum Principem aut Regem dominum litorum esse, & imperium in eisdem exercere posse; ut adeò malè

nonnulli tradant **POTENTISSIMUM ELECTOREM BRANDENBURGICUM** non habere potestatem prohibendi collectionem succini in litoribus.

Non abutendum verò est jurisdictione maritima, ac si nihil non in ingredientiæ aut transeuntes statuere liceret. Multum hoc imperium, quoniam cum exteris gentibus, imo cum toto terrarum orbe frequentatò mutuò commerciorum usum, diversum. Alibi tibi tanquam Principi imperandi major est libertas concessa, hic cavendum, gentium, atque, ut sic loquar, totius terrarum orbis invidiam effugas.

Ad liberam maris navigationem stabiliendam inventum olim fuit fœdus Hanseaticum, quod iniere & civitates in Imperio, & extra Imperium sitæ, mirò quidem successu: potentia enim illarum civitatum ipsis Principibus formidabilis extitit, qui non cessarunt, datò commodò tempore illam infringere potentiam. Hactenus vix umbra Hanseaticarum civitatum conspicitur, nisi quòd Lubeca, Hamburgum, Brema, Dantiscum, Colonia, & aliæ quædam in isto fœdere persistunt, dumque hostilibus, piratis impares, jam à Batavis, jam ab Anglis præteguntur.

Jam de commerciis paucis. Jus naturæ vult, ut commercia inter gentes exerceantur, atque hac ratione indigentia succurratur. Sunt regiones, quæ metallis abundant, frumentis destituuntur, in aliis contrarium vides, atque tunc jucundæ instituantur commutationes.

Contra naturam verò erit commerciorum mutuum prohibere usum. Si enim ex omnibus gentibus una quædam societas conficienda est, non debet mutuum cessare auxilium. Sed ne civitas sibi ipsi noceat, in primis frumenti rationem habeat. Hoc ex singulari prudentia Principum Consilarii hactenus observarunt, & quod aliàs fieri solet, ut bellum annonæ caritas comitetur, nunc undique magna frumenti copia adstr.

Sed quas merces, quem vestitum atque ornatum Gallia in Germania

Germaniam portare solita est, non injustè ille prohibetur. Est enim Gallus Imperii hostis, atq; mercium illarum vilium frequentia opum nostrarum avectionem efficit.

CAPUT XIII.

De Legationibus. De Foederibus. De Pactis.

De Restitutione in integrum.

Sancti & inviolabiles debent esse Legati, ne Legatorū missio-
ne inter hostes sublatâ, omne commercium paciscendi inter-
cidat, omnisq; via ad pacis condiciones concipiendas inter-
cludatur. Unde *sacrum etiam inter exterâs gentes Legatorum*
jus vocat Tacitus, atq; apud eundem scriptorem Germanicus
milites alloquitur: *Hostium quoq; jus, & sacra legationis, & fas*
gentium rupissis. Foedisimum ac atrocissimum Helenæ Rus-
sorum Reginæ factum est, quod refert *Bodinus*, dignum Rus-
sicâ scævitiâ exemplum, si modò in hostes perpetratum. Ami-
cos amicitiamq; quærentes ita per injuriam opprimere con-
tra naturæ jus est, adeoq; ab homine planè alienum. Justas
itaq; & violati juris & tantorum cædis virorum pœnas, in
suammet necem miserrimè versâ, dedit.

Histor. l. 3. c. 8
Ann. l. 1. c. 42.

de Rep. l. 5. c. 6
p. 967.

Quamvis autem in violatione Legatorum nulla satis ju-
sta causâ ad sceleris patrocinia prætexi possit: sunt tamen qui-
dam casus, quibus non quidem violari Legati, finibus tamen
excedere juberi, aut apud mittentes de illata injuria conveni-
ri possunt. Ita Holfatiæ Ducis Legatum insolentiùs se geren-
tem domum nuper remisit Persarum Rex. Quod si vim ar-
matam intentet Legatus, sanè occidi poterit, non per modum
pœnæ, sed per modum naturalis defensionis.

Quod de Legatorum personis statutum, de ipsorum quoq;
comitibus & ministris, uti etiam vasis & bonis mobilibus in-
telligendum cenfeo, non tamen ita laxè, ut de ipsis Legatis.
Quando itaq; comites Legatorum injuriâ quenquam ex iis,
ad quos mittuntur, affecerint, postulari possunt apud Legatòs,
& hi, si atrocius sit crimen, ad deditionem coguntur.

l. b. c. f.

Huc spectat quæstio; Utrum jure talionis Legati ejus violari jure possint, qui simile quid patravit? Legatos esse sanctos ac inviolabiles jam antè monitum, & naturæ jus non tantum dignitati mittentis auxiliò hujus privilegii: sed etiam securitati ejus, qui mittitur, consulit. Quare, licet mittens pœnam aliquam fuisset meritis; parcendum tamen esset Legatorum sanctitati, ne scelera sceleribus expientur. Egregium, fidei publicæ exemplum exhibent Romani, quod extat apud *Valerium Max.* Timens Amilcar, ne, quas Punicâ fraude Cornelio Asinæ Carthaginenses injecerant catenas, iisdem ipse oneraretur, ire in Romanorum castra ad pacem petendam noluit. Hanno autem, virtutis Romanorum certus, nihil tale timens, maximâ fiduciâ ad colloquium eorum tetendit. Apud quos cum de belli fine ageret, & Tribunus ei dixisset: *Posse illi meritis evenire, quod Cornelio accidisset*, uterq; Consul, Tribunus tacere iussit; *istò te*, inquit, *metu*, Hanno, *fides civitatis nostræ liberat*. Quasi dicerent: Vos Pœni quibus lubrica semper fides, eadem vos fraude perituros timetis, quâ alios impetitis, sed fides populi Romani, ne id metuatis, efficit.

Fœdus inire est effectus Majestatis: ubi igitur populus erit superiorem non habens, ibi fœderis ratio locum habebit.

Ad fœdus ineundum instigat natura: dum enim naturæ jus hominum pravitare occultatur, sanctò fœderis nomine faciendum, ut tuti simus, ut commercia instituamus, atq; satis roboris habeamus ad injuriam nobis illatam vindicandam. Nonnunquam fœdus juri naturæ quædam superaddit; talia multa sunt, quæ singularibus conventionibus constituuntur,

Aliud fœdus est æquale, aliud inæquale. Illic pares cœunt, hic impares, dum unus superioris respectum habet. In hoc ultimo genere cavendum, ne libertas periclitetur.

Deinde aliud fœdus est temporale, aliud æternū. Ex ipsa appellatione res clara atq; manifesta est; modò notetur æternum fœdus

fœdus significare tempus longissimum, & si ejusmodi fœdus dissolvendum, solenni denunciatione opus esse.

Non verò in se turpe est cum barbaris atq; à Christiana religione planè alienis gentibus fœdus inire, inprimis commerciorum gratià. Qvòd si armaconjungenda, opera danda, ne hoc in fraudem veræ religionis fiat. Qvò nomine pessimè audit Franciscus I. Galliarum Rex, qvòd adversus Imperatorem fœdus fecit cum Turcis: quanqvàm neq; hòc tempore Christianissimus (cogita humanissimū atq; singulare nomen) Ludovicus XIV variis turbis atq; seditionibus bellum excitare cesset. Melius sanè esset, si omnes Christiani Principes, si omnis Christianus populus, contra Turcam insensissimū Christiani nominis hostem vires conjungerent. Sed hoc ut optandum, ita vix sperare licet.

Pactum omne dicit obligationem. Illa obligatio desinit, quando gravior casus aliquis intervenit. Princeps alteri fœderato promittat auxilium, ipse autem armis hostilibus opprimatur, facilè excusabitur, si non servaverit promissum.

Bene etiam Cicero: *Si constitueris te cuipiam advocatum in rem presentem esse venturum, atq; interim graviter egrotare filius ceperit, non sit contra officium, non facere quod dixeris.* Offic. l. i. c. 10.
Sunt igitur alia pacta publica, alia privata.

Porro qvonià alia pacta ex solo naturæ jure, alia ex lege civili obligationem habet, inde nuda atq; non nuda vocantur. Quanqvàm nudū pactum lege civili tolli possit, uti in Scto Vellejano.

De restitutione in integrum paucissimis verbis agendum. Est Jureconsulti Pauli pronuntiātū: *Qui non facit, quod facere debet, videtur facere adversus ea, qvìa non facit.* • Ex hac vel actione vel omissione oritur restitutio in integrum, seu obligatio naturalis damnum illatum resarciendi. Habet homo qvædam propria ex natura, qvædam ex dominio, aut pacto, nonnulla ex lege. In omnibus generibus, quando damnum occurrat, locum habet restitutio in integrum.

121. R. J.

Utun-

Utuntur etiam Principes remediò restitutionis, quatenus immodicè aliquid egerunt, aut donaverunt, inprimis quando lex publica alienationem Principalium bonorum prohibet.

CAPUT XIV.

De Bonis Ecclesiasticis.

Duplicia sunt jura, quibus Majestas ornatur & ecclesiastica, & secularia. Pontificii aliter loquuntur, qui ad suum Caput visibile, atq; sanctos Administros jura ecclesiastica spectare volunt. Nihilominus tamen Imperator Romanus inter potestatis suæ axiomata refert jus primariarum precum, vulgò **Papæ Brieffe**/ex quo jure in Ecclesiis cathedralib; & collegiatis, quæ Cæsareæ vocantur, Canonici constituuntur. Ita in Magdeburgensi Archiepiscopatu **AUGUSTISSIMUS LEOPOLDUS** ex numero quinque Ecclesiarum, quinq; nominare atq; assuere jussit Canonicos.

Ex jure Majestatis circa sacra evenit bona ecclesiastica ad res seculi converti posse, sed subesse debet necessitas: Intentio enim fundatorum quia bona est, atq; sapius diris devovet illud, qui contra institutum aget, non evertenda est. Distingvendum etiam est inter bonorum ecclesiasticorum suppressionem atq; extinctionem. Nonnunquam bona ecclesiastica pro ratione salutis publicæ ad res seculi convertuntur, quæ tamen

Republica bene ordinatâ, revocantur. Sed haud rarò fit, ut bona ecclesiastica rebus seculi planè addicantur, & omnis spes ad pristinum redeundi nomen cesser

§(O)§





